

I CINAMATIZYO CASANU

 Atu kotamike mitwe yesu lino ku mupailo.

² Taata Wakujulu Siluzyalo, Leza Singuzuzyonse, Wa kabusya alubo Jesu Kristo kuzwa ku bafu, a ku Mu tondezya kuli ndiswe mu mazuba aya aakumamanino, mu Nguzu zya Muuya Uusalala, tuli lumbide ku kuswayigwa oku kwanguzu ikwa Leza uatafwiki. Elyo lino, Taata, tula nganya oora limbi, oora inga zya cinca kuunkwa Kutamani kwa bantu banji.

³ Elyo twa langanya eli, Mwami, tuli mbo tu teeleli. Nkaambo, cili mu Magwalo, kuti, “I Kabele wakabweza Bbuku a kujula Zinamatizyo.”

⁴ O Kabelele ka Leza, boola kunembo, twa lomba. Twa itila Nduwe, Mwami, Munununi mupati. Boola kumbele a kutu tondezya bubambe Bwako bwa lununuko obo bwaka siswa kwiinda mu myaka, kunamatula eci Cinamatizyo Casanu kuli ndiswe sunumasiku, Taata, a kuyubununa eco cili kuni lya ceeco Cinamatizyo kuli ndiswe; kutegwa tuzwe katuli Banakristo bali kabotu kwiinda mbo tubede lino, inga twaba beelela ku ncito eyo ibikkidwe kumbele. Twa cilomba mu Zina lya Jesu. Amenii.

Amu kkale.

⁵ Kwasiya kabotu, beenzuma. Nda langanya eci kuba coolwe ciyandisi kuba kookuno sunumasiku, aa kucitika oku kupati. Ta ndizi kumwi oko Nkwe konzya kulimvwa kabotu loko, kwiinda kuba aa mulimo wa Mwaami. Elyo lino kuboola kapati aa ziiyo ezi awo mpo tulindila buyo; ikuti na Ta Ci yubununa kuli ndinywe, ni Nda takonzya ku Cipa kuli ndinywe. Nse soli kubesya miyeeyo yangu ini imwi na kufumbwa cintu; mbuli Mbwayo Cipa. Mbo mbubo. Elyo Ndi—Ndili masimpe, ikuti Nse belesyi miyeeyo yangu ini, nkabela Ca boola mu nzila njo Ca cita. Elyo buumi boonse tii Ca kalubide. Ta cika lubili ku ciindi eci.

⁶ Lino, tuli mubulemu buyo a kulumba, maningi, maningi kuli ceeco Nca katucitila, janza pati lyamaseseke lya Leza muumi! Ino ncintu cipati buti cikonzya kuba, bantu bala coolwe kapati mbuli mbo tukonzya kuba, kwiinda kuba mu busyu bwesu bwa Mwaami wa baami, Mwami wa bami?

⁷ Inga antela twa lizya ludweba a—a kwiimika ndembela, a kulazika makkapeti a zintuzyonse, ku Muleli wa cisi ku boola ku dolopo. Pele, amuyeeye buyo, inga caba kabotu, alimwi inga caba calulemeko ku dolopo.

⁸ Pele amuyeeye. Mu cikombelo cesu, ciniini cibombe, sunumasiku, twa tamba Mwaami wa baami, Leza. Elyo ta tu. . . Ta yandi makkapeti kuyalwa, azimwi zimbi. Walo uyandisya myoyo mibombe ku lazikwa, kutegwa inga Wa tola myoyo eyi

mibombe a kuyubununa kuli njiyo i—i zintu zibotu ezyo Nzya kayobweda boonse abo ba Mu yanda.

⁹ Lino, twa kabuzya. . . Elyo Ndi jisi bumboni obo Mbwe yanda ku—ku pa. Lino, ikuti na Nda lubizya ali boobu; Nda kabumvwa buyo, alimwi inga Ka Ndi lubide obo. Pele Ndi yeeya kuti bantu nkobali, alimwi oko bumboni nku bubikkwa.

¹⁰ Elyo mapwo, mazuba masyoonto akainda, cindi ni Nda kali ku muunzi wangu lino, mu—mu Arizona, twa katambula ii—ii kuutuminwa kwa kati kwakali mulombe muniini oyo waka jisi ntuntumaanzi imbi icisa akuzimba. Alimwi eyo yuunka ku moyo. Elyo wa kali boobu. . . Bawisi a banyina mbeenzuma, bayandisi bayandwa bangu. Wa kali wesu. . . umwi wa bamadaikona besu okuno, ba mbungano, Mukwesu Collins. Mulombe wakwe muniini, Mikey muniini, uusobana aa Joe, wakali kuciswa ntuntumaanzi imbi icisa akuzimba yaku moyo. Elyo bamadokotela baka mutumina ku muunzi, kuyo mubikka mu bulo, a kwaambila bazyali kuta sola kumulekela kubuka, nanka kubusya mutwe wakwe, kunywa maanzi. Kwaanywa kuzwa ku kapila; wa kali cisidwe kapati. Elyo bazyali, basyomeka, basika ku cikombelo okuno, a kusyoma.

¹¹ Elyo masiku masyoonto ainda, kutali kusola kulindila, twa kaambilizya milimo ya kuponesegwa Munsondo. Pele, mukubona kuti twa kali kweelede kuyo vwiila mibuzyo, aboobo mpawo twa kasotoka mulimo wa kuponesegwa.

¹² Elyo mpawo Nda ka jisi cintucimwi ciniini eco Nce kali kubamba mukati kangu, mu moyo wangu.

¹³ Elyo banyina a bawisi bakali kuyanda kuziba ikuti na bakali kukonzya kuleta mwana ku i—i kaanda. Elyo bakaleta mulombwana munini kubusena okuya, elyo Muuya Uusalala waka mwaamba kuponesegwa.

¹⁴ Elyo aboobo, bazyali, mukuba balemeka ceeco, katola mulombwana muniini a kumu tumina ku cikolo, kamu tumina buyo ku cikolo.

¹⁵ I dokotela waka cimvwa eco, aboobo dokotela taka botelwa maningi a cintu cili boobo. Aboobo, wa kwaambila banyina kuti muvwanda weelede kuba mu bulo, mubwini. Elyo waa ka mwaambila kaano. Elyo Ndi yeeya kuti muntu walo, Nda mvwa, walo musyomi Munakristo, ku kabungwe. Ii—ii Seventh day Adventisti, dokotela mbwabede. Elyo aboobo wa kati, “Ee, we elede. . . nciindi ca mwana, kuli ndime ku mulangalanga.” Kati, “We elede ku, nokuceya, kuti alangwelagwe.”

Waa kati, “Kabotu loko.”

¹⁶ Katola mwana kunselelo, nkabela dokotela waka mulangalanga, ku bulowa, oko ntuntumaanzi imbi icisa akuzimba nkoya kabede. Elyo aboobo Ndi mvwa kuti dokotela waka gambwa maningi cakuti takazi acakucita. I mulombe

muniini uli kabotu cakuloondoka, muzumi a uponede, kutali ii...?...ka janwa.

17 Lino, sa bana Collinis nkobali? Kwayanda ndaamba eco cilubide. Ndi yanda...Sa mbo mbubo, Mucizi Collins? Inzya. Ncibotu. Inzya. Oyo ngu Mikey Collins muniini, utandila buyo myaka ili cisambomwe, ciloba yakukomena.

18 Elyo eco cakacitika moonya mu kaanda, kutandila masiku otatwe ainda. Oh, ba...Wakali Muntuumwi mu kaanda ako kunze lya muntuni! Wa kali i—i Jehova mupati a singuzu, mbo mbubo, oyo uboola kuzulizya Ijwi Lyakwe. Elyo Ndili—Ndili lumbide loko kumvwa ceeco. Mwabona? Ndi lizi toonse tuli obo. Kutali ndime biyo, pele toonse tuli obo, nkaambo ino kuti oyo wa—wa kali mulombe wako muniini na mulombe wangu muniini?

19 Elyo, amuyeeye, Ndi pa bumboni, mbuli bomwe buyo, a kusala bomwe awa awaalya. Bula citika koonse, pele kumu zibya buyo kuti—kuti mulimo wangu wini ngwa kuponya kwa Buleza. Pele nywebo...Ndili wano ku Zinamatizyo. Nkaambo, kwainda kaindi kaniini, muyo mvwisya kaambo Nce kacitila ceeci. Elyo, aboobo, Nseli mwiyi, Nseli silwiiyo wa zyangombi. Ndi—Ndi kombela buyo balwazi, alimwi Nda muyanda Mwami. Elyo lino, lino muli ceeci, nekuba, kuti... .

20 Busiku bwainda twa kapa bumboni bwa musimbi muniini...Ndi lijisi zina lyakwe. Elyo Billy uli lijisi awa lino, amwi, lya muzyali a boobo mbo babede. Elyo oyu musimbi muniini wakali mu ciimo camamanino ca leukemiya, kutandila buyo...Wakali cisiidwe kapati cakuti tiiba kali kukonzya ku musanina ku mulomo oyu limbi; wa kacita kuba...bulowa bwakwe bwaka bikkwa kwiinda mu nsinga. Elyo wakali muntu muniini mubotu. Waa kali munini ku musela wakwe, kutandilla mbuli mulindu oyu muniini awa, Nda yeeyela. Pele wakali kutandila kulampa *boobu*, kapati...Ba kali kutandila mbuli ndiswe. Wa kakonzya kuziba kwiinda ku mwana mbwa kasamide, kuti...alimwi bazyali, kuti ba kali bacete kapati, bacete buyo kapati, alimwi, aboobo, pele kubatama loko. Elyo Muuya Uusalala wakaamba kuti mwana waka ponesegwa.

21 Lino, amu ciyeeye buyo eco, a leukemiya, oyo mulombwana muniini. Elyo bulowa bwakali bubyaabi loko cakuti tiiba kakonzya limbi akwalo kumu sanina kwiinda ku mulomo. Wa kacita kubweza, kuunka ku cibbadela a kubweza bulowa, na kubikkwa kwiinda mu nsinga, kumu sanina; Ndi yeeya kuti, glukkosi, na kufumbwa. Ta ndizi obo bweede bwa masilike mbo bucita ku bulwazi obo, pele, nekubaboobo, wa kacita kusaninwa munzila eyo. Elyo mwana katana kuzwa mu busena, waka lilila hambaga.

22 Elyo bazyali, niba kamana kumvwa Muuya Uusalala, wa MBUBOBU MBWAMBA I MWAMI, mwabona, balo...

Elyo, balo, beenzu, abo batakalina bako. Pele balo. . . Ii—ii banabukwetene bakaindi babotu abo bazwa kujana zyuuno zyabo awa, maminiti masyoonto ainda, Mukwesu a Mucizi Kidd, bali balaililide cakucita, a caku swiilila. Elyo mwana walya zilyo zyakwe mu lweendo kuyaku muunzi.

²³ Kwiinde mazuba obilo na otatwe kuli ceco, mu cikolo. Elyo kainka kuli dokotela, nkabela dokotela waka gambwa kapati! Wa kati, “Takukwe akwalo mukondo omwe wa leukemiya waka janwa mu mwana.” Mwabona? Lino, ngu mpoonya awo, aa mbaakani, Nguzu zya Leza Singuzuyonse, ku kubweza kukunkwa kwabulowa a ku busalazya, kabotu mbuli boobo, a—a kubikka kutweta kwa—kwa buumi bupya kujokela omuya. Nkaambo, kukunka kwako—kwako kwa bulowa mbo buumi bwako, noufwika. Elyo kulenga maseelo mapya, a kusalazya kugwisya bwakaindi! Elyo—elyo cintu mbocibede, cili ncobeni. . . Inga ndaamba eci, mucito wakulenga kwa Leza Singuzuyonse; ku gwisya ii—ii kukunka kwa kasofweede ku kkulenge, kusikila mulombwana muniini, wakali yello a kuzimba, elyo, mu ciindi buyo cisyoonto, kukunka kwabulowa kupya kumaninide!

²⁴ Nda syoma. . . Nse ka cikanani mu Zina Lyakwe; Ndiyo cikanana muli lwangu. . . mu ciyubunuzyo ca lusyomo lwangu, eco caka citika mu Sabino Canyon buzuba bumwi. Ndi syoma kuti oora lya swena, cindi maboko aatako nayo boozegwa, nkabela Nguzu zybulemu bwa Mulengi. Nda—Nda syoma, ikuti na Ula konzya kupanga sikaale kulibonya, oyo utakwe. . . Ngooyu muntu na mwanakazi, uta cijisi cibeela. Alimwi eco ncinyama kumaninina, muli lwaco. Ngu Leza. Nda—Nda Mu yanda.

²⁵ Ee, lino, Nda talika aa ziiyo, elyo tu bandika buyo. Elyo bantu bali ku malambo oonse, kwiimikila mu mahoolo a twaanda, amumwi mumbi, aboobo Nda sika ncobeni kugama ku Mulumbe.

²⁶ Alimwi Ndi yanda kwaamba ceci, alimwi Ndi yanda kupa kulumba kuli Nguwo Oyo uulikokoonse. Alimwi, kuti, sunu, mukutaziba cintu comwe kujatikizya Cinamatizyo Cane, Ca boola munzila eyo njionya ya maseseke, cifumo cino, kutandila buyo oora kakutana kuca, cindi Ne kali kubusena mu mupailo. Elyo sunu. . .

²⁷ Nda kkede buyo mazuba aya amamanino osanwe na cisambomwe, mu kaanda kaniini, kuta bona muntu umwi. Kuunka buyo a akulya zilyo zyangungu antomwe—a mweenzuma, a beenzuma bamwi okuno. Elyo, mubwini, mulizi kuti mweenzuma nguni, walo Mukwesu a Mucizi Wood. Inzya. Elyo—elyo nywebo mulizi, elyo Nda kaunka okuya a—a kukkala ambabo, nkabela bantubonse bakali kabotu. Elyo tii kwali cintu cili coonse, citete buyo. . .

28 Ndi sola kukkala kabotu a Mulumbe oyo wa Zinamatizyo ezyo. Nci yandisi. Ndi syoma kuti ndi—ndi oora lya ciindi Caco cakuyubununwa, ciyubunuzyo Caco.

29 Elyo lino Ndi yanda kuba masimpe lino, cakufwambaana, kale, mbuli mbo mu konzya kubinda, kulemba kumvwisya kuta zizilwe kwa—kwa zeezi Zinamatizyo zili Ciloba, ikuti na muli kujisi, ku kubikka aa desiki. Elyo ndizi Mukwesu Neville na muntuumwi inga wabikka bbokesi atala awa. [Umwi waamba, “Ndeeli bbokesi.”—Mul.] Oh, ndeeli—ndeeli, Nda kubona lino. Eco ncibotu. Inga ndayanda kuba ankuko sunumasiku, kutegwa inga ndiza Nda ilangalanga asyoonto, ya Musondo cifumo. Lino, muta, ciindi eci, eeni aa ciindi eci, muta cibambi nkumbizyo, kwaamba, “Sa cizibyo ca Muuya Uusalala *nceeci?*” Mwabona? Ndi—Ndi yanda kuziba kujatikizya, eco Nce kayiisya, nyebo mwabona, kutegwa tu konzya kusika ku ciyo eci comwe (mbuli makkalo aa mbungano) cigaminina, mwabona, nkaambo nce ncico ncotu langanya lino.

30 Lino, mbuli kuti twali kuyo kombela balwazi, mpawo eco citola ndiza ii—ii mupailo wandeene. Elyo uli nanikidwe, wanjila a cintu candeene, nywebo mulizi. Elyo uyandaula Leza, ku kuziba, “Sa kulaba muntuumwi okuya sunumasiku, Mwami?”

31 “Iyi, kuyooba muntuumwi uusama dresi lya yello, uukkede mu kkona lya kujanza lyalulyo. Elyo cindi wa mwiita, mwiite eci. A kwaamba *boobu* a *boobu* kuli nca kacita. Elyo ujisi cili *ceeci-a-ceeci*.” Mpawo waselemukila okuya a kulangilila, nkabela ngooyo mbwabede. Mwabona? Mpaawo we, mwabona. Cili andeene. Mwabona?

32 Alimwi nzila eyi, Nda paila, “Mwami Jesu, mbupanduluzi nzi bwa Ceeci? Ci yubunune kuli ndime.” Ameni.

33 Lino atu bweze Cceba lyesu—lyesu alubo lino, alimwi, Ijwi.

34 Elyo Nda lumba lugwasyo lwa kumuuya lwa Mukwesu Neville, alimwi a luyando lwakwe lwa bunyina, kusule lyangu okuno kwini, kandi kombela. A yanu nyoonse okuya, ayalo. Elyo, lino, sunumasiku mukuba busiku Bwasanu, tula sola, kucibamba buyo mbuli . . . tu . . .

35 To konzyi kuuma kabotu zintu zyoonse. Ula . . . Nkaambo, inga wa bweza Ceeco, cimwi buyo ca Zinamatizyo ezyo, a kukkala, ku Ci leta buyo—buyo kwiinda mu Lugwalo, ansi eeni. Mwabona? Inga kwatola myeezi a myeezi a myeezi, nekubaboobo inga to Ci mana, nkaambo i—i Cinamatizyo Lwaco ciswaanganya Lugwalo loonse, kuzwa ku Matalikilo kusika ku Ciyubunuzyo, comwe Cinamatizyo Caco.

36 Aboobo eco Nce sola kucita, nku, tantamuka kuzwa kuli Ncico, Njolemba Lugwalo, na—na bulembo buniini awa amwi abusena, a kutantamuka kuzwa . . . Kuzumanana buyo a cintu eco comwe, Nde elede kulanga kusule, nkaambo, Ndi biyo . . . Kukanana, Nda kanana ku—ku nzila . . . Nda—Nda

syoma mbunanike bululeme. Elyo cindi mpawo Nda—cindi Nda langa ansi kubona i. . . Elyo Ndi—Ndi talika kukanana, alimwi Ndi limvwa kuzwa ku ciiyo, Nda nyona, kulanga kusule nzila imbi, kusola kujana Lugwalo lumbi, kusika kuli ceeco, nywebo mwabona, kubaanga nku cimunika aaniini ku lubazu olo, mu cibaka caku sola kuzumanana ali ceeco.

³⁷ Elyo aboobo lino tuyo langalanga sunumasiku, ku luzyalo lwa Leza, ku lugwasyo Lwakwe, i—i Cinamatizyo Cane. Elyo Calo ncisyooonto. Nci lamfu aniini kwiinda cimwi. I basikutanta mbizi bone, lino, twakali tumpango tu tanteene, alimwi otu tumpango totatwe muli komwe aka. Lino, Cinamatizyo Casanu citalikila a, cipati 6 ca Ciyubunuzyo, kampango 9.

³⁸ Elyo, lino, ikuti na wacitika kuba ii—ii mweenzu oyo uutana kumvwa aba basikutanta mbizi bone, ee, yebo. . . Mwabona, ziindizimwi ula—ula selukila muni a—a kubaanga nku namatika cintucimwi, alimwi, cindi wa cita, ulangila bantu ku Ci mvwisya. Aboobo ikuti na kuli cintucimwi ciniini ncota mvwisiyi, ee, kocikkazikila buyo moyo aniini. Na, jana teepu a ku Ci swiilila, nkabela—nkabela Ndili masimpe uyo—uyo jana cilongezyo kuzwa kuli Ncico. Ndi jisi. Nda—Nda syoma kuti muyo—kuti uyo cita.

³⁹ Lino, nyoonse mwalibambila, kuzwa ku kampango 9 lino kusika kuli ka 11, na kusanganya ka 11.

Elyo cindi na jula cinamatizyo casanu, Nda kabona kungsi lya cipaililo myuuya yabaabo baka jailwa ijwi lya Leza, nkambo ka bumboni mboba kajatilide:

Elyo ba kaompolola a jwi pati, kwaamba, Ciindi cilamfu buti, O Mwami, uusalala a wabwini, kuti yebo. . . ubeteke a kuliya nkoto ku bulowa bwesu kuli baabo bakkala aa nyika?

Alimwi zikobela zituba zyaka pegwa kuliumwi aumwi wabo; alimwi kwa kaambwa kuli mbabo, kuti beelede kaba cipumuna kwa ii—kaindi kaniini, kusikila balandanyina babo abalo. . . bana bakwabo, kuti baka jaiywa mbuli mbo bakacita, kweelede kuzulzigwa.

⁴⁰ Lino, mubwini aya maseseke. Elyo lino ku kambo ka mateepu, a bapaizi a bamayi abo bakkede calino, lino, ikuti na mujisi kulanganya kwaandeene kuzwa kuli Ceeci; Nda cita ambebo. Pele Ndi Ci bweza buyo kuzwa ku kuvumpwa, oko kwa kacinca kulanganya kwangu cakumaninina kuli Ncico. Mwabona?

⁴¹ Elyo mpawo Tu jana kuti, mbuli mbo mubona ezi kuyubununwa Cila jatilila nkoonya kusule a kuleta makkalo aayo aambungano a Magwalo antomwe ncobeni, a ku Ci swaanganta. Mwabona? Elyo nke kaambo Nce syomena kuti Ci zwa kwa Leza. Lino, tula mvwisya eco.

42 Elyo Ndi yeeya kuti ziindizimwi tu yamina aali ceeco mwiiyi umwi mupati nca kaamba kujatikizya Ncico. Mwabona? Elyo—elyo oko kuli kabotu. Nse sampauli mwiiyi, peepe nconzyo. Elyo Nse sampauli umwi. Ndi sampaula buyo cibi, kutasyoma; kutali umwi.

43 Elyo bantu bamwi bakati, “Yebo usampaula kabunga.” Peepe, Nse citi. Ndi—Ndi sampaula ciyanza ca kabunga; kutali bantu omuya, nkamu ya bantu eyo ipanga kabunga, nywebo mulizi. Pele ciyanza cibeendelezuya, eco Nce sampaula, Katolika a Protestanti, mbubonya. Ma! Nda . . .

44 Bamwi beenzuma babotu loko abo—abo—abo Mbe ndizi, mba Katolika, buyo . . . ? . . . Mula mvwisya . . . Alimwi muntu ndiza uli kkede awa sunumasiku, antela mpali. I nzila buyo njo tu jisi iyakidwe cikombelo eci, nkaambo Katolika ya Roma yakaima ku matende ayo mu nkuta okuya, a kuunka kumbele lyangu, alimwi, mulombe, mbuli umwi mbwanga wacita. Mbo mbubo. Elyo tiiba kakonzya kucikaka. Mbo mbubo.

Elyo kati, “Ba kacita kumvwisya, ‘Bantu banji maningi.’”

45 Wa kati, “Oh, eco taci kabambi bambi bali makumi alilusele mu mbungano eyo, mbuli boobo.” Kati, “Eyo mbungano iimvwi alya.” Kati, “Ndili—Ndili muzi mweembeli, a boonse mbuli baabo.” Elyo kati, “Eyo mbungano yakaliko okuya.” Kati, “Nobamwi nywebo inga mwayungizya kuli njiyo, mpawo nkaambonzi balo?” Muna Katolika wa Roma, mweenzuma mubotu. Mwabona? Iiyi, munene.

46 Ii—ii mulombe uli ii—ii ngwa Katolika, mweenzuma wini uusyomeka, wakali kwambaula kuli ndime. Waka jisi cintuulo ca hadiweya; Nke tana kuzwa. Wa kati, “Billy, Ndi—Ndi lizi kuti tosyomi mu ciyanza cesu ca bukombi.” Wa kati, “Pele Ndila kwaambila ndyoonya lino,” kati, “Leza wazulizya mipailo yako kuli ndiswe maningi! Ndila syoma, ikuti na wanjila mu mapenzi kuli koonse mu cisi,” kati, “oonse muna Katolika mu cisi inga wasika kuli nduwe.” Aboobo, nywebo mwabona, eco cili . . .

47 Wa kati, “Oonse sikubbala ciingano,” mbwa kaciita. Ndiyo caamba nzila buyo nja ka cita. Mubwini, bataminina kuba boobo nkaambo Banakristo bataanzi bakali kubbala ziingano kusule lyabo. Tu li cizi eco kwiinda ku makani aakale. Elyo bataminina kuba Banakristo bataanzi, kwalo mbo bakabede, pele ciyanza caka baleesya kuzwa mu kazila ako, nywebo mwabona.

48 Elyo balo bantu, wa Katolika, na mu Juda, kufumbwa mbwabede, balo bantunsi bakazwa ku cisamu comwe oko nko twaka zwida. Mwabona? Mbo mbubo. Balo—balo mbantu bayanda, a kulya, a kulya, koona, alimwi mbuli buyo muntu uli oonse. Elyo aboobo ta tweelede kusampaula bagame, peepe, naba omwe, mwabona. Pele, ta tweelede kusampaula bagame.

49 Pele, mbuli mukutausi, Nde elede kuuma nzoka eyo okuya, eyo iiluma bantu, nywebo mwabona. Elyo Nse citi—alimwi

akwalo Nse. . . Buyo mebo, a lwangu, inga Nse cita ceeco ikuti na tii caka tumwa kwa Leza, kuti Ndi laangidwe kucicita, mwabona. Elyo Nde elede kujata eco cabwini a kusyomeka.

⁵⁰ Pele ikuti na muna Katolika, mu Juda, na kufumbwa mbwa kabede, wasika okuno; ikuti na wakali muna Muhammedi, mu Griki, na Orthodoxisi, na kufumbwa mbwanga waba. Ikuti wasika okuno kuzo kombelwa, inga Nda mukombela buyo cakusinizya mbuli mbwenga Nda cita kuli wangu. Mbo mbubo. Masimpe, nkaambo walo muntunsi. Alimwi Nda kakombela ba Buddhisti, aba Sikh, ba Jaini, Mohammedani, a—a musyobo oonse, nywebo mwabona, mbuli boobo. Alimwi Nse babuzyi mibuzyo; Ndi bakombela buyo, nkaambo mbantu, bantunsi abo bayanda kuba kabotu, akusola kubamba buumi kuuba aniini mu lweendo lwabo.

⁵¹ Lino tula mvwa, kuti, muli ceeci, alimwi bunji bwanu okuno Mbe zyi, kuli bobilo na botatwe nobaceya basicikolo bapata beni botatwe bakkede awa. Elyo—elyo balo mbasongo, alimwi baka bala njiisyo kuzwa—kuzwa ku bantu bambi aa ciiyo eci. Elyo Ndi yanda bakwesu aba kuziba kuti Nse—Nse samapauli bantu abo. Ndi tondezya buyo eco Mwami ncandi zibya. Elyo nkukoonse Nkwe jisi.

⁵² Lino, ta tuyandi kusola kuyeeya ceeco, nkaambo mwanakazi umwi muubauba uuwashilila na—na mulombe muniini uulima kubusena okuya, taka konzya kujana ciyubunuzyo kuzwa kuli Leza. Nkaambo, nywebo mwabona, ci. . . Leza, Ula liyubununa ncobeni Mwini mu buubauba. Oko, twa kali kujisi oko Munsondo, ku kutalikila ali ceeci, nzila Mbwa liyubununa Mwini mu buubauba Bwakwe. Eco nceci Mu bamba kuba mupati.

⁵³ Lino andi—andi buyo. . . Andi lingule buyo alimwi kwa kaindi kaniini. Eco cibamba Leza kuba mupati, nkaambo Ula konzya kulicesya loko Mwini. Eco nceci Mu bamba kuba mupati. Leza mupati, alimwi ulakonzya kulibamba Mwini ku ciimo caansi cakuti basongo ku inyika eyi taba konzyi ku Mu jana. Ta bakonzyi ncobeni ku Mu jana, nkaambo Ula licesya loko Mwini. Lino amulangilile. Elyo eci, muli lwaco, maseseke aa ciyubunuzyo ca Jesu Kristo. Mwabona? Eci, muli lwaco, kuti i. . . Kuli. . . takukonzyi kuba cintu cipati kwiinda Leza. Alimwi to konzyi kubamba cimwi kuba cuubauba mbuli Mbwa libamba Mwini. Mwabona, eco nceci Mu bamba kuba mupati. Mwabona?

⁵⁴ Lino, muntu mupati, ula konzya kuba buyo mupati aniini, na ndiza ula konzya kotama a kwaamba, “Wapona buti?” kuli nduwe, mwabona, na cintucimwi mbuli ceeco. Pele ta konzyi kulicesya mwini. Kuli cintucimwi buyo kujatikizya nguwe. Walo muntunsi. Ta konzyi ncobeni kuli cesya. Nkaambo, cindi asika ansi kuba muniini maningi, mpawo, cintu citanzi nywebo mulizi,

weelede kutondeka kuli ceeco muntuumwi umbi nca kacita, a mbuli ceeco. Elyo mpawo ula talika kuli tukumuna alubo, nywebo mwabona.

Pele, nzila yaatala njaansi, muli Leza. Iiyi.

55 Basongo banyika bala sola, mu busongo bwabo, ku Mu jana. Ba tanta biyo kuzwa kuli Nguwe, mu kucita boobo. Mwabona, basonga ba inyika, ikuti na basola kupandulula cintcimwi kubelesya mathamatiki na cintucimwi. Amuyeeye, Wa kacibikka akwalo . . . Mu Bbaibbele, mu Ciyu- . . . Peepe, Amundi jatile.

56 Isaya 35, Nda syoma mboi bede, kuti acalo loko—cuubauba loko kuti akwalo ii—ii—ii muntu uusunda inga wa Ci mvwa. Mwabona? Oh, “Awalo mufubafuba taka leyi muli ncico.”

57 Basongo bala ciimpya kule, ku busongo bwabo, ku kusakana kuzwa kuli Nguwe, kwiinda mukusola ku Mu jana kwiinda ku busongo. Lino, muta lubi eco. Eco ciyo teping’wa, mwabona. I basongo, mu busongo bwabo, bala sakana kusola ku Mu jana kwiinda ku busongo bwabo, bala Mwi impya, mwabona. Ikuti na bala konzya kuba bapati kweelela kuba babombe kweelela, inga ba Mu jana. Ikuti na uli mupati kweelela kuba mubombe kweelela! Mwabona eco? Elyo, nywebo mulizi, kuti—kuti obo Mbwini ncobeni.

58 Nda kaunka ku bantu, mu milimo yabo, amumwi, abo bakali baalumi beni, balemu, bamami, mwabona, baleli banguzu loko, beendelezi, alimwi kanji balo mbantu bapati. Mpawo, Nda kanjila mu masena oko mulombwana nkwa cincila zisani, ndiza mukutausi umwi oyo wakali kuyanda kukazyanya andime asyoonto, elyo inga—elyo inga wayeeya kuti inyika niya takeenda kakutakwe nguwe, mwabona. Alimwi oyo—oyo ulisumpwide buyo mu mutwe, mwabona. Pele, ii—ii muntu mupati, muntu mupati ula kkala ansi a kusola kukubamba kuyeeya kuti uli muntu mupati. Mwabona? Mwabona, ula konzya kulibomya.

59 Elyo, nywebo mwabona, Leza mupati loko cakuti Ula konzya kulibombya Mwini, busena, obo muntunsi mbwa takonzyi kuselemuka kusakana boobo, nywebo mwabona. Kwa mana. Elyo muli bwabo . . .

60 Elyo basola ku Mu jana. Lino amulange. Ba sola ku Mu jana kwiinda ku kutuma basankwa ku cikolo, akuyo jana digrii Iya Bbabela ya Arti. Elyo—elyo basola ku Ci jana kwiinda ku bwaambe bwalwiiyo lwabukombi bwa—bwa—bwa—bwa—bwa Bbaibbele. Alimwi basola ku Mu jana kwiinda ku mabambe aalwiiyo, a ku mabambe aatubunga, a ku zintu zyeebeka, a kusola kujana. Walo tako, pee. Nywebo mulwana buyo luuwo, kwa mana. Nywebo—nywebo mutantamuka kuzwa kuli Ndilyo.

61 Bala konzya kuba bapati kweelede kuba—kuba babombe kweelela, bala konzya ku Mu jana munzila eyo, kwiinda kukuba babombe. Pele kufumbwa kuti kamuya kutozya busongo, muya butantamuka kuzwa kuli Nguwe.

62 Lino atu mvwe ceeco kutegwa muta ciimpyi. Kufumbwa kuti musola ku jana Leza kwiinda ku busongo, mbuli mbo kwakabede mu muunda wa Edeni, mbuli mbo kwakabede mu mazuba aa Musa, mbuli mbo kwakabede mu mazuba akwa—akwa Nowa, mbuli mbo kwakabede mu mazuba aa Kristo, mu mazuba aa Johane, mu mazuba aa baapostolo, a ku buzuba obuno! Cindi mwa sola ku Ci mvwisya, a kusola ku jana Leza kwiinda ku busongo, mutantamuka kuzwa kuli Nguwe ciindi coonse. Mu sola ku Ci mvwisya. Kwiina nzila ya kucicita. Ko Ci zumina buyo. Mwabona? Ko Ci syoma buyo. Uta soli ku Ci mvwisya.

63 Nse konzi kumvwisya kaambo, kuti, ee, zintu zinji. Kutali zintu zinji Nze mvwisya na kukonzya kumvwisya. Nse konzyi kumvwisya nzila oyu mulombwana mukubusyi mbwa kkede awa kalya cakulya nciconya Nce konzya, alimwi—alimwi, ngooyu mbwabede, ujisi mutwe uuzwide masusu, Mebo tandi aajisi. Nse cimvwisyi pe. Bala ndaambila kuti kkaushiamu ila cibamba; nkabela Nse konzyi kutenda mala angu kweelela, nkabela kwiina masusu pee akugela. Nse—Nse cimvwisyi eco. Mbuli kaambo kakaindi mbo kabede, Ndi . . .

64 Kutali biyo kubaanga nkucinca busena, kusinizya; pele, Nca kusinizya, pele Nse na cijana Cinamatizyo.

65 Obo ng'ombe eyo iisiya mbo ikonzya kulya bwizu bwa griini, nkabela kupa mukupa uutuba, oyo uupa bbata wayelo! Nse—Nse konzyi ncobeni kupandulula ceeco, mwabona. Nkaambo, nywebo mwabona, cimwi acimwi ncipange ca cimwi cimbi. Elyo nzila mbo cicicita, Nse konzyi ku cipandulula.

66 Tandi konzyi kupandulula nzila mpana zyobilo mbo ziima, na malubaluba obilo, a musyobo omwe, nkabela lyomwe lila subila, alimwi limbi ndya yelo, alimwi lisalaluka, alimwi lya bbulu. Nse cimvwisyi. Zuba lyomwe ali ngawo. Ino mubala uzwida kuli? Mwabona? Nse—Nse konzyi ku cipandulula, pele nekubaboobo weelede ku cizumina.

67 Nda lombozya kuti silwiiyo umwi wabukombi inga wapandulula kuli ndime obo inyika eyi mbo iimvwi mu mukondo. Nda lombozya wakonzya wandi sowela bbola mu luwo munzila yasaayansi, kalizunguluka, aku lilekela kuzunguluka kumaninide kwabili, mu busena bomwe. Yebo inga tee wa ku cicita. Elyo nekubaboobo eci cibambidwe cakulondoka ku ciindi kusikila bala konzya kuziba kubola kwa zuba ku miniti, myaka ili makumi obile kuzwa lino. Taba jisi mawachi na nkoloko, kamwi kabeela ka mincini, ako kalondokede. Elyo nekubaboobo iliimvwi awo. Elyo, mpawo, kuyaamina kuli zyakainda. Ino kuti caka lulamika aniini? Inzya. Uli bamba buyo kuba mufuba, kusola, wabona.

68 Aboobo, nywebo mwabona, uta soli kujana busongo, bwa kumvwisya. Kosyoma buyo eco Nca amba. Alimwi waindila

kuli cesya, mpawo mpaawo mpobede, uyo Ci jana. Lino, Ndili lumbide maningi kuli ceeco, lumbide obo Mbwa bede, mbwa kali cesya Mwini. Lino, tula jana, cipati 6 a kampango 9. Andi talike lino.

Elyo cindi na kajula cinamatizyo casanu, Nda kabona kungsi lya cipaililo myuuya ya baabo baka jaigwa nkambo ka ijwi lya Leza, a bumboni . . . mboba jatilide:

69 Amubone, ta kwaambidwe Munyama umbi, na Cilenge cipona—cipona, ku kwaambilizya oku kwa Cinamatizyo Casanu. Lino amuyeeye, wakaliko, ku Cinamatizyo Cane. Wakaliko, ku Cinamatizyo Citaanzi, Cabili, Catatu, a Cane, pele kwiina awa. Mwabona?

70 Lino, ikuti na mwalangisya, atu bale buyo musule, cimwi ca Zinamatizyo. Atu jokele ku Cinamatizyo Cane, mwabona. Alimwi ako nkampango ka 7.

Elyo cindi na kajula cinamatizyo cane, Nda kamvwa jwi lya munyama wane kaliti, Boola . . . bona.

. . . cindi na . . . kajula cinamatizyo catatu, Nda kamvwa i jwi lya i—lya munyama watatu kaliti, Boola ubone.

. . . lya munyama wabili . . . Boola . . . bona.

. . . alimwi munyama mutaanzi kati, Boola ubone.

71 Pele mpawo cindi twa sika ku Cinamatizyo Casanu, kwiina Munyama. Lino amubone buyo.

Elyo cindi na kajula cinamatizyo casanu, Nda kabona kungsi lya cipaililo . . .

72 Cakubinda ncobeni! Mwabona, kwiina—kwiina Munyama okuya. Alimwi Munyama wiiminina nguzu. Tu lizi obo, mwabona. Kwiina Cilenge cipona.

73 Lino, cimwi ca Zilenge, twa kajana kuti, mu kulangalanga i—i—i ciyubunuzyo mu mabungano, kuti cimwe cazyo caka jisi . . . wakali mulavu; aumwi umbi—i umwi umbi wakali musune; aumwi umbi wakali muntu; aumwi umbi wakali sikwaze. Twa kajana, mu makkalo aa mbungano, kuti aba Banyama bone, kabaamba inguzu zyone, bakali bungene kuzunguluka Incito zya Baapostolo, nzila buyo eco i—i cikombelo mu nkanda. Elyo mula cimvwisya, nkaambo Nse kotola ciindi caku njila muli ncico. Nzila mbo twa ka cidulowa oonse awa, akutondezya mbubonya buyo! Ba kali kumamela Ceeci, Kabelele a Ijwi, ku kutauka Ijwi mbubonya mbo bakacita i—bbokesi lya cizuminano mu Busena Busalala mu nkanda, abumwi bumbi.

74 Lino, akwalo twa katondezya mubusena, kwiinda ku mibala ya mikowa ya Israyeli, kwiinda . . . Mbangaye bakamvwa makkalo aa mbungano ali ciloba—ciloba? Nda yeeyela bunji,

cisela, tuu theedi yanu. Amubone, kuti abwalo bupange bwa Munyama bwakali mbubonya ku ndembela ya mukowa, eyo nziila bone. . . mikowa ili kkumi ayobilo mboya kabikkidwe, bone ali cimwi acimwi, na—na mikowa yotatwe a lubazu alumwi. Elyo Banyama bone bakakkala a kulangilila, mikowa eyi, kuzwa ku nzila zyoonse zyone.

⁷⁵ Elyo, cindi, twa keenda akujana Makanimabotu, a kutondezya mbubonya. Cindi wanjila mu bwato, kwakali bwaato bucingilila, cizuminano. Elyo mpawo twa kajana kuti cizuminano ca Mbungano impya, Ya kaimininwa aa nyika, wakali Muuya Uusalala. I Bulowa bwaka pilusigwa, kuli ndiswe, Muuya Uusalala. Elyo Banyama bone bakaiminina, alimwi mbuli i—i mikowa ili kkumi aibili ya Israyeli, mbuli mbwa kalangilila. Elyo kujana bupange bwabo, a kubweza obo bupange mbubonya a ku buleta kuli umwi aumwi wa Makanimabotu ayo one, mbubonya, akali kozyenye ncobeni. Umwi wa kaambaula ku mulavu, umwi umbi ku musune, a umbi. . . I Makanimabotu one! Nceeco we. I Makanimabotu one ncikwabilizyo ca Muuya Uusalala. Amenii.

⁷⁶ Nda libuzya lyoonse. . . Ca kandi kataazya kumvwa. Lino, eyi itandila kuba myaka ili cisambomwe, Nda yeeyela, kuzwida ciindi Ne kamvwa muntu mulemu kwaamba kuti i. . . “I Incito zya Baapostolo zyakali zijatilizyo buyo.” Nda kacimvwa ka caambwa ziindi zinji. Pele kumvwa muntu a ciimo cipati, mbuli mukambausi alimwi mbuli mwiyi, oyo wakalemba mabbuku amwi azizilwe ayo bantu nge babala koonse, a kwaamba kuti Incito zya Baapostolo tii zyakali kweelela ncobeni ku kuyiisya kwa Mbungano!

⁷⁷ Kakuli, Incito zya Baapstolo ni ntalisyo njionya ya Njiyo; kutali zijatilizyo. I ntalisyo! Nkaambo, Bbaibbele lyamba kuti i—i—i ntalisyo ya Leza “iiyakidwe aa Njisyo ya baapostolo,” yaa, “Kristo, Mutwe, Bbwe lyaciswi.”

⁷⁸ Alimwi cindi oyu mulombwana nakaima alya a kupa bukanazi obo, Nda—Nda—Nda—Nda buyo. . . Moyo wangu wakawizuka ncobeni. Elyo Nda kayeeya, “Ta cigambyi.” Ee, Nda bona lino, mu Zinamatizyo. Tii caka yubununwa. Kwa mana. Mwabona?

⁷⁹ Aboobo, kuti, mbaabo mbo bakabede, kabaimvwi awo, pele kwakali cintucimwi ka caamba buyo eco. Lino, amubone, bala cingilila.

⁸⁰ Lino, cindi ni twa kajana Matayo 28:19, a kutobezya cintu eco mucuindi ca Matayo, oyo wakaiminina mulavu. Elyo kuboola, omuya, twa kajana ncobeni kaambo ncoba kabbizya mu Zina lya Jesu Kristo. Elyo ngooyo Mbwa kabede, kaimvwi alya a Lugwalo olo ndulonya, kucingilila busyomesi busetekene bwa lubbizyo, lwa mu Zina lya Jesu Kristo. Ncibotu. Ee, Ndiya buzwa ku makkalo aa mbungano lino.

81 Amubone. Pele, awa, cindi twa sika kuli ceeci Cinamatizyo Casanu lino, kwiina—kwiina—kwiina sikutanta weenda, alimwi kwiina Munyama waku Ca ambilizya. Johane buyo . . . I Kabelele waka Ci jula, nkabela Johane waka Ci bona. Kwakanyina umwi wa kwaamba kuti, “Lino boola, langa. Boola, bona.” Amubone, taakwe nguzu zya Cilenge cipona. Na kuli . . .

82 Alimwi aa Cinamatizyo Cacisambomwe, kwiina Munyama waku Ca ambilizya. Elyo aa Cinamatizyo Caciloba, kwiina Munyama waku Ca ambilizya. Taakwe inguzu zyaku Ca ambilizya. Mwabona, kwiina waku cicita. Aa i . . . Amulange. Aa i . . . Kwiinde Cinamatizyo Cane, kwiina kwaambilizya kwiinda ku nguzu zimwi zya Munyama, kuzwa kuli Casanu, Cacisambomwe, na Cinamatizyo Caciloba, pee.

83 Lino amubone. Nda ciyanda eci. Mbuli mu ziindi zya sikutanta wa mbizi zyone, sikutanta (omwe) wa mbizi zyone zyandeene, kwakali Munyama wakambilizya nguzu. Ciindi coonse sikutanta naka kkwela mbizi iimbi a kuyutuka kweenzya, musyobo umbi wa Munyama wakazwa a ku caambilizya, “Ayo maseseke mapati.” Mwabona? “Ayo maseseke.” Nkaambonzi? Kwaambilizya mseseke.

84 Nkaambonzi takukwe umwi awa aa Cinamatizyo Casanu, ku Ca ambilizya? Nceeci we, kweendelana ku ciyubunuzyo eco Mwami Jesu nca ndipa sunu, mwabona, na cifumo cino, maningi. Eco nca, kuti, maseseke aamakalo a mbungano akamana kale, ku ciindi eci. I maseseke aa sikulwanakristo ayubununwa, ku ciindi eci. I sikulwanakristo wakatola kutanta kwakwe kwamamanino, alimwi twa kamujana aa mbizi eyi isiyasiya, iisangene a mibala yakwe minji, nkabela ulenzya lweendo loonse mu lunyonyooko.

85 Tula cijana aa Myeembo, azimwi zimbi, cindi twa kuyiisya ceeco. Inga ndainka kuli ncico lino, pele tula leya kusakana ku ciyo alubo. Alimwi tula—tula unka . . . ule enzya . . .

86 Ako nkekambo takukwe umwi alya. Lino, ta tukwe kaambo kalembedwe, twaambo tumwi twa cintucimwi. Lino, mula yeeya, ku kutalika, matalikilo, Nda kati taku konzyi kuba cintu kakutakwe kaambo. Sa mulayeeye dosi liniini ya inkii? Mwabona? Lino mweelede kujana kaambo. Ee, kwakali kaambo kamwi ncoba takeelede kuba a Muyama, na nguzu, ku kwaambilizya eci Cinamatizyo muku namatulwa. Alimwi cita Leza ngu konzya kuyubununa kaambo, kwa mana, nkaambo Calo coonse—coonse cilede muli Nguwe.

87 Pele kaambo Nca Ci yubununa, mbuli Mbwe mvwisya, nku kaambo ka maseseke aa Bbuku lya Lununuko, kuciimo mbuli sikulwanakristo kayubununwa; alimwi ku ciindi comwe, Mbungano yaunka, alimwi zintu ezi tazi citiki akwalo mu bukkalo bwa mbungano, pe. Mbo mbubo. Bali—bali tantamukide ku bukkalo bwa mbungano. I Mbungano

Yakwempwa ncobeni, ku ciindi eci. I Mbungano yaunka kujulu, mu cipati 4 ca Ciyubunuzyo, aimwi Tai bweedi kusikila yajokela a Mwaami Wayo, mu cipati 19. Pele ezi Zinamatizyo awa zili mukuyubununa mbo cakabede, mbo cibede, a mbo ciyooba. Mwabona? Elyo, lino, eco cakeelede kuba ca bukkalobwa mbungano, caka yubununwa kwiinda ku Zinamatizyo ezi. Elyo lino amulangilile eco Ci citola.

⁸⁸ I—i zibeela zyone zya sikutanta wakwe zya kayubununwa. I zibeela zyone zya sikulwanakristo, keenzya, zya yubununwa ku ciindi eci, nkikaako ta beelede kuba umwi umbi.

⁸⁹ Elyo kwakali Zilenge zyone zipona zya Leza, zya kwaambiliza sikuntanta mbwa kali kuya bweenzya. Banyama bone ni inguzu zyone. Lino, tu lizi kuti *Munyama*, ku bupanduluzi bwa bwaambe bwa ziiminizyo zya Bbaibbele, bwaamba “nguzu.” Lino, atu cimvwe kabotu eco. I bone Mbanyama, mu Bbaibbele, baiminina nguzu aakati ka bantu.

⁹⁰ Lino, ikuti na twa langa, mbuli muli Daniele, cindi na kabona cisi cimwi kacibuka, ndiza nakaba masekese kajisi kabambo ku lubazu lwakwe, mu ciiminizyo. Mpawo wa kabona nguzu zimbi kazibuka, mpongo. Ya kaiminina cintucimwi. Mpawo wa kabona nguzu zimbi kazibuka, alimwi—alimwi wakali siluwe kajisi meja manji. Wa kaiminina bwami bumwi. Mpawo wa kabona zimwi zimbi kazibuka, mulavu mupati kajisi meno, a—a wa kapenzya basyaalizi. Oyo wakaiminina nguzu zyandene, kumaninina. Bumwi bwakali ii—ii bwami bwa Nebukadinezara; a bumbi, cikozyanyo ca—ca ciloto. Danile wakabona cilengaano; Nebukadinezara wakalota ciloto. Pele Daniele waka pandulula ciloto cakwe, alimwi wakali luleme a ciloto.

⁹¹ Ameni! Fyuu! Oh! [Mukwesu Branham wakamba maanza akwe antoomwe ciindi comwe—Mul.] Ikuti na mulizi buyo eco cakacitika! Ncinzi cakacitika katutana kuzwa awa? Mula mwisya na? Baa, ziloto zili cisambomwe zitobelene zyakasika kweelana ku ciloto. Ameni. Mwabona? Ii ciloto, capandululwa, calo ncilengaano. Nkaambo muntu ndiza inga tazyalwa kali a gano lilyeendelezya ku kukkala, asinsimikide cindi na cibona, mpawo Leza ula njila mu gano lyakwe lilyeendelezya eli a kukanana kuli nguwe. Cili, Wa kacisyomezya eco, mu ziloto, mu mazuba akumamanino, kuti Uyo swaya bantu, alimwi amwalo mu zilengaano. Mwabona?

⁹² Lino, cilengaano nciindi nolanga ameso, koimvwi ncobeni mbuli boobu, nkabela zintu zimwi zya yubununwa. Alimwi kwiima, kubaambila kabotu buyo kujatikizya ncico; bona eco cakacitika, a ceeco ciyooba, azimwi zimbi.

⁹³ Pele, lino, ciloto nciindi noli mu ng'onzi, alimwi magano ako osanwe tanyanyaali, alimwi uli—uli ku gano lyako lilyeendelezya. Uli kubusena bumwi, nkaambo, cindi wa

pilukila, ula ibaluka oko nkobede, ula ciibaluka buumi bwako boonse. Mwabona? Aboobo, ndi gano lyako lilyeendeleya. Mpawo mu ncililano, mwabona . . .

⁹⁴ Mbuli Mwiminizi wamung'anda yamilao Upshaw mbwa kali kwaamba, "To konzyi kuba cintucimwi ncotali mbubo." Alimwi eco citandila kululama ncobeni, mwabona.

⁹⁵ Elyo, mpawo, ikuti na wa kazyalwa koli mulunguluzi. Lino, yebo wabona, ku cita eco, ayo magano akuziba obilo eeledede kuba antoomwe mumsi; kutali lyomwe *awa* a magano osanwe, anyanyaala, limwi limbi ambali *awa* cindi wano ona a magano osanwe aya ata nyanyaali. Pele, nywebo mwabona, cindi obilo awo, wa kazyalwa, antoomwe mumsi, to inka mu koono. Yebo unka buyo kuzwa kuli lyomwe kuya kuli limbi, mbuli—mbuli boobo. Yebo toinki kuyo ona. Kwiina busena bukubwene bwa koonena. Elyo to konzyi kulibamba lwako kuba boobo.

⁹⁶ Aboobo, "Zipego a kwiitwa zyaka kanzwa aa Leza." Zyalo—zyalo nzipego a kwiitwa kwa Leza, akwalo "kakutakwe kweempwa," Bbaibbele lya kaamba. Mwabona? Zya kasalwa kuzwa ku malengelo aa inyika. Mwabona?

⁹⁷ Lino, lino, tu jana kuti i . . . Ii munyama, wa Daniele, wakali kwaamba kuti zyakali nguzu zyakali kubuka akati ka bantu. Yaa. Elyo—elyo cilengaano ca Johane awa, acalo, katondezya kuti zyakali inguzu, masi kabuka. Mbuli, United States ilalibonya mu Ciyubunuzyo 13, mbuli kabelele. Alimwi mpawo ikuti na muyanda kuziba, bwandeene . . .

Nywebo mwati, "Ee, eco, eco caambaula makani aa nguzu ziyacisi."

⁹⁸ Akwalo cila iminina nguzu zisalala, azyalo, munyama. Sena mwakalizi eco?

⁹⁹ Amubone Rabeka; cindi—cindi i—i mulanda wa Abrahamu, Elieza . . . Cindi na kasika kubweza Rabeka, waa . . . Wa kamutansika aa nkamele, njionya nkamela nja kali kupa maanzi. Elyo waa katanta nkamele eyi, kuyo swaana sibwiinga uotalibonyi. I cintu ncoonya ncali kupa maanzi, cakali cintu caka mutola ku muunzi wakwe wakacili kuza a mulumi.

¹⁰⁰ Alimwi ncintu nciconya asunu, mwabona. I cintu nciconya eco Mbungano nciipa maanzi, eyo ni Mbuto, Mbuto ya Ijwi. Ndi Ijwi ndyoonya liba gumi a ku tutola kuli Sibwiinga wesu uotalibonyi. Mwabona? Mwabona?

¹⁰¹ Elyo amulange mbo cilondokede. Izaka waka siide muunzi, nkabela wakali mu myuunda, kule kuzwa ku muunzi wakwe, cindi Rabeka naka mubona.

¹⁰² Elyo Mbungano iswaana Kristo mu mulengalenga, elyo mpawo Wa Mu josya ku Muunzi, Muunzi wa Taata, oko masena manji nkwa bambidwe. Izaka waka tola Rabeka nzila njionya.

103 Elyo, amubone, lwakali luyandisyo kukubonana kutaanzi. Oh, ma! Waa kazuzi ncobeni kuyo muswaana.

104 Eyo nje nzila Mbungano mboiya kuswaana Kristo, mu mulengalenga, a kwalyonse a Nguwe.

105 Lino, bwaambe bwa Bbaibbele, aba Banyama ni inguzu. Amubone. Ndi yanda, lino, Ndi yanda kuti mubonesye.

106 I dyabulosi waka jisi bone, kacinca, banyama bamibala, akuya buya. Wa kajisi banyama bakwe bone. Abo bakali botatwe babo boonse, babikka mubala mbuli umwi, a kubamba oyo umwi ii—i mbizi isiyasiya; mbizi iituba, mbizi iisubila, mbizi iisiya. Alimwi twa kabona, kuti imwi aimwi ya zeezyo yakali cibeela ca mulimo wakwe, ciibeela ca mbungano ntaanzi eco cakali panga kuba kabungwe, ku Nicaea. I mbungano ntaanzi ya Pentekoste, awo Muuya Uusalala mpowa katililwa, kaseluka, kabweza muuya wa sikulwanakristo, kabamba kabunga, kazyala bana basimbi ba kabunga. Kucinca nguzu zyakwe, ziindi zyoatatwe, a kuzibikka muli yomwe, akupanga mbizi isiyasiya. Elyo mpawo kapegwa zina litegwa Lufu, a kwiienzya kuya mu Butamani. Cantagalala buyo mbuli mbo cakali kukonzeka! Lino, lino amubone, wa kapa mbizi eyi—eyi, nkabela uli mukwiienzya.

Leza, Leza jisi, awalo, mbuli ziindi zyoonse . . .

107 Lino amulangilile. Cindi sikulwanakristo naalibonya, lutaanzi, ino wa kalibonya munzi? Mbizi iituba. Mwabona, baa, utakwe kaambo mbuli mbwakali kukonzya kuba, njisyo buyo mu mbungano. Bakali kuyanda luswaanano. Luswaanana lwanu ndwa antoomwe a Kristo. Pele bakali kuyanda luswaanano. Teeba kakonzya ku cizunda ncobeni, bakali kuyanda kujana . . .

108 Ee, nywebo mulizi, mbuli kakamu kaniini kalizandula kayo buka mu mbungano. Nywebo, nywebo muli kazyi, nywebo nobeembeli. Mwabona? Balo, mbuli mbo baamba kuti, “Bayuni ba mapepe.” Pele ikuti na twa zyalululwa, bakwesu, eco—eco tacili ciimo cakulanganya kubweza, mwabona. Peepe. Lino, tu—tu—tu . . .

109 Ikuti na twa bona cintucimwi cilubide mu bakwesu, atu kombe buyo a ku cibikka kumbele lya Leza, a kuyanda muntu oyo kusikila tuka mulete moonya mu Busyu bwa Leza. Mwabona? Eyo nje nzila, nzila ini ya kucicita.

110 Nywebo mulizi, Jesu wakaamba. “Ku yooba nsaku omuya,” nkaambo Jesu wakati ziyooaba, “pele muta zinonkoli; uyo nonkolezya maila.” Mwabona, “Amu baleke balikke.” Uyo cita . . . Amu Mu lekele a kandaanye ciindi cakusika. Mwabona? Amu zileke zyoonse antoomwe.

111 Amubone, munyama mbwa kaunkila, sikulwanakristo wa kaunka aa munyama, nguzu zyakwe.

112 Oh, Nda ciyanda eci! Nda talika kulimvwa bukombi ndyoonya lino, mwabona, ndiza cibukulusyo. Amubone, cindi

sikulwanakristo. . . Oh, zyalo—zyalo ziyubunuzyo, mu Busyu bwa cikoto eco ca Mulilo kacilengelela omuya mu kaanda! Mane. . . Oh, mukwesu! Nekubakuti Nda ka Ci bona, kuzwida ku bwana, ciindi coonse Cila boola munsilyangu, Cila ndicenjezya. Ula tandila kundi bikka mu ciimo cakutalimvwa. To konzyi kuzibila kuli Ncico; to konzyi. Cili setekene loko.

113 Amubone, mbwa kaunkila sikulwanakristo (bone) aa banyama bakwe bone ba mulimo, okuya, Leza wakatuma Munyama wa kucilwana. Mwabona? Lino amulangilile. Mpawo, ciindi coonse (munyama wakatanta) aa mbizi yakwe, sikulwanakristo wakatanta aa mbizi yakwe, aa munyama wakwe, ku kwaambilizya mulimo wakwe; Leza wakatuma Munyama Wakwe, awalo, nkabela Wa kali aali Oyo, ku kwaambilizya kulwana Kwakwe kuli nguwe.

114 Lino, Lugwalo lulati, “Cindi sinkodo anjila mbuli zambangulwe, Muuya wa Leza ubusya ceelesyo kuli nguwe.”

115 Eyo aboobo cindi sinkondo nakainka mbuli sikulwanakristo; Leza wakatuma musyobo umwi wa nguzu kuyo muswaana. Elyo mpawo cindi ba. . .

116 Wa kainka alubo, mbuli sikutanta mbizi iisubila, mubala umbi, nguzu zimbi, mulimo umbi; Leza wakatuma umwi umbi kuli nguwe, ku kumulwana, ku kujatilila Mbungano Yakwe.

117 Katuma umwi watatu; alubo, Leza wakatuma Wakwe, Munyama watatu a ku caambilizya.

118 Wa katuma umwi wane; Leza wakatuma umwi Wakwe wane. Elyo mpawo sikulwanakristo wagola, a makkalo aa mbungano agola, alo, ku ciindi eco. Amulangilile. Lino, oh, eci ncibotu loko!

119 Lino, tula bona kucinca kwa dyabulosi, banyama bone—bone, kapandulula kuti nguzu zyaka yubununwa ku i. . . na ezyo nguzu nzya kayubununa ku inyika, a nzila mbo bakagolela aa isiyasiya eyi, “lufu” mbizi.

120 Lino atu lange ku inguzu zya Leza, zya Banyama aba, ba kubalwana.

121 I Munyama mutaanzi wa Leza, oyo Wa kainka kuyo swaana sikulwanakristo, muuya wa sikulwanakristo cindi nowakacili mu kuyiisya kwakwe. Lino amuyeeye, cindi sikulwanakristo nakatanta lutaanzi, wa kali mu mulimo wa kuyiisya. I sikulwanakristo wakatanta, lutaanzi, mu mulimo wa kuyiisya. Lino amulage umwi oyo wakainka kuyo muswaana: mulavu, Mulavu wa mukowa wa Juda, lili ndi Ijwi. Cindi kuyiisya kwakwe kwa bubeji nikwa kainka, Ijwi lyabwini lya kaunka kuyo muswaana.

122 Ako nke kaambo twa kajisi Irenaeus, a Polycarp, a—a—a—a babo balombwana, Musalali Martin.

123 Cindi oyo sikulwanakristo nakali kweenzya a kuyiisya kwakwe kwabubeji; Leza wakatuma Kuyiisya Kwakwe, Ijwi, Mulavu wa mukowa wa Juda, lili ndi Ijwi lyaka tondezegwa mu Muuya Uusalala. Alimwi Muuya Uusalala, okuya, kulitondezya Wini, lili ndi Ijwi!

124 Ako nke kaambo Mbungano ntaanzi yaka jisi kuponya, a maleele, a zilengaano, a nguzu, nkaambo lyakali Ijwi lipona, mu ciimo ca Mulavu wa mukowa wa Juda, katantide kuyo lwana ceeco. Ameni! Lino mwa cimvwa? Ula tuma nguzu zyakwe, sikulwanakristo; Leza ulatuma Zyakwe, Ijwi. Sikulwanakristo, kuyiisya kwabubeji; Kuyiisya Kwabwini kwakaunka aco, kuyo cilwana! Lino, oyo wakali umwi mutaanzi. Lino, eyi yakali Mbungano ntaanzi, yabuapostolo, eyo yakaunka kuyo muswaana.

125 Lino, munyama wabili oyo wakali sikulwanakristo waka tumwa, wakali munyama uusubila, uli wakali ku...oyo wa katantide, wakeelede kugusya lumuno (alimwi) kuzwa aa nyika, a—a lumamba.

126 Lino, umwi wabili wakainka kuyo mulwana, wakali Munyama musune. I musune caamba ncito, Munyama wa mikuli.

127 Elyo lino kuti na twa konzya buyo kwiima aniini. Andi, inzya, andi, kutegwa mube masimpe kubona ceeci lino. Lino, oyo ngo musyobo ambweni inga wamu nyonganya aniini. Pele atu sike ku Tuataira okuno. Amulangilile a kubona ikuti na taili ii—ii—ii Mbungano ibeleka, nywebo mwabona.

Elyo kuli angelo wa mbungano ya Tuataira lemba; Ezi zintu mbwaamba Mwana wa Leza, oyo meso akwe ali mbuli mabangabanga aa mulilo, a matende akwe mbuli mukuba mubotu;

Ndi lizi milimo yako, . . .

128 Mwabona, kuba milimo yoonse lino, mwabona, nkaambo ngo nguwe waka tantide a nguwe.

. . . a luyandisyo lwako, a mulimo, (mwabona, coonse cili buyo. . .) a lusyomo, a . . .lukakatilo, a milimo yako (alubo, lwabili, “milimo yako”), a wa mamanino kwiindila ku mutaanzi.

129 Mwabona, eco citondezya kuti, Bukkalo bwa Tuataira, sikulwanakristo nakamana kusitikila a kunjila mu Bukkalo bwa Tuataira, Mbungano niini tiiya kakonzya kucita cintu pele kubeleka buyo—buyo.

130 Alimwi cintu cimbi, musune walo, awalo, Munyama wa kutuula. Mwabona? Ba kapa maumi abo ca lwaangulukoko buyo mbuli mboba kakonzya ku bapa, mu makkalo aa musinze, myaka iili cuulu okuya cakuti Bunakatolika bwa keendelezya inyika. Elyo ba kanjila moonya, iiyi na peepe. Ba kazumina kufwa. Ikuti

na lwakali lufu, eco cakali kabootu. Ba kaunka a kufwa, nekuba. Nkaambonzi? I Muuya nguonya wa bukkalo!

131 Ako nke kaambo balo, ako nke kaambo Irenaeus, ako nke kaambo Polycarp, Johane, Paulo, abo bantu bapati benguzu okuya, kabalwana cintu eco!

132 Paulo waka cibona. Wa kati, “Ndilizi, kwaakumana kuzwa kwangu, nkuti baumpe bayo njila akati kanu, bakwesu, kaba yiisya zintu zipilingene, alimwi kuyo mutantamuna.” Amulange oyo muapostolo, mudaala, muubauba uusinizizye kaimvwi alya, sule lyakwe kali zwide mibunda, meso akwe kazwa misozi. Pele wa kalikukonzya kubona kulaale kwiinda abo. . .eco cilanzyo kacibeleka kutala okuya, cakuti bala konzya kubona handuledi a twenti milion ya mumuni mbo weenda mu mwaka. Wa kali kukonzya kubona kulaale mu Butamani. Ngooyo mbwa kabede. Elyo wa kacaamba kuyooba a kwaamba eco cakali kuyo citika. Alimwi kati, akwalo, kazumanana kuselemukila ku bukkalo bumbi bwakali kuza. Lino amubone, ngooyo mbwa kabede.

133 Ambali, kuzwe nguwe, Musalali Johane wakaona ciindi cilamfu maningi. Elyo cindi Musalali Johane nakali kusola kubweza Malembe oonse asetekene, wakananikidwe a Muuya Uusalala, a kwa bikka antoomwe a kubamba Bbaibbele, bulelo bwaba Roma bwa kamujata a ku mubikka aa Kasuwa ka Patimo. Wa kali kokuya ku Kasuwa ka Patimo nkambo ka Ijwi Iya Leza. Polycarp wakali kumu gwasya kulisandulula.

134 Nda kabala, buzuba bumwi, lugwalo olo Mariya lwakwe ndwa kalembela Polycarp. Alimwi kutapatila. . .kutali kumu tapatila. Pele kumu lumbaizya mukuba muntu sicamba oyo wakali kukonzya ku yiisya a kuzumina kuyiisya kwa Jesu Kristo, Oyo wakazyalwa kuli nguwe, kuzwa kwa Leza. Bulembo bwa Mariya mwini olo ndwa kalembela Polycarp.

135 Polycarp waka saninwa ku balavu, nywebo mulizi. Peepe, wa kaumpwa. Kwa—kwa kali kumuka kuli mbabo kwaangulula mulavu mu bbuwa Iya Misobanino, elyo bakamwaya cisambilo, busena bwakusambila okuya bwakaindi, a ku ubikka mu i—mu i—mu bbuwa Iya Misobanino a—a ku muumpa.

136 Elyo mu lweendo lwakwe, kaselemuka, wa kali kweenda a mutwe wakwe ansi. I musunguli muna Roma wakati, “Uli mudaala, a ulemekwa kabotu. Nkaambonzi tosampauli cintu eci?”

137 Wa kazumanana buyo kulanga ku Julu. Elyo Jwi Iya kaambaula kuzwa kubusena bumwi. Tiiba kakonzya kumvwisya kubusena. Kati, “Polycarp, uta yoowi. Ndili a nduwe.” Uh huh. Nkaambonzi? Wa kaimvwi a Ijwi eelyo.

138 Elyo cindi niba katalika kulundika zibboodi ali nguwe, kuti bamuumpe, kwakali ciimbo Cakujuu cakaseluka. Elyo—elyo twiimbo tubotu kuzwa kuli Angelo kubusena bumwi kaimba

lwiimbo. Taakwe akwalo nakalaba liso ciindi comwe kuli sikusabula.

139 Abo mbantu basicamba. Abo mbantu bakonzya kwiima. I bakafwida lusyomo mucindi ca makkalo, okuya, kapenga cabubyaabi. Pele ino bakali bani? Ba kali kungsi lya bunanike, Muuya wa Leza, nguzu. Nda . . .

140 Uta lubi eci, mbungano. Anywebo nobakwesu, ku teepu, Ndi yanda kuti mulingule ceeci. Mbobuti bantu mbo bakonzya kucita cili coonse cimbi kuze lya nguzu zya Leza zya kaangulwidwa mbabo? Njo bikka bbokesi eyi atala awa, ku kwiiminina ceeco. Ikuti na Leza watuma Muuya umwi aakati kabo, nce cintu cilikke eco ncoba konzya kubeleka aco, walo Muuya oyo ubeleka akati kabo. Lino tula mutondezya, kwiinda ku makani akale aa Mbungano, alimwi ku i—i kujulwa kwa Zinamatizyo, a inguzu ezyo zyangulula; a kulangilila, mbubonya, Mbungano yaka vwiila ku i—i bunanike, nkabela tiiba kakonzya kucita cintu cimbi.

141 Lino, mutanzi wakali mulavu oyo waka vuluma, eelyo Ijwi, lialalala akunjoloma.

142 I wabili, muli Tuataira, wakali musune. Alimwi Wa kali ii—ii minidwe . . . Munyama wa mikuli. Mundi jatile. Alimwi akwalo Wa kali Munyama wa kutuula. Elyo eyo tii yakali loko Mbungano, niini yabucete? Rome yaka kkalikide okuya, kwa myaka ili cuulu ya makkalo aa musinze, alimwi kufumbwa cintu catakali kulyamba kuba ca mbungano ya Roma caka jaigwa mpoonya awo. Elyo bakacita kubeleka, kuunka kuzwa kubusena kuyaku busena.

143 Nywebo noba Masoni, Ndi yanda kuti mu swiilile. Mula yeeya na citondezya ca ciingano? Lino nywebo—nywebo mulizi Nce ambaula.

144 Lino amubone. Lino, ikuti na mwa—ikuti na mwa langisya, abo bakali kubweza a kumamela Bbaibbele eelyo. Mwabona? Elyo bakacita kubeleka akati ka umwi aumwi. Mpaawo we, musune. Elyo cindi ni caka boola . . . Twa kacibala busiku bwainda. Mwabona, cindi cintu nicaka unka, a cituuzyo cacasika, nkabela bakacita kuunka.

Wa kati, “Uta cesyi waini a Mafuta.”

145 Ino bakacita nzi? Ba kalizuminina kweenda kumbele okuya a kufwa. Ba kanyina ndaba, nkaambo Muuya wa Mbungano mu buzuba obo wakali cituuzyo, ncito. Elyo bakeenda kumbele cakwaanguluka mbuli mboba kakonzya kweenda, kabanani kidwe Muuya wini iwa Leza wa bukkalo obo, a kufwa mbuli basicamba, cituuzyo; zyuulu taimuzi zyuulu, mamilioni aa makumi ali cisambomwe alilusele ambabo mu bulembo.

146 Musune, cituuzyo! Oh, ma! Sena mwa cimvwisya? [Mbunga yaamba, “Ameni.”—Mul.] Mbubo. Ncibotu. Lino, cituuzyo, cikonzya buyo kubeleka mu bukkalo, ku kulwana mulwani oyo kwa myaka eyo ili cuulu comwe.

147 Lino, munyama watatu oyo wakazwa kuli dyabulosi, yakali mbizi eyi iisiya. Mwabona?

148 Lino, Munyama watatu oyo wakaunka, nguzu kuzwa kuli Leza, kuyo mulwana, kuyo lwana inguzu zya mbizi iisiya; wakali muntu, mupyungi, musongo, a busongo bwa Leza. Nywebo mulizi, muntu musongo kapati, kwiinda banyama boonse. Mwabona? Walo musongo loko, nkaambo ula kumwiinda, kanji. Walo mupyungi, mucenjezu. Mwabona? Elyo wa . . .

149 I—i bukkalo, kuzwa ku bukkalo bwa musinze, lino kabuzwa ku bukalo bwa musinze; lino, lubazu olu lumbi, cindi eyi mbizi iisiya niyakali kweenda, cindi niba kabbaledesya zituuzyo zyabo—zyabo—zyabo—zyabo a zintuzyonse nzoba kacita. Alimwi mali akali buyo . . . Oh, mulizi obo mbo cakabede.

150 Lino, cintu citobela cakaunka, kuyo lwana ceeco, wakali Munyama wa busyu bwa muntu; musongo, uyiide, mucenjezu, mubotu, wakananikidwe aa Muuya oyo wa buzuba obo. Mwa cilangisya na? Lino, wa kaunka kuyo mulwana, a bupyungi bwa busongo ibwa Leza kuli nguwe. Obo bwakali bukkalo bwa lubambululo, Martin Luther, John Wesley, a bamwi bambi. Mwabona, lwa kali lubambululo. Zwingli, alimwi, oh, boonse balo, Knox, Calvin, a boonse balo, mwabona, bakaunka. Bwakali bupyungi. Elyo lino, amu langilile, ncobeni kuzwida ku bukkalo bwa musinze, kuzwida ku lubambululo, nzila eyi, amulangilile, bwakali bucenjezu bwa muntu.

151 Ikuti na wajala mpulungwido zyako aniini! Ndi syoma kuti bantu baya bukasaalilwa aniini, inzya, ndiza, omuya. Ikuti na wajala mpulungwido aniini buyo! Nkaambo, Ndi lizi, ikuti na mebo kandiimvwi nkekambauka, kuya bupya, Ndi lizi mu leelede kuba, kubusena oko.

152 Ee, amubone, bwakali bucenjezu bwa muntu. Lino, sa mwamvwisya?

153 Oyo munyama watatu Saatani ngwa katuma, wa kaba mucenjezu, awalo. Amulangilile, “Ii mweelo wa whiiti ulaulwa isheleni. Myeelo yotatwe ya bbaali ilaulwa ikkobili.” Mwabona? Oh, ma! Mwabona? I kooze kakupangila mali, bucenjezu, ku kujana ngolide ya inyika, a buvubi, kaaleta muli ncico. Eco cilazulilwa ncobeni. Eco nce cakatalika kubbaledesya mipailo. Elyo ku . . . Kabamba busena kutegwa mbwakusalazizya myuuya yabafu, akukombela bansiku babo kuti bazwe. Elyo, oh, waka yandika kupa micito azintuzyonse zyako, a lubono lwako. I mbungano, alimwi cakali cisi, zyakali comwe, a mbungano ya keendelezya lubono lwako.

154 Alimwi tamu boni na, bamwi aba bavangeli, buzuba obuno, ba cijisi bunanike obo mbubonya ali mbabo? Kubamba bakakomena kupa ma penshioni yabo, a kubikya madiidi ku miinzi yabo ku zintu zimwi. Baa, mukwesu, Ta—Ta ndiyandi kusika ali ceeco, mwabona. Pele lino Nda kkala ncobeni a ceeci; Nda cebuka akubona oko Nkweya. Lino amubone, balo bantu, cili kuli mbabo. Cili kuli mbabo. Eco—eco—eco ta cijisi cintu comwe caku cita a ndime. Ndi jisi buyo mulimo kuli Ceeci awa.

155 Lino amubone, i—i Munyama kuboola ku mulwana, lino, mbuli muntu. Elyo toonse tu lizi kuti oyu Munyama, wa muntu, ezi nguzu zya muntu, mu bupampu bwakwe, wakaziba kuti ako kakkosha ako Martin Luther nka kajisi mu janza lyakwe, cindi na kali kutanta ayo matantilo . . .

156 Ba kati, “*Obu* Mbulowa bwa Jesu Kristo. *Oyu* mubili wa Jesu Kristo.”

157 Elyo Luther waka cisowela ansi, a kuti, “Calo ncinkwa a waini. Tauli mubili wa Kristo; nkaambo, waka sumpulwa, a kukkala ku janza lya lulyo ilya Leza, kacita nkombelezyo.” Mwabona, busongo; mwabona, muntu.

158 Elyo cindi John Wesley naka boola ambali, Zwingli nakamana kunjila, a Calvin.

159 Elyo baka bikka mbungano ku busena, aa kukwabililwa, kusikila tii bakacili kuyanda lubukulusy. “Kufumbwa cintu cino yabuya.” Kwa kagola. Elyo baka pona buyo musyobo uli oonse wa buumi. I mbungano ya Anglikeni! Oh, ma! I cisi coonse caka bija, mbuli mbo cibede lino. I mabungano aka nyongana. Cindi Mwaami Henry i—i VIII, a kuboola mu England, alimwi kwiinde Mariya wakazwide malowa, a zyoonse zintu ezi zyaka citika. Elyo, mpawo, mbungano yaka zwide luuni maningi a bubi. Banji kabataminina Bunakristo, nkabela kaba pona a bamakaintu bone na bosanwe, na kucita kufumbwa cintu ncoba kali kuyanda kucita, akulilemeke bumwi, a busofwi.

160 John Wesley, kalangalanga Lugwalo, ku Lu langilila, caka yubununwa kuli nguwe kuti Bulowa bwa Jesu Kristo bula salazya musyomi. Elyo uli . . .toelede . . .Mpawo ncinzi nca kacita? Wa kazwa kunjila lubambululo lumbi. Wa kavuna inyika mu buzuba bwakwe, mbuli Luther mbwa kacita. Mwabona? Cakali ncinzi? Oyo muntu, nguzu zya Munyama, kuyabuya.

161 Kupa muntu busongo, bwa kumvwisya, kuti cintu taciluzi. “Obo tabuli Bulowa bwa Jesu Kristo. Oyo tauli i—i mubili wa Jesu Kristo. Oyo wiiminina mubili.” Mwabona?

162 Oko kucili kukwankana kupati akati ka Katolika a Protestanti lino. Eco ncecentu biyo ncota konzyi kuba swaanganya antoomwe calino. Zintuzyonse zimbi, bala konzya kuba antoomwe, pele eco; aba bali mu makkanso bali mukucita. Amubone lino. Pele, eci, pele taba—taba konzyi kuba antoomwe

aali ceeco. [Mukwesu Branham wa konkomona aa cikambaukilo ziindi zyoatatwe—Mul.] Mwabona?

¹⁶³ I umwi, “Bwalo Mbulowa, alimwi,” waamba, “bwalo Mbulowa bwini; kuti mupaizi uli jisi nguzu zya kusandula eci cinkwa kuba mubili wini wa Kristo.” Obo cikombelo eco ciniini mbo ciibede, mu i—i—mu mbungano, nywebo mulizi. Ako nke kaambo bala panga zitondezyo a musyobo uli oonse wa cipo ca buhedeni mbuli mbobaya buya, nywebo mulizi, a kulikotamika beni, a kusendeka ngowani zyabo, azimwi zimbi. Obo tabuli buyake; mbobubede ku ka kkosha ako kali mu i—i cikombelo. Elyo amubone obo Saatani mbwali mucenjezu kukwela ceeco!

¹⁶⁴ Pele, mwabona, ku ciindi eco, aa buntu bwa muntu, mwabona, Leza wakabikka Muuya wa busongo aa muntu, ku kumvwisya kuti eco taciluzi. Lino, eco cakali cakulwana munyama watatu, oyo wakabisya mbungano kapati, eyo njakali kweenzya, kuti cakali cibyaabi. I basilubambululo, ncenzi ncoba kacita kaindi, balo mu bukkalo bwa basilubambululo? Ba kaleta Mbungano, kuzwa ku mapobwe ayo abuhedeni bwa mituni, kujokela kuli Leza alubo. Mwabona? Mbo mbubo Munyama mbwa keenda, obo bupyungi bwa muntu, sikutanta, ku cicita.

¹⁶⁵ Lino, pele, amubale lino kampango 3 a . . . na, Ciyubunuzyo 3:2, aniini buyo. Lino, Nda ceengela awa ku kaambo kamwi. Lino eci nci, canjila lino, bukkalo bwa Lutherani, mu bukkalo bwa basilubambululo, ba Ciyubunuzyo 3:2.

¹⁶⁶ Cintu ncoba kacita, baka bunganya. Nkaako Luther mbwa katalisizya buyo mbungano kweenda, baka ibunganya. Yaa, cintu nciconya Wesley ncakacita. Cintu nciconya Pentekoste ncoya kacita, mbubonya, kalibunganya. Elyo ncenzi ncoba cita? Ba kazwidilizya ciyanza nciconya eco moba kazwida. Mwabona?

¹⁶⁷ Lino amulangilile eci, Ciyubunuzyo, kukanana zya mbungano eyi ya Sarde. “Kuli angelo wa mbungano,” nkampango 1, akwalo. Mwabona? Ncibotu.

Kopakamana, a kuyumya zintu ezyo zisyeeede,

¹⁶⁸ Nkokuti, “I Ijwi ndo ka iisigwa,” mwabona, “zintu ezyo zisyeeede.”

. . . ezyo zilaafwi kufwa: . . .

¹⁶⁹ Uli libabilide cakufwambaana kujokela mu kabunga mbuli buyo mbungano ya Katolika mwa kazwida. Mwabona?

*. . . nkambo Nse jana milimo yako kulondoka kumbele
lya Leza.*

¹⁷⁰ Mpaawo mwaunka. Ngooyo i . . . Ngooyo wa unka, kujokela nkoonya. Sena mwakabona kaambo ziyanza zya tubunga ncozilubide? Nguni waka citalisya? Sa Leza? Sa baapostolo? I mbungano ya Katolika ya Roma yaka cicita. Lino akube simakani aakale uli oonse aambe bwandeene. Ta ciko pe. Mbo babede, ba amba kuti ni mbungano yeendelezya, nkabela mbo

babede. Pele babunganya cintu, a kubikka cianza, a mutwe wa muntu kuli ncico. Alimwi tii twa kabweza muntu omwe, mbuli mbo bakacita; twa kabweza kkanso yoonse ya bantu, kaba bikka antoomwe, alimwi mpawo mwaka nyongana kapati. Mbo mbubo. Mbobuti kkanso mboikonzya, akwalo?

171 Cili mbuli buyo, tu yeeya kuti kulisalila ni nguzu. Nda syoma mbo kubede, ambebo, pele ta cikabeleki kabotu. Ta kukonzyi. A nkamu ya ba Ricky baliko awa ku ceendelezya, mbobuti mu inyika mbo muyo cilulamika? To konzyi. Amubone, cintu cini wakali mwaami munaleza.

172 Amubone Munyama, Munyama watatu, lino, wakali bupyungi bwa muntu. Elyo wa kaiminina basilubambululo abo bakaunka.

173 Kuzwa ku mutuni, kwa kubweza, kwaamba, “*Eci* ncinkwa.” [Mukwesu Branham wakamba maana akwe antoomwe ziindi zyone—Mu.] “*Oyu* ngu waini.” [Mukwesu Branham wakamba maanza akwe antoomwe ziindi zyobilo.] Mwabona, sikulwanakristo uci jisi cintucimwi ciiminina Bunakristo. We elede kucita, nkaambo walo “ulalwana,” nywebo mwabona. Elyo mpawo, ikuti na weelede kulwana cintucimwi . . .

174 Lino, ikuti wa boola koonse, a kwaamba, “Oh, Ndili muna Buddha.” Ee, eco tacikwe cintu. Boonse bala cita. Oyo muhedene buyo, ku kotalika.

175 Pele sikulwanakristo mupyungi. Uli jisi misyobo yoonse ya zintu ezyo ziiminina Bunakristo okuya. Biyo, wakaleya ku lubazu lumbi, cintucimwi kulwana Njiisyo ntaanzi ya Ndilyo. Mwabona, Eco nce cimubamba kuba sikulwanakristo. Mwabona?

176 Aboobo, basilubambululo, cindi Banyama niba kaunka mu ciimo ca ii—ca muntu, ku kulwana ceeco!

177 Lino, muta lubi eci, nokkilasi! Muta cilubi! [Mukwesu Branham wakonkomona aa cikambaukilo ziindi zyone—Mul.] Mwabona? Amu Ci yeeye, mazuba oonse a buumi bwanu! Mwabona? Aba Banyama bali luleme. Ngu MBUBOUBU MBWAAMBA I MWAMI. Mwabona?

Amubone, bukombi bwamituni bwakaleta i . . .

178 I Munyama muntu wakaunka a nguzu zya Leza, kwiinda ku busongo obo Leza mbwa kamupa, a kuleta Mbungano kuzwa ku bukombi bwamituni, kujokela kuli Leza. Pele mu i . . .

179 Twa kajana, mu bukkalo obo mbubonya mbwa mbungano, cindi niba katalika kubunganya, ku cita cintu nciconya ncoba kacitya ku matalikilo, eco Rome nca kacita, lino uyo bamba bana basimbi ku mbungano eyo. Elyo ncinzi ncaamba?

180 Kati, “Lino cakuti uli . . . Nse na kujana kulondoka pe. Alimwi weelede kuyumya nsana ezyo ziniini zisyeede nzo jisi.” Lino amuswiilile kuli Nguwe kabacenjezya, mu Ciyubunuzyo

alubo, 3:3. Atu jane . . . Ee, Nda syoma Nda cijana, maminiti masyoonto buyo ainda.

Yeeya kuzwa nzila mbo katambula a kumvwa, a kujatilila maningi, a kweempwa.

181 Buyo, mu bumwi, “Yeeya kuti wakazwa ku bubu buli boobo.” Mwabona? Elyo amulange awa.

. . . Ikuti na mboobo yebo uta kalangisiyi, Njo sika kuli nduwe mbuli mubbi, (uh huh), alimwi yebo uyo ziba . . . alimwi yebo toka zibi oora Ndeyo boolela kuli ndiwe.

182 Kuyabuya aansi, Uyo ngwisya cibikkilo ca kkendulo, mabona. Aboobo, nce ncico. Ino ncenzi? I Mumuni wa Mbungano.

183 Elyo waa kaunka moonya mu ciyanza nciconya cakabunga ka mudima wabuhedeni omo mwa kazwida, alimwi mwa cili omuya asunu, a bantu ba myoyo iisyoumeka kaba yeeya kuti obo Mbwini, mbubonya buyo mbuli ba Katolika mbo babede. Elyo ba Protestant baseka Katolika; cindi, ngu cisambomwe ca umwi, a cisambomwe ca umbi, mbubonya, kweendelana ku Ijwi. Busongo bwa muntu!

184 Lino amubone. Oh, obo Mbwe yanda Ceeci! Amu Mu swiilile lino mbwa bacenjezya. Lino, lino tu . . . Ula zumina kabotu, umwi aumwi wanu na? Lino, ikuti na tamu citi, amundi lembele mubuzyo. Kuti, abo Banyama balalizibya kabotu mu bukkalo abumwi, mbuli Bbaibbele mbolya bazibya awa. Nce ncico ncobeni ncoba kacita okuya. Makaniakale alatondezya ncoba kacita. Tula langa mpoonya awa a kubona ncoba kacita.

185 Elyo awa, balo Banyama, Nse—Nse—Nse kazi eco kaindi. Nda kakkede buya omuya. Nda kakonzya kucibona kweenda kutala okuya, mbubonya mbo mudi langide. Mwabona? Nkabela ceelede kululama, nkaambo cili waawa ncobeni a Bbaibbele. Aboobo mbobuti mboya kucita cintu cili conse cimbi pele kwaamba kuti cili luleme? Amuzibe.

186 Lino, Munyama wane, oyo wakatumba kuyo lwana sikulwanakristo, mu Munyama oyu wamamanino. Sena muli libambilide? [Mbunga yaamba, “Ameni.”—Mul.] I Munyama wamamanino oyo wakatumba, na nguzu zyamamanino kuyo lwana sikulwanakristo oyo wakali kulwana Kuyiisya kwa Leza, sikulwanakristo, wakali sikwaze. Mwabona? I Munyama wane uupona wakali sikwaze. Lino, amulangelange buyo makkalo, amulangelange Magwalo. Ngu sikwaze! Alimwi mu Bbaibbele, bukkalo bwamamanino bwakali bukkalo bwa sikwaze. Alimwi Leza ula kozyanisya sikwaze ku basinsimi Bakwe. Mwabona? Walo . . . Lino amulange. I bukkalo bwamamanino, bukkalo bwa sikwaze, ii—ii sikuyubununa wa Ijwi lyabwini. Mwabona?

187 Kwalo Leza katana kweenda mu mulimo, mbuli Mbwa kacita mu mazuba akwa Nowa, Wa katuma sikwaze. Cindi Na kaleta

Israyeli, nkabela impi ya Farao yakali libambilide kuunka, Wa katuma sikwaze. Ciindi coonse, Walo utuma sikwaze ku mamanino, ancico.

¹⁸⁸ Elyo mpaawa Wa tuma sikwaze, alubo. Eco cileendelana a Ijwi. Aboobo mbobuti mbo konzya kucibamba cintu cimbi? Ulatuma sikwaze, (nkaambonzi?) sikuyubununa wa Bwini obo bwakali kuwa muciiindi ca makkalo.

¹⁸⁹ Aboobo mbobuti mu inyika musune mwakonzya i—i, na i—na muntu, na kufumbwa Munyama ngwa katantide, mbobuti mbo cikonzya kusola kuyubununwa kusikila ku kuboola kwa sikwaze? Ba kali jisi masena abo; ba kali banaleza, katuma Banyama, mbubonya buyo umwi umbi mbwa kabede.

¹⁹⁰ I mulavu, oyo wakali mutaanzi. Mpaawo sikulwanakritso mpa kalibonya mu—mu kulwana.

¹⁹¹ Mpawo wa kabusya nguzu zimbi; Wa katuma nguzu zyakuyo muswaana.

¹⁹² Mpawo wa kabusya nguzu zimbi; Wa katuma nguzu zimbi zyakuyo muswaana.

¹⁹³ Elyo mpawo ku nguzu zya mamanino, Wa selusya sikwaze, “Ku kuboozya bana kujokela ku Lusyomo lutaanzi alubo, lwa mawisi.” I bukkalo bwa sikwaze! Mpawo, nywebo amuzibe, takucikwe Banyama. Nkukoonse kwa ncico. Ayo mamanino. Lino, ikuti na lino muyanda kubweza Ciyubunuzyo 10:1, 7. Nkweli ku tondeka. Amuyeeye, mu bukkalo bwa mutumwa wamamanino, mwabona, ncinzi cakeelede kucitika? “Oonse maseseke aa Leza ayo yubununwa.” I sikwaze! Ameni!

¹⁹⁴ Lino mwabona banyama bone abo bakeenda. Eco cakali luleme kabotu. Sena mula syoma obo? [Mbunga yaamba, “Ameni.”—Mul.] Elyo lino mboobu bukkalo abumwi, na nguzu azimwi zya keenda kunze lyaco. Alimwi ndoolo Lugwalo lutondezya eco sikutanta wa sinkondo nca kacita. Eco caka yubununwa mu Zinamatizyo ezi. Alimwi akwalo cayubununwa lino Munyama aumwi, nguzu ezyo Leza nzya katuma, ku muswana, cilauma ncobeni mbo kweelede, kusika ku ciindi ca sikwaze. Lino, ikuti na eci ciindi camamanino, kukasike sikwaze, mbubo, a kuli ceeco. Lino, amuyeeye.

¹⁹⁵ Lino, mu mazuba mulavu nakasika, Ijwi litaanzi, kutandila wani handredithi ya mbabo bakaswiilila ku mulavu.

¹⁹⁶ Mu mazuba ayo i—i musune wakasika, dosi biyo liniini ya mbabo bakaswiili ku mulumbe wa musune.

¹⁹⁷ Mu mazuba ayo i—i muntu nakasika, wa kabela akati ka bantu, nywebo mwabona, aboobo Wa kali mucenjezu. Wa kaba a nkamu niini kubusena.

¹⁹⁸ Elyo ncinzi ncoba kacita? Saatani wakacibona eco, aboobo wa kabajosya nkoonya a akuba kwatanya muli ncico.

199 Elyo amuyeeye, cindi sikwaze asika kumalekelo, iyooba wani hundredithi ya pesenti yomwe yabayo swiilila. Bwakali bukkalo bwa sikwaze. Amuyeeye, ngu boonse aba basikutanta bambi... Alimwi mpawo akwalo Jesu wakaamba kumbele, “Ikuti na Ta kafwanzya Kuboola Kwakwe, nikuta kabi muntu umwi, pe, kufutulwa ku Kukwempwa.” . . .? . . . Sa olo Ndugwalo? [Mbunga yaamba, “Ameni.”—Mul.] Sa wabona awo mpo tubede kai, to bwene, mukwesu a mucizi? [“Ameni.”] Wabona mpo tubede na?

200 Leza, Ndili boteledwe loko, Nse—Nse—Nse zyi cakucita! Pele Ndi. . . Oyo tali buyo ndime wiimvwi atala awa ku—ku kwaambaula. Ndili omuno, ambebo. Ndi, Ndili akati kanu. Mwabona, Ndi, Ndime. Ndi jisi mukwasyi. Alimwi Ndi jisi bakwesu a bacizi ba Ndi yanda. Alimwi Leza waku Julu, siluse loko kuseluka a—a kuyubununa cintu eco, kuli Zyakwe Mwini. . . ku zilengaano ezyo zyaka tondezegwa kwa myaka ili makumi otatwe, nzya Bwini. Tuli aano. Twa li. . . Twa sika. Kwa mana. Kuvwentauzya kwa sayaansi kwaka Ci tondezya. I kusimpikizya kwa Ijwi kwaka Ci tondezya. Elyo tuli waano! Alimwi eci Ciyubunuzyo cizwa kwa Leza, nkabela Nca Bwini!

201 Sena mwajata cintu cimwi? [Mbunga yaamba, “Ameni.”—Mul.] Ndali buzya na mwali kucita. Mwabona? Iiyi, munene. Kwayanda nseyelede kumwaambila mpawo, Munsondo. Amubone. Amubone. Cibotuloko! Lino, lino, amubone lino.

202 Alimwi mpawo kweendelana ku i—i ciindi eco Leza ncakali kuyo vuna inyika ya zambangulwe, Wa katuma sikwaze.

Alimwi cindi Na kali kuyo vuna Israyeli, Wa katuma sikwaze.

203 Sa mula syoma kuti ciindi, akwalo kuli Johane, aa Kasuwa ka Patimo, oyu Mulumbe wakali londokede cakuti Ta kakonzya Ku kusyomya kuli Angelo? Nywebo mulizi, angelo walo mutumwa. Pele sena mulizi kuti mutumwa wakali musinsimi? Mula syoma obo? [Mbunga yaamba, “Ameni.”—Mul.] Andi citondezye. Ciyubunuzyo 22, atu bone na wakali sikwaze. Inzya. Mwabona, wa kali ii. . . Masimpe, wa kali angelo, walo mutumwa, pele wakali musinsimi waka yubununa Bbuku eli lyoonse lya Ciyubunuzyo kuli nguwe.

204 Ciyubunuzyo, cipati 22 a kampangoka ka 19, Nda syoma eyo ili kabotu ikuti na Nda ilemba awa. . . 22:19, Inga ndalubila. Peepe. [Umwi waamba, “Ngu 22:9, ndiza.”—Mul.] 22:9, obo mboi bede. Ndali kulanga ku 22:9. Mbo mbubo. Oh, iiyi, okuno.

Mpawo wakati walo kuli ndime, Bona kuti uta ciciti: nkaambo Ndili bazike nyokwe, a babunyoko basinsimi, . . .

205 Amulangilile eco Johane nca kabona awa.

. . . Nde Johane ndakabona zintu ezi, a kuzimvwa.

206 Lino uli mukujana. Eci ncipati camamanino.

...Elyo cindi ni Nda...kamwa a kubona, Nda kawida ansi kukomba kumbele lya matende aa angelo oyo waka nditondezya zintu ezi, oyo wakandi tondezya zintu ezi.

207 Elyo, “walo,” mpawo, “angelo,” mwabona.

Mpawo wa kati kuli ndime, Bona yebo uta ciciti: . . .

208 Taakwe musinsimi wabwini unga wakombwa, na mutumwa wa musyobo uli oonse, mwabona. Oko nkwa Leza alikke.

Mpawo wakati kuli ndime, Bona yebo uta ciciti: nkambo Ndili muzikenyokwe, a wa babunyoko basinsimi, a wa baabo babamba kwaamba kwa bbuku eli: komba Leza.

209 Mwabona? Lino, Bbuku lyakali liyandisi kapati, cakuti, Ndi Ijwi lya Leza. Lino amulangilile. Elyo cindi Ijwi lya Leza lya letwa, Lye elede kuletwa kwiinda ku musinsimi, nkaambo nkuuli nguwe Ijwi lya Leza nkoli boola.

210 Nda kali kulangila kutambula mubuzyo ali ceeco, mu—mu bbokesi eli awa. Nda kayeeya kuti ni Nda kabazunda kuli nguwo, asyoonto, nywebo mulizi. Ndi limvwa kuti kuli omwe omuya mbuli oyo, kwa mana. Nda—Nda kayeeya buyo kuti Ne kautambula, nywebo mwabona. Mwabona?

211 Lyoonse Ijwi lya Leza lila letwa. I Bbaibbele tali cinci ciyanza, pee, mwabona. Ncintu nciconya. Lyelede kusika kuli mulunguluzi oyu ngo tulagila kusika, lino amuzibe, Ciyubunuzyo 10:1, 7.

212 Lino atu bale i—i kampango 9 alubo. Lino tu jana . . . tu . . . Lino, katu tana kuya ku kampango ako, Ndi yanda kumu buzya cintucimwi.

213 Sena mwabona, kabotu, katutana kusiya Zinamatizyo ezi? Lino amuyeeye, takucikwe iinguzu zyuunka kutobela sikwaze oyo, mwabona, takucikwe. Ciindi coonse sikulwanakristo naka tuma cintucimwi, Leza wakatuma nguzu. I sikulwanakristo wakatuma nguzu zimbi; Leza wakatuma cintucimwi caku kucilwana. Mpawo wa katuma nguzu zimbi; Leza wakatuma cintucimwi caku cilwana. Mwabona? Elyo mpawo cindi Na kaselemukila kuli sikwaze, eelyo lyakali Ijwi Lyakwe, kaindi mbuli mbo Lya kabede mu busena butaanzi.

214 Lino amulangilile. Sena tali musinsimi oyo ngo tulangila kusika, muntu umwi uunanikidwe a i—i Muuya mbuli Eliya? Ta kabi Eliya, mubwini. Pele uyooba muntu, uli boobo, uyo seluka. Alimwi mulimo wakwe nguonya ula tumwa, ku kuboozezya kujoka, ku bantu aba bawide kwiinda mu kunyongana oku kwatubungwe, kujokela ku Lusyomo lutaanzi lwa matata. Lino, ikuti na eco taciswanganyi elyo Bbaibbele antoomwe, Ta—Ta ndizyi nco cicita. Nse—Nse—Nse kozyi kwaamba limbi

kujatikizya ncico, nkaambo nce ncico. Mwa sika ncobeni. Obo Mbwini. Na wagwisya kufumbwa cintu kuzwa alya, wa cinyonganya. Mwabona? Aboobo, calo, ceelede kuba nzila eyo ncobeni.

²¹⁵ Lino amubone, lino, mukampango 9, “Myuuya kungsi lya cipaililo.” Lino, mpaawa Mpeyo jana kuta zuminana kwini. Pele amu langilile buyo aniini. Elyo buyo. . . Mwabona? Nda ciyeeya eco, acalo, pele tii casika munzila eyo. Tu jisi. . . Nda kayeeya boobo lyoonse kuti eyo myuuya ili kungsiya cipaililo yakali i—i—i bakajaigwa nkambo ka lusyomo lwabo iba Mbungano ntaanzi. Elyo Ndili masimpe kuti, ee, Mwii. Uria Smith, a umwi aumwi wabo, baamba kuti mbokubede. Mwabona? Pele, Nda kayeeya boobo, lwangu. Pele cindi Muuya Uusalala niwa katondezya cilengaano caco, tii cakali obo,; tii yakali myuuya.

Lino, lino yebo wati, “Ee, lino, Ta ndizi kujatikizya ceeco.”

²¹⁶ Ee, lino, aniini buyo, tula ziba. Amulange. Eyi taili myuuya ya i—ya Mbungano Nabwiiinga, kutali eyo. Twa kali kuyeeya kuti eyo yakali Mbungano Nabwiiinga kai lindila okuya, myuuya kungsi lya cipaililo, nywebo mwabona, kailila, “Ciindi cilamfu buti, Mwami, ciindi cilamfu buti?” Andi cibale alubo lino, kutegwa tu cimvwisye kabotu.

Elyo cindi na kajula cinamatizyo casanu, Nda kabona kungsi lya cipaililo myuuya ya baabo kaba jaigwa nkambo ka ijwilya Leza, alimwi nkambo ka bumboni mboba kajatilide:

²¹⁷ Mwabona, “I Ijwi lya Leza, a bumboni mboba kajatilide.” Lino, muta—muta zwi awo. Aniini buyo, mwabona.

Elyo ba kalila. . . Ciindi cilamfu buti, . . . Mwami, ciindi cilamfu buti? . . . (mwabona?) . . . kusalala a kululama, ula cita. . . beteka a kulinkoto ya bulowa bwesu ali baabo bakkala aa nyika?

Elyo zikobela zituba zyaka pegwa kuli umwi aumwi wabo; alimwi kwa kaambwa kuli mbabo, kuti beelede kupumuna kwa kaindi kaniini, kusikila bazikenyokwe babo abalo a—a. . . babunyina, kuti beelede kujajigwa mbuli mboba kacitwa, kweelede kuzulizigwa.

²¹⁸ Lino, nkambo balo, ku ciindi eco, ikuti na mwalangisya, eci Cinamatizyo Casanu ka cijulwa, mwabona, Mbungano iliinkide. Tai konzyi kuba, myuuya kungsi lya i—i Mbungano ntaanzi.

²¹⁹ Lino, lino, akaka, ikuti na mwakasola kwaaba kupakamana kuli ceeci lino, nkaambo oku nkukazya- . . . nkukazyanya kupati kwabuleya, aboobo Ndi yanda kuti muswiilile kabotu lino. Alimwi muli jisi mapepa anu, a zintu zya kulembya. Lino, Ndi yanda kuti mubonesye.

²²⁰ Lino, eyi taikonzyi kuba myuuya. Nkaambo, i—i myuuya ya i—ya balulami, bakajagwa nkambo ka lusyomo lwabo, a

bantu baluleme, Mbungano, Nabwiinga, baka tolwa kale kujulu, aboobo inga kabatali kungsi lya cipaililo. Inga kabali mu Bulemu, a Nabwiinga. Lino amulangilile. Nkambo, ba kainka mu Kukwempwa, mu cipati 4 ca Ciyubunuzyo. Ba katolwa kujulu.

221 Lino, mbaani ba myuuya eyi, kai? Eco ncecentu citobela. Mbaani abo balo, kai, ikuti na tabali ba Mbungano ntaanzi? Eyi ngu Israyeli yeelede kufutulwa mbuli cisi, boonse balo ba kakanzwa. Eyo ngu Israyeli. Eyo ngu Israyeli, lwayo.

222 Nywebo mwati, “Oh, lindila aniini.” Yebo wati, “Taba konzyi.” Oh, iiyi, mbaelede kuyo futulwa.

223 Awa, atu cibambe, aniini buyo. Ndi jisi Magwalo one na osanwe. Nda bweza lomwe. Andi bweze ba Roma, aniini buyo, a kubona ikuti mbe mbabo. Atu bweze Bbuku lya Baroma, a kuunka ku i—i cipati 11 ca Baroma, nkabela tula ziba. Buyo . . . Atu cibale buyo, alimwi mpawo tula cijana lwesu. Baroma, cipati 11, i kampango ka 25 a 26. Lino amuswiilile kuli Paulo awa.

224 Elyo Paulo wakati, “Ikuti na muntu umbi, naba Angelo, kakambauka makani amwi ambi,” (inzi?) “wa ka tukwa.” Amulangilile.

Nkambo Nse yandi, bakwesu, kuti nywebo kuti mutazibi zya i maseseke (uh!), kutegwa mutabi basongo mu kucenjela kwanu (mpawo we); i kofwaala mu cibeela kwaka citika kuli Israyeli, kusikila i kuzulizigwa, buzule bwa Bamasi buka njile.

225 I Nabwiinga wa Bamasi wamamanino aka njizigwe, nkambo ka Nabwiinga, kofwaala kwakasika kuli Israyeli ku bukanze obo.

Aboobo boonse ba Israyeli bayo futuka: mbuli mbo kulembedwe, Kuyo zwa mu Sioni ii Muvuni, alimwi uyo gusya butali bunaleza nkambo ka Jakobo:

226 Yaa! Lino, mba Israyeli, bali kungsi lya cipaililo eci. Amulangilile. Israyeli yakofwaazigwa nkambo ka bukanze mbubonya kuli ndiswe kuti tufutulwe. Mula syoma obo? [Mbunga yaamba, “Ameni.”—Mul.] Lino, nguni waka bofwazya? Leza. Leza wakofwaazya bana Bakwe Beni.

227 Ta cigambyi, Jesu, kaimvwi alya a ciingano, elyo balo ba Juda ka boompolweda Bulowa Bwakwe! Abo bakali bana Bakwe Beni. Elyo Wa kali Lugwalo. Mbwa kabede, Mwini, Ijwi. Elyo awa, Walo kazi kuti abo bantu bayo Mu tambula cakukondwa! Alimwi nke kaambo Wa kabofwaazya, kutegwa bataka Mu zibi. Wa kaboola mu nzila ibombe, nkabela yaka bofwazya kuli ncico, kutegwa kabata citambuli. Mwabona? I Lugwalo lwakati bayo cicita. Alimwi Wa kabofwaazya. Ba kofwaazigwa! Jesu wakabafwida nsoni, akwalo kunji, mbuli Mbwa kati, “Taata, balekelele. Ta bazyi eco ncoba cita.” Mwabona? Ba kofwazigwa. Paulo wakati bakofwaazigwa ku kaambo, nkambo ka ndiswe.

228 Amubone. Lino Ndi yanda kuti mulange ceeci kabotu loko. “Ba kapegwa zikobela.” Tiiba ka zijisi. Ba kapegwa zikobela, zikobela zituba, aumwi wabo. Lino, basalali lino bali jisi, kale zimwi; bala zijana awa. Pele, alya, “Ba kapegwa zikobela.” Elyo basalali bakali jisi kale zyabo, kabaya buya. Mwabona? Mwabona? Tiiba kajisi—kajisi pe. . .

229 Balo, mwabona, tiiba baka jisi coolwe, nkaambo ba kofwaazigwa aa Leza, Taata wabo mwini; kutegwa luzyalo lwa Leza lukonzye kuzulizigwa, kutegwa Nabwiinga kakonzya ku gusigwa kuli Bamasi. Sa mbo mbubo? [Mbunga yaamba “Ameni.”—Mul.]

230 Andi—andi mutondezeye cikozyano cibotu awa muli Josefa; Josefa, muntu Muuya, sikwaze. Wa kazyalwa akati ka babunyina, mbubonya mbuli Mbungano ini akati ka bambi. Elyo wa kalikukonzya kupandulula ziloto a kubona zilengaano. Alimwi bamwi babo baka musulaika. Wisi waka muyanda.

231 Amuzibe, mpawo, kuti wa kali kubusena, katandwa aa babunyina bakwe, kutali bawisi. Kubusena, aa babunyina bakwe, nkabela wakasambalwa kutandila nsiliva zili makumi otatwe. Kasowelwa mu dindi, a ku yeeyelwa kufwa.

232 Kasumpulwa, a kukkazikwa ku janza lya lulyo lya Farao. Elyo nkaambo wa katandwa a babunyina bakwe, mwabona, wa kapegwa nabwiinga Namasi, kutali wa bantu bakwe beni. Kwiinda omuya, wa kazyala Efraimu a Manase, abo baka yungizigwa mu Israyeli.

233 Mbuli Israyeli mbwa kaba longezya, kwiinda kukwiinganya maanza akwe, kuzwa ku muniini kuya ku mupati, Kwiinganya zilongezyo kuzwa kuba Juda, kaindi. . . na kuzwa kumu Juda kuya kuli Namasi. Mwabona? kainganya maanza akwe, ku mwana muniini, ili ni Mbungano niini kunjila. “I—i mbungano yeendelezya yakaima mu zuba; ya kazyala muvwanda oyu.” Alimwi amubone, ku mujana, Israyeli wakainganya maanza akwe, mu cikozyano. Alimwi Josefa. . .

Balo bana bomwe, wakali nyina Namasi.

234 I nabwiinga wa Israyeli, kaindi okuya, waka inganisigwa, kuzwa ku Orthodikisi yakaindi, kuya ku nzila ya Bunakristo, ku Muuya Uusalala yakainganya maanza aa Israyeli. Wa kati, “Leza wainganya maanza angu.” Ta kajisi cintu cakucita ancico.

235 Amubone. Mpawo, Josefa, waakakwa kuli babunyina, bantu bakwe beni, kabweza nabwiinga Namasi. Mbubonya ncobeni obo Jesu mbwa kacita; waakakwa kuli bama Juda, kabweza Nabwiinga Namasi.

236 Lino atu bale cintucimwi awa. Ndi jisi Lugwalo lulembedwe, Incito 15. Elyo, oh, eci cibaanga nce ncico nco tweeledwe ku yiisya, nekuba. Lino, Ndi syoma kuti Ndi jisi eci ciluleme, bala Incito 15:14. Ncibotu. Ndi syoma kuti eci cili luleme lino. Ncibotu.

“Simioni waka lungulula nzila Leza...” Peepe, atu talikila kampango ka 13.

Elyo niba kamana kuumuna, Jemusi wakavuwa, . . .

237 Lino, nywebo mwabona, eco caka citika, ba kaunkide kuli Bamasi. Mwabona? Elyo kukwankana kwakaba, nkaambo bakali ba Juda. Mwabona?

Elyo niba kamana kuumuna, Jemusi wakavuwa, kwaamba kuti, Baalumi a bakwesu, amundi swiilile:

Simioni (oyo ngu Simoni Petro) wa kalungulula nzila Leza kumatalikilo mbwa kaswaya Bamasi, kuyo gusya bantu ku zina lyakwe.

238 Huh! Mwabona, zina lya mukaintu wangu lyakali Broy. Cindi ni Nda kamubweza, waa kaba Branham. Mwabona?

239 Jesu ugwisya Mbungano Yakwe, na Nabwiinga Wakwe, kuzwa kuli Bamasi. Lwalo Ndugwalo, kakozyanisa, mbubonya mbuli Josefa mbwa kabede.

240 Lino amubone eeci, lino, eyi myuuya kungsi lya cipaililo. Ee, i . . . eci, “Eyi myuuya,” kumvwisya lino, “eyo ili kungsi lya cipaililo,” nkaambonzi baka jaigwa nkambo ka lusyomo lwabo kwiinda ku bantu babi mbuli Eichmann. Mwabona? Bali jatilide mpoonya, mamilioni ambabo, mwabona, pele bacili ba Juda.

241 Lino, amwiibaluke. Ino cakali cinzi? “Ba kajaigwa nkambo ka Ijwi lya Leza,” kutali ku bumboni bwa Kristo. Sena mwamvwisya eco?

242 Pele, amuyeeye, Mbungano yakanjila, ayalo, bakajaigwa nkambo ka lusyomo iba Mbungano, kakali nkambo ka Ijwi lya Leza a bumboni bwa Jesu Kristo. Mbangaye bazi boobo, okuno ku i . . . [Mbunga yaamba, “Ameni.”—Mul.] Inzya. Ncibotu.

243 Lino, pele aba tiba kajisi bumboni bwa Jesu Kristo.

. . . nkambo ka Ijwi lya Leza, a ku bumboni obo mboba kajatilide:

244 Iba Juda! Elyo Hitler wakaba sulaika, mbubonya Eichmann mbwa kacita, mbubonya Stalin mbwa kacita, boonse bamwi banyika. Mwabona? Pele ba kakkala cakusyomeka kuli ceeco ncaba kasyoma. Elyo ba kabajaya nkaambo bakali ba Juda.

245 Sa mwakalizi kuti Martin Luther waka jisi muzeezo oyo nguwenya, awalo? Bwalo mbwini. Wa kati, “Boonse ba Juda beelede kugusigwa. Balo mbasikulwanakristo.” Mwabona? Pele wa kali kungsi buyo lya bubanze bumbi, nkabela taka cibona, taka bona Ijwi.

246 Lino Ijwi, Bwini, bwayutuka. Mbobuti mboya kusola kofwaazy a Israyeli? To konzyi kucicita. Peepe.

247 Oh, mbobuti musinsimi oyo mbwa kakonzya kwiima okuya, buzuba obo, a kwaamba kuti, “Yebo uboneka mbuli hachi, Israyeli”? Cindi niba kali kusoleka kumu tondezya zibeela zyayo

zibyaabi! Wa kati, “Baa,” wa kati, “kufumbwa oyo ukuleleka uyo lelekwa, alimwi kufumbwa oyo ukutuka uyo tukwa.” Mbo mbubo. Oh, muntu! Mbobuti mboya ku cicita?

²⁴⁸ Ciindi cimwi baka yeeya kuti Leza na kaluba, cindi musinsimi naka bona cintu cisiya ka ciboolela ba Juda. Ulya muntu kaimvwi awo, a Ijwi lya Leza kalitilwa kuli nguwe. Wa kati, “O Mwami, sa Uya kusiya bantu Bako?”

Wa kati, “Ncinzi eco cilede awo munsu lyako?”

Wa kati, “Ti kasamu ka kweeleleka.”

²⁴⁹ Kati “Nkalamfu buti ku Julu? Ko lipima.” Uh huh. “Mbobuti lwizi mboluli lulamfu?”

Wa kati, “Ta ndikonzyi kucicita.”

²⁵⁰ Wa kati, “Ambebo Nse konzyi, ambebo Nse konzyi kusola kuluba Israyeli.” Peepe, munene. Ta kailubi pe.

²⁵¹ Wa kacita kofwaazyia mwana Wakwe Mwini. Lino, amu ciyeeye eco. Kofwaazyia mwana Wakwe Mwini, ku tupa coolwe, nkabela twa Ci kaka. Lino, sa ta cimubambi kutandila kulimvwa buniini kapati cakuti inga mwayavula kungsi lya cilwi casamende kosamide ngowani iilema magaloni ali kkumi, nkabela kutakonzya kuciguma? Eco ncinini maningi, nywebo mulizi. Oh, ma! Iiyi.

²⁵² “Ba kajatilila ku Ijwi lya Leza.” Bakali ba Juda. Bakali jisi milao yabo; ba kakkala a njiyo. Mulayeeye busiku bwainda, lino? Mwabona? Ba kakkala aceeco. Alimwi bakali ba Juda, nkabela ba kakkala a mulao. Elyo mulao lyakali Ijwi lya Leza, nkabela ba kakkala anguwo. Mbo mbubo. “A ku bumboni mboba kajatilide, ba kajaigwa.” Elyo njeeyi myuuya kunsilya cipaililo, Mbungano niya kamana kuunka.

²⁵³ Lino amulangilile. Ba kali jisi, mu kofwaala kwabo, kajaya Mesiya wabo, alimwi lino bakali kutebula nkambo ka ncico. Ba kacimvwisya. Ba kaciziba, niya kamana kuunka. Ba ka Mu bona mpawo, cindi niba kasika kumbele lya cipaililo ca Leza. Pele lino luzyalo lwa Leza luli kuli mbabo.

²⁵⁴ Amulangilile. Lino, tiiba kakonzya, pee, kuba basalali, nkaambo baka samikidwe kale zikobela. Pele mbaaba lino, buyo “myuuya kungsi lya cipaililo, nkambo ka Ijwi lya Leza, a bumboni mboba kajatilide,” mukuba bantu ba Leza, ba Juda.

²⁵⁵ Pele lino, amulange, luzyalo lwa Leza lwasika kuli mbabo. Elyo Jesu wabapa, aumwi, cikobela cituba, (oh, ma, amulange; kutala okuya, Mbungano niya kamana kuunka), nkaambo bakali kusyomeka ku kaambo kabo. Alimwi baka ofweede, nkabela tiiba ka cizyi. Tii baka cizyi. Ba kali kucitaula ncobeni cibela eco Leza ncaka basalila kucitaula. Elyo mpaawa, mpaawa, Johane waka lingula nkabela wabona myuuya kungsi lya cipaililo. Lino amulange, wa bona myuuya eyo. Amulange obo mbwa iita.

Ila lila, “Mwami, ciindi cilamfu buti?”

Amulangilile, “Kaindi kambi kaniini buyo.” Mwabona?

²⁵⁶ Atu jane eco, mbuli mbo tuselemuka, moonya mu Lugwalo lino. Ba kaibaluka kuti bakajaya Meisya wabo. Mwabona? Alimwi tiiba ka cizyi, pele mpawo bakaibaluka. Balo ba—balo ba kajaigwa, kaindi, ku cibbadelela: micito yabo yakali mibi. Elyo lino amulange cintu ncoba kayandika kucita! Mwabona, baka zulwa ku bujayi, aboobo ba kajaigwa. Mwabona? Ba koompolola, “Bulowa Bwakwe bube ali ndiswe!” Mwabona? Mbo mbubo. Elyo ba kofwaazigwa.

²⁵⁷ Lino, ikuti niba takofwaazigwa; Leza wakati, “Baleke balikke. Ta beeleli.” Pele mukuti ba kofwaazigwa aa Leza, luzyalo Lwakwe lwaka baselemukila. Ameni! Amwambaule makani aa luzyalo lugambya! Elyo wakapa umwi aumwi wabo cikobela, nkaambo boonse ba Israyeli bayo futuka, aumwi ujisi zina lyakwe kali lembedwe. Mbo mbubo. Jesu waka bapa zikobela.

²⁵⁸ Mbuli Josefa mbwa kacita kuli babunyina; cikozyanyo. Amulange, cindi Josefa nakaima alya, alimwi cindi kumalekelo na...Wa kaliyubununa mwini okuya muni lya cipaililo, cipaililo cakwe mwini, mu palesi yakwe, cuuno cakwe cabwami. Wa kati, “Nyoonse amundi siye.” Mukaintu wakwe wakali omuya mu palesi; oko Nabwiinga nkwayooba.

²⁵⁹ Elyo wa kabaambila, wa kati, “Sa ta mundizi?” Yawe, walo ukanana Cihebrayo lino. “Ndili munyoko, Josefa.” Oh, ma!

Ba kati, “Lino, oh, uyo tutola.”

²⁶⁰ Kati, “Aniini buyo. Aniini buyo. Leza waka cicita eco ku bukanze. Waka mucitya kundi sowa, kutegwa kukavunwe buumi.” Bulemu! Mpaawo we, ncobeni. Kati, “Muta, muta linyemyi nobeni.” Mulayeyya kuti Josefa wakaamba ceeco? Kati, “Muta linyemyi nobeni. Zintuzyonse zili kabotu lino. Kwa mana. Leza wakandi tumina okuno, kumbele lyanu.”

²⁶¹ Nywebo mulizi, Bbaibbele lyakati bayoamba kuli Nguwe, cindi baku Mu bona kasika, kati, “Iwe, Nduwe Mesiya, tu lizi. Pele, pele, ino kujatikizya nembe ezyo?” Mwabona?

²⁶² Wa kati, “Oh, Nda ka zijana mu ng’anda ya beenzuma Bangu.” Beenzuma?

²⁶³ Elyo mpawo cindi niba kacimvwisya, balo baka syaala, bali zyuulu zili mwaanda amakumi ali kkumi aone, Bbaibbele lya kati bayo pambuka, ng’anda yomwe kuzwa kuli imbi. Alimwi kutola mazuba, kabalila buyo, a koomoka, kweenda atala ansi lya cibuye; kwaamba, “Twa kacicita buti? Twa kacicita buti? Baa, twa kabambula Mesiya wesu wini.” Kati, kalila mbuli munzi mbounga wacita ku mwana wakazyalwa alikke, “Twa kacicita buti?”

264 Balo ba Juda, mbo—mbo bantu bakombi maningi mu inyika; basale ba Leza. Pele Wa kabofwaazy, kuli ndiswe, nkabela twa Ci kaka. Ino ndubeta lwa mbungano ya Bamasi! Mpaawo we. Mwabona? Kofwaazigwa acaali, kuli Leza, kutegwa Ako nzye kutubweza, Nabwiinga wa Jesu. Kuba gusya ku i. . . Mwabona? Elyo caka tondezegwa kale, a zintuzyonse.

265 Lino mwabona na kuti mbaani ba myuuya eyo? Tabali basalali baka jaigwa. Ba kaunkide kale. Mbo mbubo. Amubone, ba kali, ba kaliinkide kale. Mwabona?

266 Aboobo, aba baka pegwa zikobela, umwi aumwi wabo. Elyo lino Ndi yanda kuti mubonesye. Pele lino luzyalo lwa Leza lwaka baselukila. Jesu wakapa aumwi cikobela cituba, mbuli Josefa mbwa kacita, luzyalo lwakwe kuli babunyina.

267 Lino amulangilile. Nekubakuti baka soleka kugwisya Josefa, akwalo, pele luzyalo lwakwe lwaka seluka nkoonya kuli mbabo. Mwabona? “Oh, cili kabotu. Oko kuli kabotu. Tii mwakakanza kucita ceco. Pele, mwabona, oyo wakali Leza kacita ceeco. Mwabona? Leza waka mulekela kucita coonse eco kutegwa Ka konzya kundi tanda, a kundi leta okuno kumusanza kutegwa Nke konzya kuvuna maumi aa bantu, aba Bamasi awa, oko Nkwe kajana mukaintu wangu. Ne takaba a mukaintu ikuti—ikuti Ne taka kkalila kookuno. Lino, Nda muyanda mukaintu wangu. Waa kandi zyalila bana awa.” Elyo kati, “Ndi—Ndi. . . Elyo lino—lino Ndi boola ku mutola nyoonse. Lino nyoonse muyo jana coolwe, anywebo. Njo muleta kumusanza okuno. Toonse tuyo pona antoomwe, mbuli mukwasyi omwe mupati.” Mwabona? Mwabona? Mwabona? Kati, “Cintu comwe Nce yanda kumu buzya. Sa taata mudaala ucipona?” Oh!

268 Elyo amumulange, eco nca kacita kuli Benjamani muniini, cili ncikozyanyo ca balu zyuulu zili mwaanda amakumi one abone, mbuli mbo tusika kwainda kaindi. Mwabona nca kacita na? Wa kazuza buyo cakufwambaana kuli Benjamani, akubukata nsingo yakwe akutalika kumu gwambatila. Musyoonto wakwe waka zyalwa mu mukwasyi nakamana kuunka, mwabona; kwiinda kuli banyina, mbungano ntaanzi, mbugano ya Orthodoxisi. Bali zyuulu zili mwaanda amakumi one abone bakazyalwa Ka tawo, kuciindi Na kaunkide kuyo jana Nabwiinga Wakwe Munamasi. Oh, ma! Sena eco taciciti cintucimwi kuli ndinywe! Nceeco we. Aboobo mwabona kuti mbaani? Mbaabo mbo babede.

269 Amubone lino, nekubakuti baka soleka kugwisya Josefa, luzyalo lwakwe lwaka basikila.

270 Nekubakuti baka soleka kugwisya Jesu, Walo ucijokela nkoonya kubusena, nkaambo bakali ofweede, a ku bapa, aumwi, cikobela cituba. Uyo batola moonya mukati, mu muunzi, nekuba. Tacibambi lwandaano luniini, nkaambo Wa kati, “Njo bafutula boonse, nekuba.” Mwabona?

Lino kampango 10. Amubone, ba kalomba “kuliyanakoto.” Mwabona?

271 Lino, ikuti na wakali Nabwiinga, nakali mbuli Stefano: “Taata, ba lekelele,” nywebo mulizi. Mwabona?

272 Pele aba mba Juda bakazwa kunjila, mwabona. Ba kalomba kuliyanakoto. Amubone alimwi, mwabona, alimwi Wa kati. . . Amubone, ta cili. . . Wa kati, “Balo mbana bakwesu,” ba Juda. I mwaanda. . . Lino bakali kuyanda kuliyanakoto. Ba kati, “Oh, swebo tuyo. . . Tu, tu yanda Nduwe kutuliya nkoto kunselele okuya.”

273 Wa kati, “Kaindi buyo kaniini, lino, kaindi buyo kaniini.” Nkambo, amubone, andi cibale awa. Cili mu i—i kamapango 10. Yaa.

Elyo ba kalila a jwi pati, kabati, Nciindi cilamfu buti, O Mwami, mu busalali a bwini, yebo to beteki a kuliyanakoto ya bulowa bwesu aali mbabo abo bakkala aa nyika?

Elyo zikobela zituba zya kapegwa kuli umwi aumwi wabo; alimwi kwa kaambwa kuli mbabo, kuti beelede kaba cipumuna. . . kaindi kasyoonto, mwabona (inzi?) kaindi kaniini, kusikila bazikenya. . .

274 Mwabona? Lino ncinzi? I basinsimi bakambaukila Israyeli lino. Mwabona?

. . . mane bako bazikenya abalo. . . bako bazikenya alimwi abalo babunyoko bako, kuti beelede kujaigwa. . .

275 Mwabona, bantu bakakanzilwa kucitilwa boobo. Nywebo mwabona?

. . . beelede kujaigwa mbuli mbo bakacitwa, kweelede kuzulizigwa.

276 Mwabona, mu majwi amwi, ca kakanzwa kuli mbabo. Alo Magwalo, ayo nge beelede kucita. “Elyo kupumuna buyo kwakaindi kaniini. Lino muli jisi zikobela zyanu; muya ku muunzi; a kukkala buyo alya kwa kaindi kaniini, mwabona, kulindila buyo aniini.”

277 Lino amubone. Lino amubone, “Bana bakwanu.” “Bana bakwanu baka cili kweelede kujaigwa,” abo baamba bali zyuulu zili mwaanda amakumi one abane ba ceelede kwiitwa mu Mapenzi. Alimwi bali zyuulu zili mwaanda amakumi one abone ba kaitwa.

278 Ni twali jisi ciindi. Kwayanda tuyo cinjila juunza masiku, ikuti na Mwami wayanda, swebo. . . katutana njila buyo mu Cinamatizyo cimbi. Mwabona?

279 Akwalo, lino amulange, bayo yandika kujaigwa kwiinda kuli sikulwanakristo. Twa kazwa kwiinda; alimwi amubone,

mu kutanta kwakwe kwamamanino, oko nkwa tyola—tyola cipangano eco aba Juda kumusanza okuya. Elyo ngoyo waunka. Mwabona?

280 Aba ba Juda, bali zyuulu zili mwaanda amakumi one abone, bweelede kuyo itwa aa bakamboni bobilo iba Ciyubunuzyo 11. Lino, mula yeeya, ba keelede kusinsima.

281 Wa kacibala eco. Mbangaye baka cibala eco? [Mbunga yaamba, “Ameni.”—Mul.] Masimpe, toonse tuli zibide kabotu, kubala Lugwalo.

282 Elyo bayo sinsima, aba bakamboni bobilo bakasinsima, mu ciindi ca cisela ica Daniele mu mvwiki zili makumi ali ciloba. Eyo myaka yamamanino yotatwe a cisela.

283 Mula yeeya nzila mbo twa kabweza mvwiki zili makumi ali ciloba zya Daniele? Nda kati tuyo ciyanda cindi twa kusika kokuno. Nse kazi kaambo, pele Ndi buyo. . . Cintucimwi caka ndaambila kuti tuyo ciyanda, alimwi mpaawa we mpotubede. Inzya. Mwabona?

284 Amubone, mu ciindi ca Daniele. Lino amuyeeye, Daniele wakaambilwa kuti, “I Mesiya uyo boola,” sibwami, “Mesiya,” mubwini, “alimwi Uyo sinsima. Israyeli yaka cijisi mvwiki zili makumi ali ciloba zyaka syeede. Elyo akati ka mvwiki zili makumi ali ciloba, Mesiya uyo nyonyonwa, nkabela cituuzyo ca mazuba oonse ciyo lesege.” Sa mbo mbubo? [Mbunga yaamba, “Ameni.”—Mul.] “Pele kwakacili mvwiki zytatwe acisela, zya kabikkwa.”

Mu mwaakwe oyu, Walo utola Nabwiinga Namasi.

285 Lino, Waa unka kujulu. Elyo cindi Au nka kujulu, basinsimi bobilo babuka kuya ku Israyeli. Mwabona?

286 Alimwi eyo myuuya ya kajaigwa, lino, nuciindi coonse awa, ba Juda, beni ncobeni mucuindi eciya; abo baka jisi mazina abo mu Bbuku, abo bakapona buumi bubotu a kucita cintu ciluleme, bakapona bukombi bwa Bujuda mbuli mbo kweelede. Ba, ba kajaigwa aa Eichmann abamwi bambi. Bantu basyomeka, bali mamilioni ambabo kumusanza okuya! Elyo balo bana German baka dubula calufu, a kuba jaya, a kubazaya, kubaangilila ku malambo, a kuba umpa, akubaumpa cakuba twe, a zintuzyonse zimbi. Oyo Hitler, a Stalin, a Mussolini, uutakwe kulimvwa kwabuntu, na moyo wakutila malowa, a bantu boonse baka sulaika ba Juda!

287 Ndi yeeya kuti nce cimwi ca—cimwi ca zintu ciswaanganya cisi eci, nkaambo lyoonse baka lemeka ba Juda, mbo mbubo, kabapa busena. Wa lemeka mu Juda, nkabela Leza uyo kulemeka.

288 Lino, kuli cikama caba Juda abo bazangi, mbuli mbo kuli Bamasi nzila njionya.

289 Pele mu Juda wini, Leza wakabikka zina lyakwe mu Bbuku kuzwa ku malengelo aa inyika. Elyo ngooyu mbwa kabede, kajaigwa kunselelo mu ciindi eci. Elyo amuyeeeye, amu ciyeye lino, obo mbo cilondokede eco. Mpoonya buyo kwiinde bali mamiloni aba Juda bakajaigwa, bantu batakwekaambo, kwiinda ku masi aa inyika; mpaawa Magwalo alaamba, moonya mu ciindi eci, kuti aumwi uli kunsilya cipaililo, kwiibaluka eco cakacitika, alimwi baka pegwa zikobela zituba.

290 Elyo ba kati, “Ee, nkaambonzi? Sa inga twa pilukila ku bwami ndyoonya lino?” I bwami bwa Cijuda buya kuyakilwa ansi, nywebo mulizi. Johane wakati bwami bwakaliko, mwabona, kuti buyakwe.

Lino, obu Mbwami bwa Makanimabotu, nywebo mwabona.

291 Pele bwami bwaba Juda buyo kambaukwa a baaba—baaba basinsimi bobilo, aboobo amubone i—i—i bwami bwaa nyika ano.

292 “I Bwami bwaku Julu bula kambaukwa,” . . . kwiinda kuba Juda, na ku . . . Nda amba, “kuli Namasi.”

293 I bwami bwa waano aa nyika, buya kuyakilwa mu Mileniamu, kwaakumana, Mileniamu kuba Juda.

294 Lino amubone. Amubone eci lino, awa, kuciindi niba—kuciindi niba kali kukambauka, mwabona.

295 Kabatana kusola kubuka basinsimi aba—aba aa cilao; ba Juda aba bakacita kufwa kunsilya Eichmann a bamwi mba, umwi aumwi wabo abo bakakanzwa, waka pegwa (ku luzyalo) cikobela cituba. Umwi aumwi waka pegwa cikobela cituba. Amubone.

Lino ncinzi cicitika? Eco mbo ciyo citikila buyo . . .

296 Ndi langide wachi eyi kusule oko, alimwi Ndi lizi kuti twa—twa muka. Pele Ta ndiyandi ku . . . Mwabona, Ndi—Ndi . . . Balo . . . kubona bantu bacete kabaimvwi awo. Leza amugwasye, bakwesu. Nda syoma umwi aumwi wakapegwe cikobela cituba buzuba obo, mwabona. Kaimvwi, kucinca koonse akoonse, a maulu kacisa. Elyo nobamwi mwakabeleka buzuba boonse. Ndi lizi mbo cibede. Alimwi amulange awa . . . Alimwi bamwi bamacembele baubauba bacete kabaimvwi. Nda bona bamwi aba bamaalumi kabapa banakazi zyuuno zyabo; alimwi muntuumwi umbi kupa, mutumbu mucete muubauuba ujisi muvwanda. Elyo Nda—Nda—Nda—Nda bona koonse oko, mwabona, alimwi Ndili masimpe Ula cita. Amubone. Pele Ta ndiyandi ku mujata kwa ciindi cilamfu. Ikuti na Nda konzya buyo kumubamba kubona Mulumbe, nku koonse Nkwe yanda kuti mucite, mwabona.

297 Lino amubone aba ba Juda. Nde elede kucita ceeci, kutegwa mulekwe kubona ciyubunuzyo ca Cinamatizyo eci; kubona mbo

cibede, eyi myuuya ili kungsi lya cipaililo, alimwi kuti mbaani. Lino amubone.

298 Mu ciindi ca Daniele, lino, cisela cabili ca mvwiki ya buseveinte. Lino amuyeeye, “Mesiya wa keelede kunyonyoonwa aakati.” Awo mpakati. Ee, ino cisela ca ciloba niinzi? [Mbunga yaamba, “Yotatwe a cisela.”—Mul.] Yotatwe a cisela. Nciindi cilamfu buti Kristo nca kakambauka? [“Yotatwe a cisela.”] Mbo mbubo. Lino, “Pele kuli cicibikkidwe, ku bantu,” (inzi?) “myaka imbi yotatwe a cisela.”

299 Ee, ku mweekwe wa ciindi eci, baa, mwabona, cintu caka citika, ncakuti, Nabwiinga Munamasi ulisalidwe mu makkalo aa mbungano aliciloba, nkabela uunka kujulu.

300 Elyo cindi cacita nzila eyo, boonse aba ba Juda baka jaigwa okuya nkaambo ka boofu, bakkede kungsi lya cipaililo, Leza ulaboola awo a kwaamba, “Mwa bona mbo cakabede? Lino Nda mupa umwi aumwi wanu cikobela.”

Ba kati, “Nciindi cilamfu buti, Mwami? Sena tula njila lino?”

301 Kati, “Peepe, peepe, peepe, peepe. Muntu nyokwe, ba Juda, beelede kupanga asyoonto, limbi. Be elede kuyo jaigwa mbuli mbo mwa kajaigwa. I munyama weelede kuba jata cindi atyola cipangano cakwe.”

302 Lino amubone. Elyo lino amubone, lomwe. . . Lino amuyeeye buyo, abo basinsimi beelede kusinsima kweendelena ku Ciyubunuzyo 11. Nywebo, nywebo mwatambika maanza anu, mwa kacibala. Mwabona? Alimwi baka pegwa nguzu.

303 Alimwi tuyo ziba mbo babede, mu kaindi kaniini, na Mwami wayanda. Lino amubone aba basisimi mbo babede. Alimwi lino Bbaibbele lila caamba awa. Masimpe, Ula cita. Masimpe! Mwabona?

304 Lino, amubone, aakati ka yeeyi, mvwiki zyotatwe a cisela lino, kuti bala sinsima kunselele awa a i—i Ciyubunuzyo awa ncakati. . . Alimwi ba—ba kasinsima mazuba ali cuulu a myaanda yotatwe a makumi otatwe. Ikuti. . .

305 Lino, kkalenda ya Cijuda ya lyaonse, ciindi calyonse ca kkalenda ya Leza, mazuba eeni ali makumi otatwe mu mweezi. I kkalenda yaba Rome, ncintu cinyongene. I kkalenda ya lyaonse alo mazuba ali makumi otatwe mu mweezi.

306 Lino, ikuti na uyanda kubweza mazuba ali makumi otatwe, a kuyungizya myaka yotatwe a cisela kuli njiyo, a kubona mazuba ali makumi otatwe, alimwi, ee, ujana nzi? Cuulu comwe a myaanda yotatwe a. . . na mazuba ali myaanda yobilo a makumi otatwe. “Cuulu comwe amyaanda yobilo a makumi otatwe (mazuba ali makumi alicisambomwe),” iini myaka yotatwe a cisela comwe.

307 Lino, nywebo mwabona, kwiina bulubizi kuli ceeco. Nceeco we, cila njilana kabotu antoomwe mbuli ii—ii kuboola kunjilana antoomwe. Amubone, balo basinsimi bobilo bakakambauka myaka yotatwe a cisela, kuba Juda. Muli yeeyo, bakaitwa kuzwa, bali zyuulu zili mwaanda amakumi aone abone.

308 Elyo mpawo, amubone, aba basinsimi bobilo bali mbuli Musa a Eliya. Mwabona? Mwabona? Lino amulange, amulange, wabo. . . Amulange mulimo wabo. Lino amulangilile eco basinsimi aba ncoba cita. “Bali jisi nguzu zya kuuma nyika kubelesya cipenzyo, kunji mbuli mbo bayanda.” Nguni waka cicita? Musa. “Bali jisi nguzu zya kujala majulu, nkabela ti yakawa mu buzuba bwa mulimo wabo.” Nguni wakajala majulu kwa myaka yotatwe a cisela? [Mbunga yaamba, “Eliya.”—Mul.] Mbaabo we. Mbe mbabo. Mwabona, cili. . .

309 Mwabona, muntu, cindi aafwa, ta cinci bupange bwakwe. Ta cinci bubambe bwakwe, mwabona. Amulange, cindi—cindi, kakutanaba. . .

310 Cindi Saulo nakawa, nkabela kwakanyina basinsimi mu cisi, ta kakonzya kumvwisya cintu cakucita—cintu cakucita. Wa kali kutala kacilwana. Wa kali kuunka ku nkondo. Wa kaunka ku musondi waku Endori.

311 Lino, bulowa buyo bwa bacende a mpongo, waa kakonzya kucita ceeci. Elyo wa kaitila atala muuya wa Samueli.

312 Elyo cindi Samueli nakayutuka, ngooyo wakaima, mu cikobela cakwe ca businsimi. Kutali boobo buyo, pele wa kacili musinsimi. Kati, “Nkaambonzi wa ndiita kuzwa ku kupumuna kwangu,” mwabona, wa kati, “mukubona kuti wakaba sinkondonyina a Leza?” Wa kati, “Ku ciindi ecino, juunza masiku, uyoowa mu nkondo. Elyo ciindi eci, juunza masiku, unooli andime.” Elyo nce ncico ncobeni caka citika. Mwabona? Kutali buyo. . . Wa kacili musinsimi. Mwabona?

313 Elyo aba balombwana bacili basinsimi. Lino tuyo sakana asyoonto muli ceeco, maminiti masyoonto buyo, na Mwami wayanda. Mwabona?

314 Oh, ma, obo Mbwe liyanda Ijwi eelyo! Ta cigambyi, “Muntu taka poneni ku cinkwa cilikke. Ijwi lyoonse lizwa ku mulomo wa Leza!”

315 Aba basinsimi bobilo ngu Musa a Eliya, kweendelana ku milimo yabo muku kozyanisigwa alubo. Oyo, oyo wakali mulimo wabo lyoonse. Lino amubone, mbuli mbo bakacita ncobeni. Eco tii cakaba cinca. Amuyeeye, aba balombwana tiiba kafwa. Amulange buyo ii. . .

316 Lino, muta nyonganyi, katutana kuzwa kuli ceeci. Muta nyonganyi mulimo waciindi casanu iwa Eliya a mulimo wakwe waciindi cane. Nda kamwaambila kuti, Mbungano ya Bamasi ilangila Eliya. Nconzyo.

317 Elyo ngooyu uli okuno aba Juda. Amuyeeye, ta konzyi kuboonu kali wane; oyo—oyo mweelwe wa sinkondo. We elede kuba wasanu.

318 I ciindi citaanzi na kasika, wa kali Eliya, mwini. Cindi cakatobela na kasika, wa kali Elisha. Ciindi cakatobela na kasika, wa kali (nii?) Johane Mubapatizi. I ciindi catobela na kasika, nca angelo waciloba. Elyo ciindi casanu na kasika, uli antoomwe a Musa kutala okuya, kuba kambaukila. Masimpe. Iiyi, munene. Uta munyonganyi. Uh huh.

319 Wasanu, ikuti na mulizi nomboo zyanu—zyanu zya Bbaibbele, wasanu walo mweelwe wa luzyalo lubeleka. Elyo nce ncico Nca kacita. Lino, amulange, muyanda kuziba mpo cibede. Sa Jesu lwakali kubeleka kwa luzyalo? J-e-s-u-s, tosanwe, l-a-b-o-r. Sa mbo mbubo? Kubeleka, kwa—kwa luyando kuli ndinywe. Alimwi ikuti na wasika kuli Nguwe, mbobuti mbo boola, kwiinda kunzi?? L-u-s-y-o-m-o mu k-u-b-e-l-e-k-a. Sa mbo mbubo? Kubeleka mweelwe wa luzyalo, ncibotu, ku basyomi.

320 Amubone, Eliya mutaanzi, oyo wakali nguwe. I wabili wakali Elisha. I watatu wakali Johane. I wane wakali angelo waciloba, na mutumwa wamamanino ku Mbungano, kweendelana kuli Malaki 4 a Ciyubunuzyo 10:7. Lino, ciindi casanu, walo mutumwa kuba Juda, kuli bali zyuulu zili mwaanda amakumi one abone, kuba Juda, Mbungano yaakumana kuunka.

321 Nda—Nda—Nda limvwa buyo bweenzu aniini, mwabona. Mwabona? Amulange, ikuti na bamwi bayeeya. . . Ndi yanda kubamba eci lino, mwabona. Ikuti na bamwi baciyeeya kuti Malaki 4, “ku kuboozezya” bantu, ncuti comwe ncayo cita kumusanza okuya kuba Juda, a kuyeya kuti conse cilelene, andi cilulamike buyo eco kuli ndinywe, aniini buyo. Mwabona, inga canyonganya aniini. Nkaambo, nywebo mula yeeya, muli Malaki 4, yaamba kuti, “Kuboozya Lusyoma lwa matata. . . na i bana kujokela kuli taata.” Mwabona, kujokela kuli taata!

322 Lino andi mutondezye lwandaano lwa mulimo. Ikuti na waboola kujosya Lusyomu lwa bana ku matata, na kamukaka Kristo. Na kajokela ku mulao. Mbo mbubo na? I matata bakabamba mulao. Mwa cimvwa na? [Mbunga yaamba, “Ameni.”—Mul.]

323 Amubone, cindi Elisha, cindi na kasika kuzulizya mulimo wakwe muli Malaki 4, mwabona, mbuli Malaki 4, Eliya wakali alikke.

324 Pele cindi na kasika kukutauka kuba Juda, ba Ciyubunuzyo 11, ula antoomwe a Musa. [Mukwesu Branham wakamba maanza akwe antoomwe ziindi zyobilo—Mu.] Aboobo, kwiina kunyongana, nokuceya. Mwabona? Mwa cimvwa? [Mbunga yaamba, “Ameni.”]

325 Cindi Elisha asika, wa Malaki 4, unooli alikke. Eliya uyo beleka; kutali Eliya a Musa, “Eliya” uyo buka. Pele bunanike mbubonya, obo, kati Eliya uyo boolela cibeela camamanino ca bukkalo bwambungano, “ku kubozezya Lusyomo lwa bana kujokela ku Lusyomo lutaanzi lwa matata,” Lusyomo lwa buapostolo, kwalo mweelede kujokela. Alimwi sikulwanakristo waka babamba kusomoka boonse. “Ku kubozezya,” mbuli amwi Magwalo mbwa njilana kabotu antoomwe. Mwabona, ula boola alikke. Mwabona?

326 Pele cindi aboola ku Mbungano, Bbaibbele. . . na aboola kuli bali zyuulu zili mwaanda amakumi one abone, Bbaibbele lilaamba cantangalala kuti bobilo wa. . . Kuli bobilo babo, kutali omwe wabo. Bobilo babo! Alimwi mulimo wakwe mutaanzi tiiwa kakonzya kutola ba Juda akuba josya ku mulao, ulaba wa. . . nkaambo ula boola, kakambauka Kristo kuli bali zyuulu zili mwaanda amakumi one abone, ameni, “Ngoooyo Mbwa bede, oyo Mesiya waka nyonyoonwa.” Ameni! Nce ncico, aboobo muta cinyonganyi. Takuli kunyongana. I Lugwalo talu beji, nokuceya.

327 Bulemu! Oh, cindi ni Nda bona ceeco, Nda kali kusotauka mujulu! Nda amba, “Ndaku Lumba, Mwami,” cindi Neli kucilanga kacicitika okuya. Bona kuti Eliya wa keenda kumbele okuya ku bukkalo obo butaanzi, alikke, alimwi wa kali alikke. Mpawo cindi Nda mubona alubo, kulaale okuya kubusena bumwi, kwakali bobilo babo okuya cindi eco nicaka citika. Kati, “Nceeco we. Eco, eco cacicita, Mwami. Ameni! Nda cibona lino! Aleluya!” Obo mbombubo.

328 Ikuti Ne taka caamba, ni caka nyonganya aniini ku muntuumwi. Pele Wa—Wa ndaambila ku caamba, aboobo Nda cicita.

329 Amubone, aba bantu bala bambwa kabali baumi kwiinda kuli Leza, kuzwa ku mulimo wabo mutaanzi, wa ncito iciza; baka ubeleka kabotu loko. Mwabona? Amuyeeye buyo, kuti muuya wa Eliya ula kutauka ziindi zyoosanwe; Musa, kobilo. Ncinzi? Kubabamba kabali baumi kuli iciza, ncito iciza.

330 Taakwe umwi wabo wa kafwide lino; sena mula syoma obo. Ba kabonwa bobilo, kabali baumi, kabaambaula kuli Jesu aa Cilundu Cakusanduka. Pele, amuyeeye, baleelede kufwa.

331 Lino, lino, Musa wakafwa ncobeni. Pele wa kabuka, nkaambo wa kali cikozyanyo cilondokede ca Kristo. Mwabona? Kwiina umwi wakasola kuziba oko nkwa kazikilwa. I Baangelo baka mutola. Mwabona? Wa kajisi Baangelo basikubweza kkofini. Uh huh. Nkaambonzi? Taakwe muntu uufwika wakali kukonzya kumubweza kuya oko nkwakali kuya. Wa kaina buyo mu mulimo, kwa mana. Wa kajisi Baangelo, basikubweza kkofini, mwabona, nkaambo Ba kamutola oko nkwa keelede kuba. Kwiina uzyi pe.

332 Akwalokuli Saatani, taa kazi awalo. Wa kakazyanya a Angelomupati. Mbo mbubo. Ta kakonzya kumvwiya eco caka citika kuli Musa. “Nda kamubona kakankama okuya. Elyo kulanga kutala lya nyika, kucebuka ku bana, abamwi bambi, Nda mubona kakankama. Pele wa katanta aa Mwaala, nkabela eco cakali ciindi camamanino Ne kamubona.”

333 Oyo ngo Mwaala! Oyo ngu Mwaala! Andi ime atala a Mwaala oyo, ku mamanino aa lweendo lwangu! Iiyi, munene! Lino, i . . . Bakwesu bangu basiya bakali kuboola kutala okuno a kwiimba lwiimbo luniini, “Ikuti Nda konzya, inga Nda ima ncobeni aa Mwaala awo Musa mpakaimikila.” Iiyi, munene! Oh, oyo ngo Mwaala Ngwe yanda kwiimina wo, ambebo. Ku lusyomo Nda ima alya.

334 Pele amuyeeye, Eliya, wa kakatala buyo, nkambo wa kajisi mulimo mupati kumbele lyakwe. [Mukwesu Branham wapumuzya. Mbunga yaseka—Mul.] Abobo wa kadekela kapati, nkabela Leza waka mutumina buyo mu lweendo kuya ku Muunzi, mbo mbubo, katuma nkalaki. Sa mbo mbubo? [“Ameni.”] Kamutola kujulu. Ta kafwa pe, nkaambo Wa kamubamba kali muumi. Wa kajisi mulimo kuli nguwe wakacili kuza. Andi munanike muntu, walo, mwabona, kuyutuka mu Muuya wakwe.

335 Pele beelede kulabila lufu. Lino Ciyubunuzyo, cipati 11. Lino, ka tuya, Ndili mpoonya awa nekuba. Atu cuume, Ciyubunuzyo 11. Amulagilile a kubona ikuti bobilo baka jaigwa. Iiyi, munene. Bobilo beelede kulabila lufu. Iiyi, munene. Niba kamanizya mulimo wabo, ba labila lufu. Ciyubunuzyo 11, alimwi atu talike a 7.

Elyo cindi niba . . . baka manizya bumboni bwabo, munyama oyo wakazwa mu malindi aatagoli . . . bamba lumamba kuli mbabo, . . .

336 Oh, ma, taa konzyi kucizunda; babumbulusi basalala bajoka alimwi, mwabona. Ncibotu. Ncibotu.

. . . kuzwa mu mulindi uutagoli . . . bamba lumamba kulwana mbabo, nkabela uyo bazunda, a kuba jaya.

337 Pele amulange eco cicitika. Bala kozyanisigwa cakulonndoka lino.

Elyo mibili yabo iifwide iyo lala mu kagwagwa—mu kagwagwa ka oyo munzi mupati, . . . kumuuya . . . uutegwa Sodoma a Egepita, oko akwalo Mwami wesu nkwaka bambulwa, (Jerusalemu, mwabona).

338 Lino beelede kulabila lufu, (tabakaciti na?) mbo mbubo, mulimo wabo waakumana.

339 Nkaambonzi? I mulimo wa angelo waciloba, mulimo wa angelo waciloba, mulimo wa Eliya kuli angelo waciloba, kutali . . . Nkaambonzi tau, nkaambonzi tau konzyi, mubwini,

Ndi sola kwaamba kuti, mulimo wa angelo waciloba mpawo uba kwiinda kuli Musa, ikuti na walo tafwiki, mbubonya mbuli mbo cikonzya kuba kwiinda kuli Eliya? Nkaambonzi taba . . . Nkaambonzi Leza nca taka tuma, kati, “Eliya, wa—wa kabeleka canguzu loko, Ndi . . . alimwi zintuzyonse, masena aya onse aindene. Nda—Nda syoma Njo tuma Musa kumusanza?” Nkaambonzi?

³⁴⁰ Amulange mulimo wa Musa. Eliya wakali musinsimi ku masi onse; pele Musa wakali sikupa milao kuba Juda balikke. Ameni. Musa uli walya kwaamba . . . I kaambo nca kaboola a Eliya . . . Ba Juda baamba kuti, “Lindila, tu cibamba mulao okuno.” Pele mpaawa Musa uliimvwi alikke; alimwi ngooyu Eliya kaimvwi a nguwe. Oh! Mwabona? Walo uboola kuba Juda balikke. Mwabona? Musa wakaunka biyo kuba Juda; musinsimi Eliya wakali waku masi onse. Pele Musa wakaba musinsimi kuba Juda, a sikupa milao. Mwabona? Oyo wakali mulumbe wakwe, mulao.

³⁴¹ Pele ino wakali mulumbe nzi wa Eliya? Ku banakazi bageledwe masusu; tubungwe. Iiyi, munene. Elyo wa kazapaula ncobeni. Masyu apentedwe; ka bambila, “Muyo saninwa ku babwa.” Wa kaba zapaula ncobeni.

³⁴² Elyo mpawo cindi Muuya wakwe niwa kaboola ali Johane, wa kayutuka ncobeni kuzwa mu nkanda a kucita cintu nciconya. Neonzyo. Wakati, “Toyeeyi kuti tu zulilwa kuli *eyi* na *eyo*. Leza ulakonzya ku mabwe aya kubusya bana kuli Abrahamu.”

³⁴³ Keenda kunembo lya Herodiasi, kati, “Alimwi undaambila kuti waka kwatwa ku mulamu wako wini . . . ?” Kati, “Ta cili mu mulawo ku cicita!” Oh, mukwesu! Fyuu! Humu! Wa ka mwaambila. Masimpe.

³⁴⁴ Amubone, eyi myuuya yeelede kulindila kaindi kaniini, kuti bali mwaanda a makumi one abone . . . ku jaigwa. Oh, tacili eco na, tacili . . . ? Eco cibika Bbaibele antoomwe.

³⁴⁵ Lino ciindi cangu cakkwana ncobeni, ikuti na Nda mulekezya kufwambaana. Pele Ndi jisi buyo zintu zimbi zisyoonto zya kwaamba, ikuti na mula konzya kucizumina. [Mbunga yaamba, “Ko zumanana!” Mul.] Ndi lizi kuti kulapya. Alimwi Ndi zwa nkasaalo.

³⁴⁶ Pele, amuswiilile, Ndi jisi buyo cintucimwi caku mwaambila. Ncibotu loko, cila pya ncobeni moonya mu moyo wangu. Nda syoma tamuna ciluba, mwabona. Anda ambe ceeci, mu busyu Bwakwe. Ku luzyalo Lwakwe, Wa kandi lekela kubona bantu bangu, kutali kaindi loko, mu zikobela zituba. Mula ciyeeya na? [Mbunga yaamba, “Ameni.”—Mul.] Mula yeeya? Mula yeeya kaano na, kutali kaindi loko? [“Ameni.”] I Nabwiinga Munamasi, mbaabo awo lino. Boonse bakali mu zikobela zituba.

³⁴⁷ Nda kali sinsimukide. Nda kali ku muswaangano. Kutandila mwaka waanda, kumbi aniini. Nda kasinsimuka kuseeni kumwi,

nkabela Nda kabuka. Elyo Nda kati, “Oyandwa?” ku mukaintu wangu. Ta kaputa pe. I bana bakatandila . . . Kacita kubuka a kubatola ku cikolo, mpoonya atala awa ku busena bwakaindi. Ee, Nda—Nda kabuka mu bulo, nywebo mulizi, a kuyaama. Nywebo mulizi nzila; kukkala nji a ku yaamika mutwe wako ku mutwe wabulo. Twa kajisi bumwi bwa malo abupange bwakaindi. Elyo aboobo Nda kayaama buyo kusule mbuli *boobo*.

348 Elyo Nda kayeeya, “Musankwa, wakakkwanya kale makumi osanwe aitatu. kuti na uyo citila Leza cintu cimwi, ncibotu kucicita, nkaambo uyo ceembaala maningi—maningi, kwakwiinda kaindi.” Mwabona.

349 Elyo Nda kayeeya, “Nywebo mulizi, mbo mbubo, lino.” Nda kayeeya, “Musankwa, yebo ulizi. Ta ndili kule maningi. Nde elede kuunka cakufwambaana.” Nda kati, “Oyo—oyo mwaka kukomona kwiinda bataata mbo bakapona.” Mwabona? Nda kayeeya, “Nde elede kuzwa cakufwambaana. Nda kacibona. Alimwi, mpaawa, Ta ndina cita cintu kuli Leza, pe.” Nda kayeeya, “Nda kali kuyanda kucita cintucimwi Cakwe.” Nda kayeeya, “Nde elede kubinda a kuccicita, ikuti na Njo cicita. Alimwi Ta ndizi nzila Mbweyo cicita, kwa mana.”

350 Nda kayeeya, “Muntu, Ndi lombozya kuti Nka pone kuyo Mu bona kaboola. Ta ndiyandi kuba cimpuku, na muuya.”

351 Mwabona, Nda kali kuyowa muuya lyoonse. Alimwi lino, nywebo mulizi, oyo musyobo wa . . . Nda kayeeya lyoonse, mbuli ikuti na Nda kaswaana Mukwesu Neville nkabela nakali kakumbi kaniini katuba kazunguluka, nywebo mulizi. Elyo ni Nda kati, “Kwaamba, Mukwesu Neville.” Elyo na kati, “Kwaamba, Mukwesu Branham,” ku gano limwi; ta konzya kwaambaula. Pele Ne kaziba kuti wakali Mukwesu Neville. Inzya. Ne kayanda kusukana janza lyakwe mbuli Mbwe kacita lyoonse. Nkambo, nkukoonse Nkwe zyi, mbantunsi. Mwabona, Ne kayanda kusuka janza lyakwe, pele ta jisi janza. Lili ansi alya mu cuumbwe, kubola kumaninina. Mwabona?

352 Nda kayeeya, “Ma, Nda syoma Nse kaindi muli ceeco.” Lino, Nda kali . . . Lino Ndiyo mwaambila bwini. Nda—Nda kali kuyoowa kufwa; kutali kuyoowa inga Nda sweeka, pele Nse kali kuyanda kuba muuya. Ndi yanda kuti nke cili muntu. Nda kali kuyanda kulindila Kukwempwa, mwabona. Nda kali kuyanda buyo kukkala boobo. Nse kali kuyanda kuba muuya, uzunguluka koonse. Nda kali lede alya, nkeyeeya ceeco.

353 Elyo, mpoonya buyo, kwakali cintucimwi caka citika. [Mukwesu Branham wanontola munwe wakwe lomwe—Mul.]

354 Lino, nywebo mulizi, nyoonse muli zibilene, ku zilengaano. Alimwi ikuti na eci cakali cilengaano, Nse kajisi cimwi mbuli ceeco, mwabona. Elyo Nda kazitambula kuzwida ciindi Ne kali mulombe muniini.

355 Eyo, mpoonya buyo, cintucimwi caka citika. Elyo Nda kalimvwa kuya buzwa. Nda kayeeya, “Uh oh.” Elyo Nda—Nda kayeeya, “Nda—Nda fwa kale, mwabona, alimwi Nda—Nda zaya.” Mwabona?

356 Elyo Nda boola ku busena, alimwi Nda kayeeya, “Nda syoma Ndila cebuka.” Ca kali cini ncoobeni, beenzuma, mbuli Mbwe imvwa mpoonya awa. Mwabona? Elyo Nda kanyona, ku cebuka. Elyo mpaawo Nda kaliko, nkelede aa bulo. Elyo Nda kali tandabede, nkelede kumbali lya mukaintu wangu.

357 Nda kayeeya, “Ee, antela kwakali kulwanwa kwamoyo.” Mwabona? Nda kayeeya, “Ee, mwabona, Nda kafwa buyo mpoonya awo,” eyo inga yaba nzila mbotu ya kuunka. Aboobo, Nda kayeeya, “Okokulwanwa kwamoyo. Nse kaelede kupengaana.” Nda kalanga, alimwi Nda kayeeya, “Ee, lino, eco nceenzu. Mpaawa Nda kali lede, mpoonya alya; alimwi mpaawa Ndi liimvwi, awa.”

358 Aboobo, Nda kanyona. Waka boneka mbuli mupati ncobeni—mbuli muunda mupati ncobeni, mbuli, na cintucimwi, muunda buyo uya busangabala mupati ujisi bwizi bwa bbulu. Alimwi—alimwi Nda kati, “Ee, Nda libuzya na eci ncenzi?”

359 Elyo, ndyoonya awo, mbuli Mbwe kalanga, mpaawa kwasika bali zyuulu taimuzi zyuulu zya banakazi bakubusyi, boonse mu zikobela zituba, masusu kalengelela ansi ku zibuno zyabo, matende kaatasamide, nkabela bakali kuzuza nkoonya kutozya kuli ndime. Nda kayeeya, “Lino ncizi eci?”

360 Nda kanyona, kacebuka *alya*, elyo mpawo Mpe kabede; alimwi kalungumana nzila *eyi*, mbaabo bakasika. Nda kaluma munwe wangu. “Ta—Ta—Ta—Ta ndili mung'onzi, ncobeni.” Pele, Nda konzya kulimvwa. Alimwi Nda kati, “Ee, mpawo, cintucimwi awa, ceenzu.”

361 Elyo aba banakazi bakasika boonse, kaba zuza. Elyo Nse na bwene banakazi babotu boobo! Elyo boonse bakasika, kabazuza kutala kuli ndime. Elyo cindi niba zuza kuli ndime. . .

362 Nywebo mulizi nzila Mbwe kabede, kubaanga. . . Ba ndiita kuti sikusulaika banakazi, pele Nseli boobo, mwabona. Pele, Ndi—Ndi yeeya buyo, mwanakazi mubotu ngumwi wa i. . . ni ngale. Pele, Ndi yeeya kuti, umwi uutali kabotu, ngu, mbuli Solomoni mbwaamba, “maanzi mu bulowa bwako.” Aboobo masimpe Nse jisi ncito a—a mwanakazi simpuwo mbi na sikuli dundaizya.

363 Elyo aboobo aba banakazi bakasika boonse. Ba katalika kundi gwambatila. Lino, eco nceenzu. Nywebo mulizi Ne takakonzya kwiiminina ceeco. Aboobo, alimwi bakali. . . Lino, Ndila amba ceeci munzila, yakuti, Ndili—Ndili mu bbunga lisangene. Pele, bakali, ba kali banakazi. Ba kali banakazi. Elyo ba—ba kandi bukata, umwi aumwi, a kuti, “Mukwesu wesu—

wesu muyandisi!” Elyo umwi wakali kunga wandi bukata, alimwi mpawo wakali kunga wandi bukata.

364 Nda kalimvwi alya, nkelanga. Nda kayeeya, “Ee, lino, ncinzi eci?” Mwabona? Alimwi baka liimvwi alya. Nda kayeeya, “Ncinzi cacitika?” Nda kacebukila ansi. Mpaawo Nda kaliko, nkelede mpoonya ansi *alya*; alimwi mpawa Nda kaliko, nkeimvwi *awa*. Nda kayeeya, “Lino, eco cilagambya. Nse—Nse cimvwisi.”

365 Elyo mpawo banakazi bakoongolola, “Oh, mukwesu wesu muyandisi,” a kundi bukata. Lino, kwakali kusyoonto koonse, mu kulimvwa, banakazi.

366 Lino mundijatile, bacizi, mbuli Mbwe amba ceeci, nkaambo . . . Pele amuswiilile kuli dokotela wanu; alimwi ikuti ta tujisi mizeezo iisalala, nkokuti tatuli Banakristo. Ta ndikwe makani . . .

367 Nda kapona cakusalala lyoonse. Leza ulizi obo. Cindi Ne kali musankwa muniini, Angelo wa Mwami waka ndaambila kutasofwaazya mbili wangu, kufweba, na kunywa. Alimwi obo mbwini. Ku luzyalo lwa Leza, Nda kazibamba ezyo. Cindi Ne kali sizibi, Nse kalilemeka bubu a banakazi. Elyo aboobo . . .

368 Pele kufmbwa muntu ulekela mwanakazi kumu gwambatila, walo mukupangwa a maseelo a mweenze, alimwi anguwe, abwanakazi, kuli kunyanyamukwa. Ta ndikwe makani na nduweni, lino, uta ndaambili kuti to citi, ikuti na uli muntu wanseba mbotu.

369 Pele, kutali Okuya; nkaambo to jisi, limbi, maseelo andeene. To kabisiyi Okuya. Kwakali kucincwa. Kwakali biyo luyando lwabunyina ku banakazi.

370 Nekubakuti, mu luzyalo ndoba kalanga; Ndi yeeya kuti, ii—ii mwanakazi, mwanakazi mubotu oyo ulibamba kabotu mwini, a kweenda mbuli mulindu, walo ii—walo mukozyanyo wa ngale ya nyika. Nda—Nda botelwa kufumbwa cintu eco caciwa cibotelezya. Ndi yeeya kuti, ii—ii mwanakazi oyo ukkala mu busena bwakwe, a kusola kuba mulindu, calo ii—calo nciimo ca lulemeko. Nda syoma obo. Ailmwi Ndi yeeya kuti, umwi utali obo, cili buyo mbuli i—i Kristo a sikulwanakristo, cintu nciconya.

371 Nda—Nda botelwa kufumbwa cintu eco cili mbo cakapangwa. Mbuli mbizi mbotu, na kufumbwa cintu, ciima buyo mu ciimo cayo ca mbizi mbotu loko. Na, kufumbwa cintu mbuli ceeco, mulundu mubotu, banakazi babotu, baalumi babotu, kufumbwa cintu eco ciima mu bupange bwa Leza, Nda cibotelwa lyoonse.

372 Alimwi bakali londokede. Pele takukwe makani obo mbo bakandi gwambatila a maboko abo, alimwi bakali banakazi, mula mvwisiya, pele tii kwa kakonzya kuba cibi.

I magilandi abweenze a magilandi abwanakazi, obilo, akali manide. [Mukwesu Branham wakamba maanza akwe antoomwe ciindi comwe—Mul.] Alumbwe Mwami! Bakali bacizi bangu, kumaninina.

373 Nda kalanga. Elyo Nda katalika ku...Nda—Nda kalanga maanza angu; Nda kabona boonse kuti bakali bakubusyi loko. Elyo Nda kalanga; Nda kali mukubusyi, ambebo. Elyo Nda...

374 Elyo kusweekelwa masusu angu, mbuli mwaalumi mukubusyi; kubikka asidi ya kabboliki ali ngawo, sikugela wakacita, a kwaagusya oonse cindi Ne kali buyo musankwa. Alimwi lyoonse cakali kubanga ii—ii cintu kuli ndime, cakuti Ndi—Ndi—Ndi fwa mpeyo cakufwambaana kapati, nkambo kakuti lukanda lwangu lwamasusu lucili lutete, nywebo mulizi. Alimwi miyanda ya masusu nkoicili okuya, pele ya kaumpwa kuli asidi ya kabboliki, alimwi masusu taakonzyi kukomena, mwabona.

375 Elyo Nda kainka, mukaintu wangu, cindi Ne...myaka minji yainda, aku ndijanina kabeela kamasusu ka kusama, kabeela kaniini kamasusu, kakusama, kuvumba mutwe wangu. Pele lyoonse Nda kali kufwansonni ku kasama, nkaambo kakali kuboneka mbuli kuti cakali cintucimwi cakuli cengeezya. Alimwi Nse kali kuyanda cintucimwi cakuli cengeezya.

376 Elyo aboobo Nda kayeeya, “Nda sama buyo ngowani yakuluka.” Mpawo, Nda kacita, kwa kaindi. Mulizi na ncoba kacita? Ba kali kuyanda kundiita kuti “bishopo” mpawo, alimwi Nda kali kuyanda kuba...Mwabona? Nda kati buyo, “A inke oyo.”

377 Aboobo Nda ciswa mpeyo maningi, a kucilekela...Pele, Ndi...nywebo...kujula buyo mpulungwido, na kufumbwa cintu, akulekela muuwo kuboala oonse mbuli boobo, musankwa, Nda kacijana.

378 Lino Nda kaunka kuli dokotela a ku mubuzya, eco nca akali kuyeeya. Wa kati, “Ee, wabona, tupulo twako—twako tuli jukide. Ula zwa nkasaalo, kuzwa kukukambauka. Oyo muuwo ula sika. Walo—walo ubikka kazunda kampeyo omu mu mamina alimwi ala kunka mu kameneno kako. I cifumo citobela waanga jwi. Nee ncico.”

379 Elyo—elyo aboobo, oh, ma, nywebo nobalombwana nomu jisi masusu, tamuzi mbo mweelede kulumba, alimwi kuba a ngawo. Mbo mbubo. Mwabona?

380 Ee, lino, Nda kajana kuti, mpawo, kuti Nda—Ndi inka ku... Bumwi bwa mazuba aya, ikuti Ndi ta kajani meno angu, Ndiyo elela kuba aamwi, alimwi, aboobo, na bumwi kakutakwe ngawo.

381 Aboobo ikuti na mulombwana—ikuti na mulombwana... Ee, inga Nse ciyeeya kuba bumwi bumbi ku muntu, ikuti na wa kali kuyanda, ku sama kabeela kamasusu, kwiinda mbo

cinga caba ku mwanakazi kusama zimwi ezi zya basikoswe na mbeba, kufumbwa nzyoba sama mu masusu abo mbuli boobo, ku kucipanga panga. Mwabona? Pele—pele, akwalo, ikuti na wacicita, ciya ku kaambo nco cicitila. Mwabona? Ciya ku kaambo nco cicitila. Alimwi aboobo. . .

382 Pele, nekubaboobo, nkeimvwi alya, Nda kalimvwa, nkabela Nda kajisi masusu angu alubo. Ma! Nda kali mukubusyi. Elyo ezi, zyoonse ezi, zikubusyi! Elyo Nda kayeeya, “Ee, sa eci tacili ceenzu! Mbaaba mbo babede.” Alimwi boonse bakalikuzuza. . .

383 Elyo Nda kalanga, kakuboola, alimwi Nda—Nda kabona Hope kaboola. Waa kalanga. . . Nywebo mulizi, waa kafwa kali makumi obilo aibili. Waa kacili mubotu mbuli mbwa kabede lyoonse. Bunji bwanu mula muyeeya; meso ayo asiya mapati. Waa kali muna German. Masusu akwe asiya kaalengelela ansi kusule lyakwe. Nda kayeeya, “Lino, cindi asika okuno, uyo amba—uyo amba kuti, ‘Bill.’ Ndi lizi uyo cita. Ndi lizi uyo amba kuti, ‘Bill,’ cindi asika okuno.”

384 Nda kali kulangilila. Elyo umwi aumwi wa banakazi aba wakali kuboola a kundi gwambatila, kabati, “Oh, mukwesu muyandisi, twa kkomana loko ku kubona!” Elyo Nda kayeeya. . . Umwi aumwi kasamide buyo bweelene, pele baka jisi masusu abo aindene, nywebo mulizi, masusu asalaluka, a masusu asiya, a masusu atubatuba. Elyo—elyo bakali kuboola kwiinda, pele boonse bakali bakubusyi.

385 Elyo cindi na kandi sikila, Nda kayeeya, “Njo bona buyo eco nca taambe.”

386 Elyo waa kandi langalanga, nkabela wa kati, “Oh, mukwesu wesu muyandisi!” Waa kandi gwambatila, nkabela waa kazumanana buyo kweenda. Mwanakazi umwi umbi wakasika, wakandi gwambatila, utobela.

387 Elyo Nda kamvwa coongo. Elyo kalanga nzila *eyi*, alimwi mpawa kwakasika cikama ca baalumi, balombwana bakubusyi, boonse mu musela utandila ku makumi obilo. ba kajisi masusu asiya, a masusu atubatuba. Elyo boonse baka samide zikobela zituba, a matende katasamide. Elyo baka zuza kuli ndime akutalika kundi buukata, koogolola, “Mukwesu muyandisi!”

388 Nda kayeeya. Elyo Nda kacebukila koonse, nkabela mpaawo Nda kaliko, nke cileda alya. Elyo Nda kayeeya, “Ee, lino, eci ceeenzu.”

389 Elyo mpawo buyo Jwi lya katalika kwaambaula kuli ndime. Nse kali bwene Jwi. Lya kati, “Wa bunganisigwa, wa—wa bunganisigwa ku bantu bako.” Elyo mpawo baalumi bamwi baka nditola atala, akundi bikka anzila yaatala, aa cintu caataala maningi mbuli *ceeci*.

Nda kati, “Nkaambonzi ncomwa citila ceeco?”

Kati, “Mu nyika wakali musololi.”

Elyo Nda kati, “Ee, Nse—Nse cimvwisi eci.”

³⁹⁰ Nkabela eelyo Jwi lyakali kwambaula kuli ndime. Nse kakonzya kubona Jwi. Lino, Lya kali atalatala buyo kuli ndime, kalyaambaula kuli ndime.

³⁹¹ Nda kati, “Ee, ikuti na Nda—ikuti na Nda kafwa, Ndi yanda kubona Jesu.” Nda kati, “Ndi . . . Wa kali loko . . . Walo mbuumi bwangu boonse. Ndi yanda ku Mu bona.”

Elyo aboobo Wa kati, “To konzyi ku Mu bona lino. Ucili atala kapati.”

³⁹² Mwabona, kwakali kungsi lya cipaililo, nekuba, mwabona, busena bwacisambomwe, oko bantu nko bainka, mwabona; kutali bwaciloba, oko Leza nkwabede, cilwao caciloba. I bwacisambomwe!

³⁹³ Elyo bakali—elyo bakali ko boonse, alimwi bakali kwiinda muni. Elyo Nda kati . . . Kwakalibonya kuti kwakali bali mamilioni ambabo ncobeni. Nse na babwene . . . Elyo, cindi Ne kakkala okuya, aba banakazi a baalumi ba kacili kuzuza muni a kundi gwambatila, kaba ndiita kuti “mukwesu.” Elyo Nda kakkala alya.

³⁹⁴ Elyo mpawo Jwi eelyo lyakati, “Wa bunganisigwa ku bantu bako, mbuli Jakobo mbwa kabunanisigwa ku bantu bakwe.”

Nda kati, “Boonse aba, bantu bangu? Sena aba boonse mbana Branham?”

Wa kati, “Peepe. Balo mbanduki bako kuli Kristo.”

³⁹⁵ Nda kalanga koonse. Elyo kwakali mwanakazi wakali mubotu loko wakazuzila kutala. Waa kali kulibonya kutandila buyo bweelene. Waa kandi gwambatila amaboko akwe, nkabela waa kati, “Oh, mukwesu wangu muyandisi!” Waa kandi langa.

³⁹⁶ Nda kayeeya, “Ma! Waa kalikuboneka mbuli Angelo.” Nkabela waa kaindilila.

Alimwi Jwi eelyo lyakati, “Sa to muziba?”

Nda kati, “Peepe, Nse muziba.”

³⁹⁷ Kati, “Wa kamu sololela kuli Kristo cindi nakaindide myaka ili makumi alifuka.” Kati, “Sena ulizi kaambo nca kulumba kapati?”

Nda kati, “Oyo musimbi mubotu wakali indide ku makumi alifuka?”

³⁹⁸ “Inzya.” Kati, “Ta konzyi kucinca limbi lino.” Kati, “Ako nke kaambo ncaamba kuti, ‘Mukwesu muyandisi.’”

³⁹⁹ Nda kayeeya, “Oh, ma! Elyo Nda kali kuyoowa ceeci? Baa, aba bantu bali kasimpe.” Tii, tii bakali kwiinka kuli koonse. Tiiba kakatede, mukuba Okuya.

Elyo Nda kati, “Ee, nkaambozi Nce ta konzyi kubona Jesu?”

400 Kati, “Ee, lino, Uya—Uya kusika buzuba bumwi. Alimwi Uyo sika kuli nduwe, lutaanzi, elyo mpawo uyo betekwa.” Kati, “Aba bantu mbasanduki bako abo mbo kasololela.”

401 Elyo Nda kati, “Wa amba kuti, mukuba musololi, kuti Ndi . . . kuti Uyo ndibeteka?”

Kati, “Iiyi.”

402 Elyo Nda kati, “Sena musololi oonse uyo elela kubetekwa mbuli boobo?”

Kati, “Iiyi.”

Nda kati, “Ino kujatikizya Paulo?”

Wa kati, “Uyo elela kubetekwa a bakwe.”

403 “Ee,” Nda kati, “ikuti nkamu yakwe ika njile, ayangu iyo cita, nkaambo Nda kakambauka ncobeni Ijwi ndilyonya.” Nce ncico. Nda kati, “Owo mpa kabbizya mu Zina Iya Jesu, Nda kacita, ambebo. Nda kakambauka . . .”

404 Elyo bali mamilioni ba koompolola, boonse antoomwe, bakati, “Tu yaamide Waawo!”

405 Elyo Nda kayeeya, “Ma! Ikuti ni Nda kalizi biyo eci Nke tana boola okuno, Ne kabamba bantu kuboola okuno. Taba konzyi kukkwasiya kwiindwa ceeci. Baa, amulangisye awa!” Elyo mpawo . . .

406 Elyo Wa kati, “Lino, buzubabumwi Uyo boola, elyo mpawo . . . Lino, omuno, ta tulyi, kunywa, na koono. Tuli bomwe buyo toonse.”

407 Ee, tabuli bulondosi; bula indilila ku bulondosi. Tacili cibotelezya kwiinda; cila indilila ku kubotelezya kwiinda. Takukwe zina likonzya . . . To konzyi kuyeeya . . . Takukwe mabala mu bwaambe bwa ku caambya. Yebo wasika, kwa mana.

408 Elyo Nda kayeeya, “Ee, eci, eci inga calondoka. Elyo mpawo ncinzi nco tuyo cita citobela?”

409 Kati, “Mpawo, cindi Jesu akusika, alimwi tuli . . . nkabela Uyo kubeteka, na ku mulimo wako, mpawo tuyo jokela ku nyika akubweza mibili yesu.” Ee, Nse—Nse kayeeya kujatikizya ncico kaindi. Olo Ndugwalo ncobeni. Kati, “Mpawo tuyo jokela ku nyika akubweza mibili, mpawo twa Iya. Ta tulyi okuno, nanka kuti tula ona.” Kati, “Tula Iya ansi okuya, pele tuyo jokela ku nyika.”

410 Nda kayeya, “Ma, sa eco tacili cibotuloko! Oh, ma! Elyo Nda kali kuciyoowa. Nkaambonzi Nce kali kuyoowa kufwa, kuboola kuli ceeci? Ee, obu mbulondosi, kusanganya bulondosi, kusanganya bulondosi. Oh, eci ncibotuloko!”

411 Mwabona, twakali nkoonya kungsi Iya cipaililo. Mwabona? Eco cakali ncico, mwabona, nkoonya kungsi Iya cipaililo, kulindila Kuboola, mwabona, kuli Nguwe kuunka kubweza abo

bakali koono mu i. . . i—i mibili yoono mu bulongo, kutubusya alubo; kubooba kwiinda, ku tubusya.

412 Mbuli Jesu mbwa kaimba mu paradiso, a kubusya Abrahamu, Izaka, a boonse bamwi, nywebo mulizi, bakali kulindila bubuke butanzi. Ba kanjila munzi a kulibonya ku banji.

413 Eco cakali londokede ku Malembe. I cilengaano cakali boobo, na kufumbwa mbo cakabede, cakali londokede ku Malembe.

414 Elyo Nda kati, “Ee, sa eco tacili cibotuloko!” Elyo mpawo Nda kayeeya, “Sa eco tacili cibotu- . . . ?”

415 Nda kamvwa cintuciimwi kugunaguna, mbuli mbizi. Elyo Nda kalanga. Elyo mbizi yangu yakutanta Nje kali kubelsya kweenzya, Prince muniini, Nda kaiyeeya maningi. Njeeyi yakasika, kai imvwi alya kungsi lyangu, a kubikka mutwe wayo aciwezo cangu, kundi bukata. Mbuli Mbwe kali kwiipa suga, nywebo mulizi, alimwi ya kabikka wayo. . . Nda kabikka kuboko kwangu ali njiyo. Nda kati, “Prince, Nda kalizi kuti unooli kookuno.”

Nda kamvwa cintucimwi kacimyankuta janza lyangu. Ngooyo wakali mubwa wangu wakaindi wakumvwimya ba rakkuuni.

416 Cindi—cindi Ba. Short, anselelo awa, baka mujazya musamu, Nda kakonkezya kuti Ndiyo bajaya Ba. Short ku kucicita. Nda kali kutandila myaka ili kkumi acisambomwe yakukomena. Wa kamujazya musamu, kamupa kazibyo ka babwa. Elyo bataata baka ndijata nkejisi faifo kwiinka kuyo mudubula, moonya mu steshini ya polisi. Elyo Nda kati, “Nda mujaya.” Nda kati, “Ee. . .” Nda kaunka ku namaumbwe ya babwa. Nda—Nda kamuzikka. Nda kati, “Fritz, wa kali mbuli mulongwe kuli ndime. Wa kandi samika a kundi tola ku cikolo. Cindi noka cemaala, Nda kali kuyo kubamba. Lino ba kujaya.” Nda kati, “Nda kusyomezya, Fritz, kuti ta kaponi.” Nda kaamba, “Nda kusyomezya, ta kaponi. Njo mujata mu kagwagwa ciindicimwi, keenda, mpawo Njo muzuzila ncobeni, wabona.” Elyo Nda kati, “Njo mujata nkambo ka nduwe.”

417 Pele mulizi cintu na? Nda kamusololela kuli Kristo, kamubbizya mu Zina lya Jesu, a ku muzikka ku lufu lwakwe. Iiyi, munene. Nda kasanduka kutandila myaka yobilo kumane ceeco. Nda kabona zintu bwaandene kaindi, mwabona. Nda ka muyanda mu cibaka caku musulaika.

418 Aboobo mpawo, pele, nekubaboobo, ngooyo Fritz kaimvwi alya, kacimyankuta mu janza lyangu. Elyo Nda kali. . . Nda kalanga.

419 Nse kakonzya kulila. Kwiina umwi wakakonzya kulila. Lwa kali lutangalo loonse. To kalino konzya kuusa, nkaambo kwakali

ku kkomana koonse. Nota kakonzya kufwa, nkaambo bwakali Buumi boonse. Mwabona? Mwabona? Taka konzya kucembaala, nkaambo bwakali bukubusyi boonse. Elyo eco nci...Cakali londokede ncobeni. Nda kayeeya, “Oh, sa eci tacili cibotuloko!” Elyo bali mamiloni... Oh, ma! Nda kali ku muunzi ncobeni, mwabona.

420 Elyo—elyo mpoonya buyo Nda kamvwa Jwi. Elyo Lya koompolola, lyakati, “Zyoonse nzyo kayanda lyoonse...” bulumbu bwa mulimo wangu. Nse yandikani bulumbu. Wa kati, “Zyoonse nzyo kayanda lyoonse, a zyoonse zyaka kuyanda lyoonse, Leza wazipa kuli nduwe.”

Nda kati, “Alumbwe Mwami!”

421 Nda kalimvwa bweenzu. Nda kayeeya, “Ino ndipenzi nzi? Nda limvwa bweenzu.” Nda kanyona a kulanga. Elyo aa bulo, mubili wangu wakali kuputa. Nda kati, “Oh, Ta ndeedele kujokela, ncobeni. Uta, uta ndilekeli kuunka.”

422 Pele Makanimabotu aka kambaukwa. Mu kavwalu buyo, Nda kali a bulo alubo, mwabona, mbuli boobo.

423 Kwiinde buyo myeenzi itandili kuli yobilo yainda, eco... Mwa kacibala mu i—mu *Jwi* Lya Basimakwebo. Ca kaunka ku nyika yoonse, mwabona. Alimwi Mukwesu Norman, mwali omuno, Nda yeeyela uli omuno abusenabumwi sunumasiku. Wa kacisandula kuzwa kuil ceeco, a ku citumina mu mapamfuleti. Ca kanka koonse. Elyo bakutausi baka lembela, bunji bwabo, a kuti...

424 Omwe awa, Ndi laamba buyo eci comwe nciconya. Kwakali myaanda yazyo, mubwini. Oyu umwi wakazuza, kati, “Mukwesu Branham, cilengaano cako mu *Jwi* lya Bantu Basimakwebo...”

425 Alimwi Nda mulumba Tommy Nickels, nekubakuti tali antoomwe a Bantu Basimakwebo, limbi. Ta ndizi kaambo, pele ta cili obo. Pele wa ka cibikka omuya kabotu buyo, awo Mpe kaambaba. Moonya omuya mu magazini eyo yabana trinitaria, wa kati, “Awo Mpe... Awo Paulo mpa kabbizya mu Zina lya Jesu, a kulailila bantu kucita mbubonya, Nda kacita mbubonya.” Mwabona, wa kacibikka nzila buyo mbo cakabede. Mwabona? Elyo aboobo mpawo Nda—Nda—Nda kayeeya, “Ma!”

426 Oyu mukutausi waka lembela, kati, “Mukwesu Branham, cilengaano cako...”

427 Calo, kwayanda cakali cilengaano. Kati...Lino, Ta ndiyandi kwaamba kuti, “kutolwa kujulu.” Ikuti na Paulo... Ikuti na Nda kakwempwa mu julu eli litaanzi a kubona eco, ino kujatikizya Paulo wa kakwempwa oko mu majulu atatu? Cakali cinzi eco? Wa kati ta kakonzya akwalo ku cikanana, mwabona, ikuti na wa kakwempwa. Ikuti na kwakali kukwempwa, Ta ndizi. Nse konzyi kwaamba. Inga tiinda mwaambila.

428 Pele oyu mukutausi wakati, “Mukwesu Branham, cilengaano cako cakalimwisy a kuba ca Malembe kapati a kuba kabotu kusikila nokaambaula zya mbizi kuba okuya.” Kati, “Ii mbizi ku Julu?” Kati . . . Lino amubone oyo muntu wabupaizi, busongo, maanu? Mwabona? Wa kati, “Julu lya kabambila bantunsi, kutali mbizi.”

429 Ee, Nda kakkala ansi. Billy, mwana wangu awa, kabikka kagwalo moonya omuno mu ofesi ya mbungano yakaindi, kutandila mweezi yotatwe na yone yainda.

430 Nda kati, “Mukwesu muyandisi, Nda gambwa ku busongo bwako, pele, akuziba kwako kwa Lugwalo. Nse kaamba kuti Nda kali ku Julu. Nda kati bwakali mu busena mbuli paradaiso, nkaambo Kristo wakacili atala, wabona. Pele,” Nda kati, “ikuti na inga caku kkutya, ko vununa okuya mu Ciyubunuzyo 19. Elyo cindi Jesu akuboola kuzwa ku majulu a Julu, Walo unotantide aa mbizi iituba, a basalali boonse antoomwe a Nguwe kaba tantide aa mbizi.” Nconzyo. Nincobeni. Iiyi, incobeni.

431 Elyo kutala mu Busena obo mbubonya, kwakali umwi wakali kuboneka mbuli sikwaze, alimwi umwi wakali kuboneka mbuli musune, a umwi. . . Ee, ma, zili kuli mbizi zyakasika kutola Eliya? Ciinka buyo kutondezya, nywebo mwabona, maanu a muntunsi ayanda buyo cintucimwi ca kusala. Mbo mbubo.

432 Lino amubone. Pele Nda kali kuyeeya buyo, mbuli mukwesu oyu, muyandisi munaleza, Johane . . . Nda yeeya buyo kuti inga bwaba busena bubotu bwa kunjizya ceeci, katutana buyo kujala, mwabona. Ikuti na Johane wakalangananga Okuya, alimwi balo banabakwabo, mwabona, banabakwabo abo ba keelede kupenga aniini; mpawo, mwabona, Mwami Leza wakandi zumizya kubona bakwesu bangu a basalali abo bakali kulindila Kuboola kwa Mwami. Amubone, tiiba kali kunsi lya cipaililo ca zituuzyo; bangu tiibakali omo. Pele, aba bakalimo, ba kali baabo bakajaigwa nkaambo ka lusyomo lwabo. Mwabona? Bangu tiiba kali bakajaigwa nkaambo ka lusyomo lwabo kunsi lya cipaililo.

433 Lino Ndi yanda kuti muswiilile kabotu. Elyo Ndila jala, masimpe, buyo kutandila maminiti ali kkumi, aa teeni okuloko, ikuti Nde elede ku cikosola a ku cimanizya juunza.

434 Amulange. Teeba, Teeba kali bangu . . . i bamwi abo Mwami mba kandi tondezya, Nabwiinga, Ta kali kunsi lya nkamu ya bakajaigwa nkaambo ka lusyomo lwabo, peepe, cipaililo ca zituuzyo zya bakajaigwa nkaambo ka lusyomo lwabo; pele bakali tambwide zikobela zituba, kwiinda kukuzumina luzyalo lujatila lwa Ijwi lipona. Kristo wakaba pede cikobela cituba. Ta ndiyeeyi kuti, ku kujula . . .

435 Na, Ndi yeeya kuti, mubwini, ku kujula eci Cinamatizyo Casanu, mbuli Mbwe syoma, kuti Ca julwa kuli ndiswe. Nda cicita a manjezeezya mabotu, a ciyubuuzyo cantangalala kunembo lya Leza. Kutali kusola ku cipanga buyo, kuyeeya,

nkaambo Nda kali kulwana kabunga lyoonse, kuta zulilwa kuli mbabo. Pele Ca julwa kuli ndime lino.

436 Alimwi Ndi yeeya cintu cimbi. Kwiinda ku kujula eci Cinamatizyo Casanu, mu buzuba obuno, kululamika njiisyo mpoonya awa, eyo Nje kozya kwaamba, ya koono kwa myuuya. Lino, Nda bona kuti kuli bantu omuno basyoma boobo, mwabona, mu myuuya kayoona. Ndi yeeya kuti Eci ca cikazya eco. Ta yooni pe. Ila pona. Mibili yabo, iloona. Pele, muuya, kutali mu cuumbwe, ili mu Busyu bwa Leza, mwabona, kungsi lya cipaililo.

437 Mpaawa Mpei mpana a mukwesu muyandisi, mwiyi. Alimwi, Nda bona, Ndi lizi Nda bona bantu bakwe bakkede awa. Kutu, Nda mvwisya kuteeti oyu mwiyi mupati. Walo mwiyi, alimwi ii—ii Mwiyi wa Zyabukombi, alimwi Ph., LL.D. Alimwi walo ii—walo muntu mubotu loko, akwalo. Ndi yeeya kuti wakazaya, ku ciindi ecino. Pele wa kali muntu mubotu, a mulembi mubotu. Elyo walo Mukwesu Uriah Smith, sikulemba wa *Daniele a Ziyubunuzyo*. Lino, kuli ndinywe nobantu bali mbatobeli ba njiisyo zyakwe, mwabona, lino Ta ndi. . . Ta ndi buyo. . . yandi kwaamba ceeci munzila ya kakomokomo, pele Ndi buyo. . . Mwabona?

438 Pele, Mukwesu Smith, a kusola kwiiminina, mwabona, a kusola kwiiminina koono kwa myuuya, alya wa amba kuti, “I koono kwa myuuya. Alimwi taakwe cipaililo ca zituuzyo ku Julu. Kuteeti, cipaililo biyo cikananwa,” kuti ula—ula syoma ciliku Julu, “ncipaililo ca tununkilizyo.” Pele kuli ndinywe nobantu bayandwa. . . Alimwi kutali kwiimpana a mukwesu wangu. Njo antel- . . syoma kuyo muswaana ku lubazu lumbi, mwabona. Kutali kwiimpana a mwiyi oyo mupati.

439 Pele kumu tondezya buyo nzila Eci mbo cikazya ceeco, mwabona. Cila cikazya. I kujulwa kwa Cinamatizyo eci, mu buzuba obuno bwamamanino, cigwisya munzila koono kwa myuuya kuya kulaale. Mwabona? Ila pona. Tai fwide. Mwabona? Amuzibe.

440 Amuzibe eci lino. Lino, ikuti na taakwe cipaililo ca zituuzyo ku Julu, Mpaali cituuzyo ca zibi mpo cibikkidwe kai, ngu Kabelele? Kweelede kuba busena awo Kabelele oyo wakajaigwa, uuzwide malowa, mpalede alya, awo Bulowa. . . ci.

441 Lino, tununkilizyo bwakali bweema bununkilila, cintu cabweema ncobakali kuumpa, eco mu Bbaibble cakali kutegwa “mipailo ya basalali.” Ikuti na kunyina cituuzyo aa cipaililo, nkokuti mipailo tai konzyi kutambulwa. Nku Bulowa biyo, aa cipaililo ca zituuzyo, eco cilekela mipailo kuunka kwiinda kuli Leza.

442 Mukwesu Smith wakali lubide, mwabona. Kutali kwiimpana a nguwe; Ndi yeeya kuti Ndali salazya ndemwini, a luyando lwa

bunyina a bulemu ku mulimo wakwe mupati, mwabona. Pele wa kali lubide.

443 Cinamatizyo Casanu cajula zeezyo, mwabona, mwabona; zintu zimwi zinji, ikuti na mwa cijata. Mwabona? Ndi lindila mibuzyo yangu, mwabona, ikuti na Nda . . . Ncibotu.

444 Lino, lyakali kuli bbokesi; Kabelele, wakayaswa, kasweka, auzwide malowa wa mulungo, ku mipailo eyi yabweema bununkilila?

445 Amubone, Bbaibbele lilaamba, “Ikuti na cilao eci caansi ncotu kkalila camana, tuli jisi cimwi cilindila kale.” Nko nkuko Nkwe kabona basalali abo. Mwabona?

446 Amulangilile cindi muvwanda . . . Mundi jatile alubo, bacizi, ku kwaambaula oku kwantagalala ku banakazi bakubusyi. Pele, amulange. Cindi mutumbu amita, nkabela eco cikama ciniini ca milambi cilanyonanyona akusotauka, mula mvwisya, walo mubili wakunyama. Elyo mbuli buyo bulenge bucitaula mubili wakunyama . . .

447 Sena waka sola kubona mukaintu wako bana baniini kaba tanazyalwa? Lyoonse ulacita, moonya mu lweende, lwamamanino, ulaba sibuyya kapati, mubotu. Ikuti na ta kacita, buumi bwakwe boonse, uyooba mpawo. Sena waka sola kubona mbocili cabusalali, na buuya bwa kulimvwa, sa wakabona mutumbu?

448 Elyo ula bona sizibi umwi okuya, ka fubaazyu mutumbu oyo ii—ii mwanakazi umitide. Ndi yeeya kuti mbufuba. Obo mbuumi buboola ku inyika.

449 Pele sa wakabona, kuzunguluka mutumbu oyo uboneka kuba a kulimvwa kubotu loko? Ino ncinzi? Mubili muniini wakumuuya, buumi bwakumuuya, bulindila kunjila mu mubili oyu muniini mbu tazyalilwe buyo. Lino uzyalwa biyo; pele, cindi wazyalwa, wa zyalwa. I mubili wakumuuya ula kamantana a mubili wakunyama.

450 Elyo, mpawo, Bbaibbele lilaiisya kuti lino twa kazyalwa kwa Leza. Twa kazyalwa ku Muuya Uusalala, kuti, muli ndiswe ngu Kristo, mwana wa Leza kabumbwa muli ndiswe. Elyo cindi oyu mubili waansi wamana, oyu mubili wakumuuya ulazwa ku zikungu zya nyika, ngooyo mubili uumbi uulindila kuutambula. “Ikuti na cilao eci caansi calosegwa, ngooyo mubili uumbi wa kuutambula.” Oyu mubili uufwika wasama kutafwika. Ezi zibeela zyaansi zyasama zyakujulu. Oyu, mwabona Nce pandulula na? Ngooyo mubili wakunyama wa zibi; pele, mu kuupanga, mbuli nguwo, mubili umbi oyo nko tuya.

451 Elyo Ndili lumbide loko kuli Leza kuti Nda konzya kwaamba, mbuli mweembeli a munyoko wanu, Nda kabona bantu abo, a kundi gwasya, mu mubili oyo, akuba bampaampa a maanza angu. Mbo mbubo. Amuzibe.

452 Amulangilile. Amulange Musa, Eliya. Nakamana kufwa Musa, nkabela Eliya waka toledwe ku Julu, wa kaima awa aa Cilundu Cakusandulwa a magano akwe aa kukanana, kumvwa, kumvvisya, a kwaambaula kuli Jesu kautanaba kubambulwa. Lino, musyobo nzi wa mubili ngwa ka jisi?

453 Amulange Samueli, nakamana kufwa kutandila myaka yobilo yakainda. Waka josegwa mu i—i mpangala busiku obo, ku musondi waku Endori, a kwaambaula kuli Saulo a mwaambo; kamvwa Saulo, wakavwiila, alimwi waka bwenekale zintu zyakali kuyocitika. Nekubaboobo, muuya wakwe tiiwa kacinca. Wa kali musinsimi.

454 Cindi muuya wa Eliya wakusika aa muntu, uyo mweenzya mbubonya mbuli Eliya. Uya kuunka mu nkanda. Uyo botelwa nkanda. Uyo sulaika banakazi baamu. Uyo lwana kabunga. Ta kavungili umwi mfwaindi. Elyo eco buyo. . . Oyo, oyo uyakuba muuya wakwe. Wa kali nguwo, ciindi coonse niwa kasika, mwabona.

Musa uyooba muntu nguwenya.

Lino, alimwi tula jana, mu Ciyubunuzyo 22:8, cintu nciconya.

455 Lino, na kuci bamba, nkaambo ka yeeyo. . . Eyo myuuya (lino amulange ceeci) kungsi lya cipaililo, ca kunamatula Cinamatizyo eci, abo baka jaigwa mu ciindi cakati ka lufu lwa Kristo a kutolwa kwa Mbungano kujulu; nkamu ya Eichmann, a boonse abo, balo ba Juda beni a mazina aabo mu Bbuku. Ikuti na walanga, mukwesu wangu, kweendelana ku Lugwalo, bakali kukonzya kwaambaula, koompolola, kukanana, kumvwa, alimwi bakali jisi magano oonse osanwe. Kutali koono mu cuumbwe, cakatuziba. Ba kali pakamena kapati, a kukonzya kwaambaula, kukanana, kumvwa, kufumbwa cimbi. Mbo mbubo na? [Mbunga yaamba, “Ameni.”—Mul.] Oh, kotu gwasya!

456 Maminiti obilo. Ameni. Nda . . . mudi jatile kuti Nda mujata kwa cisela caora. Peepe, Nse konzyi, Nse elede kwaamba ceeco, mwabona. Mwabona? Mbo mbubo, mwabona.

457 Pele, amulange, nceeci ku kumvvisya kwangu kubotu, kubotu. Alimwi kweendelana ku ciyubunuzyo eco capegwa kuli ndime cifumo cino mumuni wazuba kuutana pasuka, kwiinda ku Mwami Jesu Kristo, nceeco Cinamatizyo Casanu cajulwa, cakuunka antoomwe a zyone zimbi. Ku luzyalo Lwakwe, Wa cipa kuli ndime, luzyalo Lwakwe kuli ndinywe a Ndime. Twa Mu lumba kuli Ncico. Elyo, a lugwasyo Lwakwe, Ndi kanza kupona mumsi maningi. . . mbuli Mbwe konzya kupona, kuyiisya bamwi kucita cintu comwe, kusikila Nka Mu swaane, a ndinywe, mu Bulemu, cindi zintu zyoonse zyaakumana. Nda Mu yanda nkambo ka ceeci, alimwi nca ku bubotu bwa luzibo langu kuli Ncico.

458 Elyo Ndila syoma ncobeni, a moyo wangu oonse, kuti Ziyubunuzyo zini zya kuyubununa kwa Cinamatizyo Citaanzi, Cabili, Catatu, Cane, a Casanu, zya julwa lino kuli ndiswe.

Nda Mu yanda, Nda Mu yanda
Nkaambo Wa kasaanguna kundiyanda

[Mukwesu Branham waambawida aansi kuli umwi—Mul.]

Aa cisamu ca Kalivari.

[Mukwesu Branham watalika kung'ung'una *Nda Mu Yanda*—Mul.]

459 Lino, cabutontozi, cakubatama, kumbele lya Leza! Mbuli mbo twabona eci Cinamatizyo kujulwa kuli ndiswe, Leza mu kubweza bana Bakwe Mwini bayandwa a kofwaazya meso abo, a kuba tuma, nkaambo kululama—kululama Kwakwe Mwini kuyanda lubeta lwa zibi. Amu ciyeeye. Kululama Kwakwe, a busalali Bwakwe buyanda kululama. Ii mulao uutakwe cisubulo tauli mulao. Alimwi milao Yakwe Mwini, Lwakwe, Ta konzyi kwiisusya nkabela kacili Leza.

460 Ako nke kaambo Leza wakacita kuba muntu. Ta kakonzya kutola ciiminizyo, mwana oyo watakali...mwana buyo walyoonse kuli Nguwe, na cintucimwi. Leza wakaba kobilo, Jesu wakaba kobilo Mwana a Leza, nzila biyo Nja kakonzya kucicita cakululama. Leza wakacita kubweza cisubulo, Lwakwe. Tii kwaka luleme, ku cibikka aa muntuumwi umbi, muntu umwi. Aboobo, ciimo ca Muntu Jesu wakali Leza, waka yubululwa mu mubili, uutegwa Emanueli.

461 Elyo kucita ceeco, a kubweza Nabwiinga, a kuvuna nkamu iisweekede ya Bamasi bahedeni, Wa kacita kofwaazya bana Bakwe Mwini. Elyo mpawo wakaba subula nkambo ka mbubo, mu mubili, ku kukaka. Pele luzyalo Lwakwe wakabamba zikobela. Pele, Buumi, mwabona caka citika.

462 Elyo ikuti na Wa kacita ceeco, kutegwa swebo tube a coolwe, mbobuti mbo tukonzya kufutatila coolwe mu luyando? Ikuti na nkwali mu buyake, sunumasiku, oyo muntu, mukubusyi na mupati, wa futatila ku ciindi eci eco icoolwe caka tolela Leza muulo uli boobo, nkabela uyanda kutambula caabulo eco kuli Leza, sunumasiku; kuteeti tolede, kuciimo mbuli mbo kasola kuziba, kuba bakajaigwa nkaambo ka lusyomo lwesu, nekubakuti inga mwaba. Pele cikobela cituba caka bambilwa nduwe. Alimwi ikuti na Leza wakonkomona ku moyo wako lino, nkaambonzi kuta cizumina? [Mukwesu Branham wa konkomona aa cikambaukilo ziindi zyoatwe—Mul.]

Lino atu kotamike mitwe yesu alubo.

463 Ikuti na oyo muntu, na bantu, mobali omuno, abo bayanda ceeci, na bayanda kucizumina a mbaakani ya lusyomo lwabo mu Bulowa bwakatilwa obo Leza mbwa katilila ndinywe, kapenga kwiindilila cintu cili coonse kuli umwi ufwika. Tii kwaakonzya

kuba muntu uufwika kupenga boobo. Mane, kufwaba Kwakwe Mwini kwaka pambula maanzi Akwe kuzwa ku Bulowa Bwakwe, mu nsinga Zyakwe. Walo Ka tana kwiinka ku Kalivari, madosi aa Bulowa akali kuzwa ku mubili Wakwe, a kufwaba oko a moyo wakatyoka ku cintu Nca keelede kucita. Pele, nakakonzya kucikaka, akwalo. Pele, wakacicita cakulyaaba nkambo ka ndinywe a Ndime. Sa inga wakaka luyando lubotu boobo luteelekwii?

⁴⁶⁴ Elyo mwabona eco lino, kwiinda ku kujula kwa Zinamatizyo ezi; eco ncomwa cita, alimwi eco Leza ncaka mucitila. Elyo muli libambilide kupa buumi bwanu kuli Leza, alimwi ikuti na Uyo mukwempe kuzwa ku maanza a sikulwanakristo momubede lino, sa inga mwatambula caabilo Cakwe, kwiinda ku kutambika janza lyako kuli Nguwe, kwaamba, “Leza, kuli ceeci, Nda zibya, Nda zumina cabilo eco ca luzyalo”?

⁴⁶⁵ “Elyo, Mukwesu Branham, Ndi yanda mipailo yako, kuti Nka syomeke lyoonse.”

⁴⁶⁶ Tambika janza lyako, nkabela Ndila paila. Leza aku longezye. Leza aku longezya. Ko cikanza lino. Uta—uta ciciti citakuti wa cikanza. Elyo mpoonya awo mpo kkede, ko cizumina mpoonya awo. Nkaambo, koyeeya, inga to tambika janza lyako citakuti Cintucimwi ca kwaambila kucicita. Alimwi taakwe cimbi cikonzya kucicita cita Leza.

⁴⁶⁷ Aboobo, lino, cindi wabona Magwalo ka vunguluka cakulondoka! Wa bona cakali kuya bucitika, mucindi ca makkalo, myaka misyoonto yamananino, myaka ili makumi obilo na makumi otatwe. Wa cibona kacisimpikizigwa cakulondoka. Wa bona Lugwalo ka lwaamba nciconya caka citika, acila fwaafwi kucitika. Mpawo, aa mbaakani ya lusyomo mu mulimo wa Kristo, awo mpo kkede lino, alimwi watambika maanza ako, kwaamba, “Kuzwida ciindi eci, ca bambwa. Nda bweza Kristo lino kuba Mufutuli wangu. Alimwi Njo ponena Nguwe, buumi bwangu boonse. Alimwi Ndi yanda Leza kuti andi zuzye Muuya Uusalala.” Alimwi ikuti na tona bbligwa mu Zina Iya Jesu Kristo, ciziba cino kulindila.

Atu kombe.

⁴⁶⁸ Mwami Leza, kwali mweelwe umwi mupati wa maanza akati ka bantu, ayo aatambikwa. Ndili masimpe Nduwe Mwami Jesu nguonya waka tubambila mulungo, myaka minji yakainda. Elyo mukubona ezyo Zinamatizyo kaziyubununwa, a zintu zipati zyaka citika nkoonya okuno myaka misyoonto yainda, Nda syoma a moyo wangu oonse kuti mulyango wa luse watalika kujala, alimwi Uli libambilide kubweza lweendo Lwako lino kuyo nununa bantu Bako. Kuciindi nokuli busena, a mulyango wajulwa, mbuli mbo kwakabede mu mazuba akwa Nowa, akube kuti eyi myuuya miyandisi ipona mu mubili wa cikombelo eci ciya kumana buzubabumwi, kabusya janza

eelyo lifwika, a mukati ka mbabo; nkaambo kulamwa kwabo—kwabo a ku libanda kwabo, kuti baka syoma alimwi bayanda kuzumina muzeezo Wako kuli mbabo, wa lufutuko, aa Bbuku eli inamatikide lijukide eelyo lyajulwa kuli ndiswe. Ko bapa, sunumasiku, Mwami, cikobela ca bululami bwa Jesu Kristo, akusamika myuuya yabo muli ceeco, kuti baka konzye kwiinda kumbele Lyako mu Buzuba obo buli afwaafwi, cakulondoka, kwiinda ku Bulowa bwa Kristo.

⁴⁶⁹ Mwami Leza, ikuti na tabana bbizigwa mu Zina Iya Jesu Kristo! Elyo aa ciyubunuzyo Nco ndipa kujatikizya ncico; a mukubona kuti Paulo wakalailila bantu abalo abo baka bbizigwa aa Johane Mubapatizi, kubbizigwa alubo mu Zina Iya Jesu Kristo, kutegwa kutambulwe Muuya Uusalala, mu Incito 19. Nda lomba Uyo balamya, Mwami, ku Bwini, alimwi aba Ku swiilile.

⁴⁷⁰ Elyo mpawo mu kuswiilila kwa kuzumina kwabo, a kuswilila ku kwaamba kwabo, a ku maanzi; akube kuti Yebo, mukujosya, uba zuzye Muuya Uusalala, ku nguzu zya mulimo, buumi bwa boonse. Nda batuula lino kuli Nduwe, mu Zina Iya Kabelele wa Leza wakatuulwa, Jesu Kristo. Ameni. Ameni.

Nda Mu yanda, Nda Mu yanda
Nkaambo Wa kasaanguna kundiyanda
A kuula lufutuko lwangu
Aa cisamu ca Kalivari.

⁴⁷¹ Lino, kuli ndinywe nomwa nyamwide maanza anu. Amuswiilile kulailila kwa Muuya, uunga watobela i—i milazyo mipati ya Ijwi, kuli sizibi weempwa. Amwi tobele, mu micito yoonse. Elyo Leza waku Julu amupe bulumbu ku kwiima kwanu kwa Nguwe. I Mwami amu longezye.

⁴⁷² Juunza masiku, amu kalete mapenso a mapepa anu, lino, mbuli mbomwali kucita. Tu langila kuba kokuno aa ciindi nciconya, aa seveni theeti, eeni, na Mwami wayanda. Alimwi ku . . . amundi kombele, kuti Leza uyo jula Cinamatizyo Cacisambomwe kuli ndime, juunza, kuti Nka konzye ku Ci leta kuli ndinywe mbuli Mbwa Cipa kuli ndime. Kusikla eelyo, twa imba alubo. Kutali biyo mu ziimbo, pele mu kulumbaizya Nguwe wakafwa mu cibaka cesu a kutu nununa. *Nda Mu Yanda.* “Nda . . .”

Ngooyu mweembeli wanu lino.

. . . Mu yanda, Nda Mu yanda
Nkaambo Wa kasaanguna kundi yanda.



I CINAMATIZYO CASANU TNG63-0322
(The Fifth Seal)

MATOBELANWA AA CIYUBUNUZYO CA ZINAMATIZYO ZILI CILOBA

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwasanu mangolezya, Miyoba 22, 1963, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2020 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org